

METHODUS
D E
CONSCRIBENDIS
EPISTOLIS,

A
GEORGIO MACROPEDIO

Secundùm veram artis
rationem tradita.

EJUSDEM

*Epitome præceptionum de paranda copia verborum & verum,
per quæstiones: item de novem speciebus argumentationum
Rhetoricarum, rem omnem breviter explicans.*

Accessit Christophori Hegendorphini Epistolas
conscribendi Methodus.

Hac editione longè quàm antea emendatior.



LONDINI,
Excudebat ABRAHAM MILLER, &
MDCXLIX.

UITA 22-12-17

1871



S
do
mo
vis
nn
ni
nn
cir
qu
con
qu
mu
cita
cita
om
tot
vici

A D

SCHOLÆ TRAIECTINÆ

studiosam Juventutem.



QUAS ante annos (ni fallor) decem
de scribendis Epistolis praeceptiones
rudibus id temporis meis auditoribus
crassa (quod aiunt) Minerva dicta-
vi, denuò vobis auctiores, studiosi a-
dolescentes, praelo mandatas offerimus: ut ad rem non
modo utilem, verumetiam maximè necessariam, ne-
vis his (quaequam triviliater scriptis) lucubrati-
unculis, post prima Grammatices praecepta excitemi-
ni. Inter varia siquidem schola nostra exercitia,
nullum est, meo iudicio, ad quod magis non tam ex-
citandi, quàm etiam in rem vestram urgendi estis,
quàm ad Epistolas sedulo scribendas, iusto artificio
componendas. Laudantur (& quidem non immerito)
qui ad unguem Grammatices praecepta callere, qui
multas Ciceronis & aliorum paginas memoriter re-
citare, qui carminum diversa genera non solum re-
citare sed etiam componere nituntur; quibus tamen
omnibus quantumvis studiosis longè eos praefero, qui
totis ingenij sui nervis Epistola student citra barba-
riem doctè & eleganter componenda. Hoc enim ex-

exercitio pervenitur ad studij bonarum literarum scopum, hoc est, ad rectam dicendi & scribendi rationem, sine qua neminem (quantumlibet de cetero gloriatur) eruditum judicare solemus. Hoc quoque exercitio non modo tuas, quisquis es, apte & expedite scribes literas, verumetiam aliorum doctorum pariter & indoctorum, qui ad te scripturi sunt, Epistulas facile judicabis. Vide praterea, quam hoc ceteris scholaribus exercitijs praestet, quod omnium ferme reliquorum usus post scholasticam palestram cessat, hujus autem perseveret. Quis est enim, qui non crebro aut scripturus, aut scriptas accepturus est literas? Et quis est, qui carmine post scholas non subinde animi gratia uti consuevit? Quemadmodum igitur haecenus bonarum literarum candidati, praefidia nostra adjuti studuistis alacriter versibus scribendis: ita non minori sollicitudine & alacritate harum preceptionum nostrarum adminiculo studete Epistolis docte scribendis, & tandem experimini, quod nihil unquam in ludo literario utilius & magis necessarium tractaveritis. Valete: & vestrum ultrò commodis & utilitatibus consulenti Macropeo auscultate. Et ut hoc quoque adjiciam, vobis datus hic liber, habebit duas partes, prior Inventionem Rhetoricam, adeoque Epistolicam:

posterior Dispositionem & Elocutionem tractabit.

Rursus valete.



PRIOR

PRIOR PARS

DE

INVENTIONE RHETORICA.

Quid Epistola, & qualem esse oporteat.

Eum sit Epistola, præcipuè familiaris, absentium amicorum quasi mutuus sermo, ἀπὸ τοῦ ἐπιστάλλω, quod est mitto, aut per literas absenti aliquid significo, talem eam esse oportet, quales sunt amicorum mutua confabulationes. Amat igitur characterem humilem, proximèque ad comicam phrasin accedentem, & (ut planius dicam,) simplicem, festivam, dilucidam, minimèque fucatam scribendi rationem, quæ suam tamen elegantiam non negligat. Quæ res doctissimorum magis observatione, quam scholaribus præceptis acquiritur. Cum sint enim tria tum dicendi, tum scribendi genera: Sublime videlicet, quod crebris figuris ornatum, rebus heroicis convenit, ut in Tragædiis: Humile, quod citra fucum & magnificum cultum humi serpere videtur, ut in Comædiis: Mediocre, quod medio modo se utriq; attemperat, ut in Historiis: nemo hæc melius dignoscere valet, quam qui doctissimorum scriptorum diligens observator est. Quod autem ad rectam Epistolarum

compositionem attinet, secundum Rhetoricum artificium, Inventionem, Dispositionem & Elocutionem, paucis præceptis explicare studebimus. Non secus enim in Epistola, quàm in oratione Rhetorica, primum per Inventionem exogitandum est, quid sit scribendum: deinde curandum, quomodo inventa sint disponenda: tertio quomodo disposita sint aptis verbis & sententijs eloquenda, satagendum est.

Partes Epistolæ duplices.

PARTES Epistolæ easdem ferè tradunt nonnulli, quas rhetores orationi rhetoricæ præscribunt, quæ sunt exordium, Narratio, Propositio, Confirmatio, Confutatio & Peroratio. Verum cum Epistolaris compositio oratione rhetorica sit multo liberior, nec iisdem legibus perpetuò astringatur, nos illis subinde dissimulatis, alias pro diversis Epistolarum generibus præscribimus, congruisque tum præceptis, tum exemplis illustrabimus: nihilominus tamen paulò etiam prænomi-
natas rhetoricæ orationis partes exposituri. In primis igitur hoc advertendum, quòd quædam sunt Epistolarum partes generales, omnibus ex æquo Epistolis convenientes, ut Salutatio, Valedictio, & Superscriptio, de quibus primum pau-
cula præcipienda sunt. Nam speciales, non nisi specialibus, seu singulis Epistolarum generibus propositis, tractari possunt.

De salutatione.

IN salutatione hoc observandum est, ut à tertia scribentis persona incepta, ad tertiam, ejus videlicet ad quem scribitur, quasi à tabellario pronuncietur, procedat, hoc modo : Tullius Curioni salutem dicit. Item adjunctis prænominis & cognominis sic : Mar. Tul. Lentulo proconsuli salut. d. Aut Pliniano more prænominis addito : Cic. Lentulo suo salut. d. In his salutandi formulis (ut vides) persona scribentis nominandi, & alterius ad quem scribit, dandi casu exprimitur. Cavendum autem, ne aut nostro nomini, aut ejus ad quem scribimus titulorum sylvam adjiciamus : nisi velimus vel arrogantia, vel adulationis argui : Sufficit enim quantumvis illustribus sic scribere : Franciscus Gallorum rex Car. V. Imperatori semper Augusto salutem dicit. Item dicimus novè : Salve mi Petre : Salve multum, aut, salve plurimum patruæ observande, & alijs modis ferè totidem quibus uti solemus in congressu. Verum illa veterum simplicitas, nostra novitate corrigi non potest.

De Valedictione..

Quemadmodum in principio salutamus, ita in fine valedicimus ei simpliciter ad quem scripsimus, in secunda dūtaxat persona eum appellātes, hoc pacto : Vale, benè vale. Cura ut valeas. Vale longam jucundissime sodalis. Valetudinem tuam cura diligentissimā : Da operam, ut rectè valeas,

Incolumem te servet Deus optimus maximus, pater optime. Vale mi Petre. Post Vale, locum adnotamus & tempus, ubi & quando scripsimus. Locum exprimimus hoc modo, Datum Roma, Scriptum Trajecti vel ex Trajecto; & omisso verbo vel participio, Trajecti vel ex Trajecto. Item, Ex ludo nostro literario. Ex meo musæo. Ex navi, &c. Tempus subiicimus hoc pacto, Kalendis, Nonis, Idibus Januariis, Pridie Nonas, tertio Nonas, vel Idus Januarias, Februarias, vel Februarii. Item Octava Januarij, Prima Junij. Et Postridie Epiphaniæ, Primo Pentecostes. Possunt & his mensium diebus anni præmitti hoc modo, Anno à Christo nato vel passo, millesimo quingentesimo tricesimo quinto, quarto nonas Martij, nocte intertempesta. Quemadmodum autem nominibus dierum mensiumve rectè ad designandum tempus utendum sit, in Calendario nostro nuper edito abundè satis diximus. Cave in fine nomen tuum subscribas, nisi fortè ob novè assumptam salutandi formulam omiseris.

De superscriptione.

Superscriptio est, quam in dorso epistolæ jam Sclausæ & signatæ ponimus. Eam hoc pacto fermè scribimus, ut vocabulum ejus cui scripsimus, cum debita veneratione in tertia persona ponamus, nulla nostri nominis facta mentione, hac vel simili forma: Doctissimo apud Lovanienses Gracarum

tarum literarum professori. Magistro Rutgero Rescheo, amico singulari. Magnæ eruditionis & probitatis adolescenti Petro Delfio, apud Trajectinos, amico & fratri. Probo & industrio civi Michaeli Hillentio, Antuerpiano chalcographo, amico non vulgari. Optimo & integerrimo civi Delfensi Paulo Montano, parenti suo pientissimo & plurimum venerando. Item, Petro Montano in Trajecto. Hieronymianæ domus alumno, filio charissimo suavissimoque. Danda est opera, ut quovis modo loci vocabulum, quem habitat is cui scriptum, in Superscriptione annotetur. Studendum præterea, ut aptis epithetis præsertim in hac parte utamur, licet in aliis etiam partibus & in corpore epistolæ nonnunquam adhibenda sint.

Pro diversis hominum statibus aliquot epistola.

Cæsarem appellabimus Augustum, Regem invictissimum, Ducem illustrissimum, Imperatorem militare fortissimum, Principem clementissimum, generosissimum, clarissimum, splendidissimum, præpotentem.

Papam appellabimus beatissimum, pontificem maximum, summum. Reliquos episcopos amplissimos, sanctissimos, vigilantissimos. Abbates religiosos, venerandos, suscipiendos. Decanos & præpositos, venerandos, aut venerabiles. In magistratu sæculari Consulem appellabimus vigilantissimum: Senatorem splendidissimum, ornatissimum.

Ædilem

Ædilem magnificentissimum : Judicem incorruptissimum : Prætorem integerrimum.

Inter literarum professores, Theologum appellabimus gravem, absolutum, syncerum, sacrum, divinum : Jurispiritum, juris consultissimos, prudentissimos legum, juris utriusque juxta doctos, Rhetorem disertissimum, facundissimum, suavis, loquentissimum : Poëtam, sacrum, divinum, clarissimum, inclytum : Dialecticum, acutum, argutum : Medicum peritissimum, fidum, eximium : Mixtos doctos, undequaque, vel undecunque doctissimos : Scholasticum eruditum, bonarum literarum studiosum, doctum, literarum haud expertem.

Inter cognatos & affines, Patrem dicemus optatum, honorandum, venerandum, observandum : Matrem indulgentissimam : Fratrem clarissimum : Patrum observandum : Uxorem suavissimam : Filium dulcissimum, dilectissimum, suavissimum : Caterum Nepotes, Generos, Affines, Sodales, Commilitones juxta appellabimus mellitissimos aut jucundissimos.

Ex illis qui nulla officij dignitate insignes sunt, divites & autoritate præstantes dicemus viros optimates, summates, primarios, nobiles, graves, ornatos virtute, aut moribus ornatissimos, eruditione præcellentes, observandos, honorandos, colendos, eximios, egregios, prudentes, spectatos, perspicaces, suspiciendos, circumspectos, non indigetos : Matronas primarias, integerrimas, probas

rudicas: Puellas lepidas, amabiles, bellas, pudicas,
 uundas, optimè moratas: Adolescentes ingenio-
 pios, literarum studiosos, probos, modestos, optimè
 umpei, eximia vel generosa indolis: Milites fortissi-
 prunos, exercitatisimos: Opifices industrios, solertes,
 tos exquisitos, accuratos, &c. Plura horum similia ex
 avi probatis authoribus alijs colligat puer: nobis satis
 cla est occasionem dedisse studiosis, sciatq; (quod &
 um suprà monui) non tantum in superscriptione usum
 ict esse epithetorum, sed etiam in corpore Epistola,
 issi idque saepenumero etiam per abstractum admitti-
 rum Est autem ἐπίτολον πρὸς τὸ ἐπιτίθηναι, appono vel ad-
 jicio, nomen præcipuè adjectivum, quod persona
 op ad laudem (prout hoc loco accepimus) propriè
 um tribuitur, ut amplissimus: unde substantivum am-
 m plitudo abstractum: sic prudens, unde prudentia.

*De diversis Epistolarum generibus, secun-
 dum tria genera causarum.*

TRibus his generibus Epistolarum partibus ut-
 cunque declaratis, diversa Epistolarum genera
 explicemus, ut speciales singulis suas partes tribu-
 amus. Ut autem diversis Epistolarum generibus or-
 ves dinem quendam congruum tribuamus, adverten-
 ad id est, secundum Rhetores tria esse causarum
 dos genera, videlicet, Demonstrativum, Deliberati-
 tos ym, Judiciale, & si quartum velis addi, Didasca-
 didicum, seu Dialecticum, quibus omnia civilia
 bas themata pertractantur. In genere Demonstrativo
 ad id pertra-

pertractuntur. In genere Demonstrativo laudamus & vituperamus personas, nempe & divos & homines. Facta nempe divorum, & hominum res gestas, & res alias quaslibet, nempe quæ neque personæ, neque facta sunt, ut si Davidem commendemus, personam laudamus: si *μολομαχίαν* ejus, quæ Goliah Gethæum fortissimè stravit, factum laudamus; si fortitudinis ipsam virtutem, rem laudamus. De Vituperationibus idem judicium est. In genere Deliberativo suademus aut dissuademus: hortamur aut dehortamur: poscimus aut negamus: precamur aut deprecamur: consolamur, &c. Ut si studia Græcarum literarum suadeam aut dissuadeam, aut repentem ad alacritatē horter, poscam subsidium, deprecor pœnam, &c. In genere Judiciali pro diversis statibus (de quibus postea) accusamus, aut excusamus seu defendimus, exposulamus, &c. Ex his ceu quibusdam fontibus, omnium fermè Epistolarum genera simplicia & mixta promanant, nisi quod familiare quædam scribuntur (Indicativas appellare possumus) quibus nunc unam rem solam, nunc commixtim varias indicare consuevimus; quæ tamen ne quidem ipsæ artificio carebunt, ut postea docebimus.

De partibus orationis Rhetorica.

PRiusquam autem diversa Epistolarum genera sub his tribus causarum generibus comprehensa distinguamus, partes orationis Rhetoricæ paucis

paucis declaremus; quod singularum Epistolarum partes speciales melius intelligantur. Sunt igitur orationis Rhetoricæ partes sex: Exordium, Narratio, Propositio, Confirmatio, Confutatio, & Peroratio; quas nonnulli in quinarium, Propositionem à Narratione cui adnexa est, non separantes: alij in quaternarium, Confirmationem & Confutationem sub una Contentione comprehendentes, contrahunt. Sunt alij, qui & septimam, nempe distributionem propositioni adjungunt. Nos medio modo aut sex ponimus superiores aut quinque, juxta tritum versiculum:

Exorlus, Narro, Firmo, Confuto, Peroro.

—Sub Narratione Propositionem continentes. Harum interdum plures, interdum pauciores, interdum singulæ, in oratione usui, aut necessariae sunt.

Exordij secundum Ciceronem, duæ sunt partes, alteram vocat Principium: à Græcis *πρόλογος* ab *πρῶτον* cantilena, vel ab *δύω* via, quasi præcantio, sive præambulum dicitur. Alteram vocat Insinuationem, & à Græcis *πάρεσδος*, quasi latens ingressus dicitur. In principio tribus locis utimur, nam reddimus auditores Benevolos, Attentos, & dociles. Benevolentiam captamus aut ab officio personæ nostræ, cum præcipuè ad nos attingere ostendimus, ut dicamus vel scribamus: aut ab adversariorum persona, præsertim in genere Judiciali, cum eos in odium vel contemptum auditorum adducimus: aut à commodis eorum ad
quos

quos scribemus vel dicemus: aut à rebus ipsis, quæ tractandæ sunt. Attentos reddimus auditores, si de rebus utilibus, necessarijs, magnis, jucundis, aut novis indicemus nos dicturos aut scripturos, & quæ maximè ad pietatem, vel ad rempublicam pertinere videbuntur, aut ad patriæ conservationem. Dociles quoque reddimus, si nos dilucidè & planè dicturos aut scripturos, & summam causæ breviter exposituros promittimus.

Interdum nihilominus à circumstantia loci vel temporis, item à Voto, ab insigni aliqua sententia, à Fabula, ab Adagio, ab Affectus vocabulo, ut sunt gaudeo, doleo, demiror, & similia, præcipuè in Epistolis. In quibus id quoque summoperè cavendum, ne in Exordio diffluamus, aut prolixiores simus. Nam in brevibus præsertim Epistolis, uno aut altero verbo seu breviuscula sententia benevolentiam captare docti consueverunt.

De Insinuatione.

Insinuatione, altera videlicet Exordij parte, utimur, si aut causæ turpitudine adnexa est, aut animum auditorum à nobis alienum sentimus, aut ipsos auditores prævia oratione fatigatos, nostræ oratione vel Epistola fatigandos suspicamur. Dicta est autem ab hoc Latinis Insinuatio, quod per dissimulationem occultè, & quasi non data opera in animos auditorum subrependo nos insinuamus, hoc est, latenter immittimus. Ut si Græcarum

lite-

literarum studium, quæ pluribus, præcipuè earum
 signaris (quod fortassis nonnulli eis abuti viden-
 tur) aut suspectæ, aut exosæ sunt, laudare vel sua-
 dere velimus, dicamus non personam, sed rem
 spectari debere, nec scientiam aliquam aut studi-
 um, propter eorum vitam, qui in ea studiosi sunt,
 vituperari debere: & deinde pedetentim in ani-
 mos auditorum illapsi, ad nostram sententiam
 proponendam deveniamus. Hæc de Exordio pau-
 lò fusiùs pro omnibus indifferenter causarum ge-
 neribus scripsi: ad reliquas orationis partes jam
 paulò succinctiùs exponendas transeamus.

*De quinque reliquis orationis
 partibus.*

Narratio secunda orationis pars, si necessaria
 aut usui sit, explicat causam oratione tra-
 ctandam, vel ea quæ ad ipsam attinent, aut ipsam
 præcesserunt. Ex qua mox inferenda Propositio
 est tertia pars, quæ nulli causarum generi deesse
 debet. Quod si enim Narratio desit, loco ejus post
 Exordium Propositio subjungitur, qua aliarum
 rerum comparatione thema aut statum causæ
 proponimus. Hanc deinde varijs argumentis in
 Confirmatione munimus, seu roboramus. Dein-
 de si quid ab adversario vel objectum sit, vel ob-
 jici possit, vel ipsi propositioni contrarium vide-
 atur, sub confutatione refellimus, aut excusando
 diluimus. Est enim Confutatio (ut Cicero inquit)

con-

contrariorum locorum dissolutio. Postremo omnium sequitur Peroratio, in qua post brevem principuorum argumentorum Confirmationis enumerationem, studemus auditorum movendis affectibus: quibus duobus peculiaribus locis, nempe Enumerationi & Affectui, Cicero etiam amplificationem adnectit. Hæ Rhetoricæ orationis partes, etsi non semper omnes in omnibus plures tamen in pluribus frequenter aut deprehenduntur accommodæ, aut necessariae sunt doctè scribentium epistolis, id quod in singulis causarum generibus paulò manifestius explicabimus.

*De genere Demonstrativo
Personarum.*

Generis Demonstrativi Epistolæ, quibus Personas, facta, & res laudamus aut vituperamus per se quidem raræ sunt, frequenter autem in aliis Epistolarum generibus aut laudationes, aut vituperationes incidunt, & mixti generis Epistolam efficiunt. Si itaque in aliqua Epistola aut generis Deliberativi, ut frequenter, aut generis Judicialis, ut frequentissimè, Persona laudanda aut vituperanda est, id fiet his locis sequentibus.

A natalibus, si splendidis, nobilibus, & honestis parentibus ortus, deducendo laudes ab avis, ab avibus, atavis, & sanguine conjunctis.

A pueritia, si bonæ indolis, si rectè educatus, & bonis moribus, & Christianis legibus institutus,

tutus, si felici ingenio præditus sit.

Ab adolescentia, ut quàm honestis se studiis occupaverit, quàm propensus ad literas, ad philosophiam, ad probitatem, & quemlibet honestum laborem, quàm morigerus parentibus, quàm abstinens vini & Veneris.

A Juventute seu virili ætate, ut quam decenter & publicè & privatim se gesserit, quàm prudenter (videlicet) remp. & domesticam administraverit, quàm justè innocentes defenderit, & in facinorosos animadverterit, quàm pudicè sobrièque conjugem, liberos & totam familiam aluerit. Nam hoc loco conducit (maximè si variæ sint) secundum quatuor genera virtutum, Prudentiæ, Justitiæ, Fortitudinis & Temperantiæ, res gestas explicare, & in ordinem quendam redigere.

Ab ipsa senectute pari ratione, atque à virili ætate. Ab ultima morte quoq; siquid laude dignum occurrerit. Nec minùs etiam Senectuti, quàm Juventuti, imò tutius committi solet rerum administratio. Et in ipsa Christiani hominis morte, tum virtus tum fiducia in Deum plerumq; magis elucescit. Porro in vituperationibus hos locos in contrarium torquebimus, ut à natalibus improbis vel obsecuris: Ab indole perversa, & mala educatione: Ab studiis adolescentiæ inhonestis, &c. Inter hæc licebit nunc dotes animi, nunc corporis cum laude commemorare, aut eorum monitositatem vituperare.

Item commendare solemus personam à Natio-

B

ne,

ne, à Patriâ, ab Habitu, à Conditione, à Fama & cæteris personarum circumstantiis, de quibus obiter in Dialecticis nostris. Et quia demonstratio Personarum tota fermè in laudum commemorati-
one versatur, præter Narrationem aliam ferè ora-
tionis partem non habet, nisi fortè occurrat in virâ
hominis aliquid laude indignû, quod vel defenden-
dum, vel excusandum est. Perorationem quoq; ad-
mittit, dum auditores vel ad gratulationem, vel ad
Dei laudem optimi viri laudibus incitamus. Et quia
exempla rudiùs non minùs conducant, quàm præ-
cepta, crassiùs in laudando Davide prædictos hos
locos puto quasi digito tangendo ostendam.

*Exemplum de laude Personarum, cujusmodi
in Epistola incidere potest.*

David rex Israel, quem tibi, generose Princeps,
præ cunctis terrarum regibus & laudandum
censeo, & paucis laudare decrevi, ex tribu Juda
inter cæteras Israeliticæ gentis trib. generosissima,
patre Isai (quem & Jesse dicimus) non ignobili
Bethlehemiticæ civitatis, imò Christianæ genera-
tionis principe natus est. Quod si parvi ducas, &
ad laudem viri parùm facere contendas, honesto
loco probiq; parentibus satum esse, quod non tam
locus & genus quam propria virtus hominem lau-
dare debeat, audi quod parvi ducere non queas. Is
siquidem ab incunabulis divinæ religioni destina-
tus, probe & pulcè educatus, probis moribus (ut
erat

Genus.

Educa-
tio.

erat ad eos animo propensus) secundum patrias & Dei leges tam recte institutus, & divinis literis eruditus est, ut inter omnes sibi coetaneos secundum non habuerit. Usque adeo verò divinarum laudis studiosus, in prima aetate, quæ rudis adhuc & pietatis ignara judicari poterat, fuisse deprehenditur: ut etiam cum adhuc puer oves patris sui in deserto pasceret, psalterio & cithara, quæ mira artis suæ industria ipse compingebat, divinas laudes personaret. Imò tanta pietate emicuit, ut cæteris quam eximijs, despectis fratribus ipse natus minimus in regem Israelitici populi & prophetam ungeretur. Ejus præter alia virtutum insignia adolescentiam decorabat non modo cum leonibus & ursis pugna & victoria, verum etiam quod cum Goliath Gethæo giganteæ magnitudinis viro (ne bellua dicam) pro patrijs & Dei legibus, gentemq; sita libertati servanda, non clypeo protectus aut galea, sed firma mentis in Deum fiducia congressus est, & absque lancea & gladio, baleari funda fortissimè stravit. Quis dignè enumeret, quam non solum in tranquillis regni negotijs, sed etià in re bellica administranda & justè & prudenter se gesserit? quam fortiter Saulis & filij persecutiones, adversaque omnia toleraverit? quam mansuetè etiam lethales hostes pertulerit? quantoque temperamento rebus etiamnum corpori necessariis semper & ubique usus est? Unum si demas adulterium sanguinarium, quod divina dispensatione admissum

Ad. scilicet
cæcitas

Invenit

Confra-
tatio.

quis dubitat? nempè, ut quantumvis nobis religiosi videamur, nunquam tamen nobis ob humani generis hoste securitatem promittamus, & nihilominus post maxima flagitia, reliquum nobis pœnitentiæ præsidium non diffidamus. Hic tandem post patriam ab Allophyloꝝ tyrannide vindicatam, post barbaras nationes sibi cum gloriâ subjugatas, post religionem collapsam in ordinem pulcherrimum restitutam, post amplissimas auri, argenti, æris, & omnium divitiarum copias pro templo Domini ædificando coercervatas, post filium Solomonem in regnum sibi substitutum, in senectute bona secundum Scripturâ, pius, prudens, mente integra, & plenus in Deum fide, quievit in pace, non sine ingenti Hierosolytanorum & totius Israeliticæ gētis comploratione, luctu & planctu: Sepulchroq; suo montem Sion cunctis post se Judæorum regibus sepulchuram dedicavit, Christumq; suum secundum carnem filium, cum eo consurrecturus expectavit.

Hoc vel simili modo, cujus ego duntaxat summa locorum capita tetigi, in genere demonstrativo Personarum, pro diversa hominum conditione, laudes cujuscumque Epistola postulat, aut brevius aut prolixius tractare possumus.

Demonstrativum Factorum.

IN demonstratione Factorum partes orationi (ut antè dictum est) sunt sex. Ordinur non secus atque generaliter inibi traditum est. Narramus bre-

brevibus, si facti ratio satis auditoribus non cōstat. Si constat, tantum summariam facti rationem, hoc est, præcipua narrationis capita verbis paucissimis memoramus, unde totius causæ Propositionem seu statum elicimus. Proponimus autem cum aliorum factorū laudabilium, ejusdem vel alterius hominis comparatione, quibus nostrū, quod laudare decrevimus, excellentius judicamus. Cum propositione (ut docet Cic.) licebit & uti Distributione seu divisione, qua breviter auditoribus judicamus, quibus de rebus simus dicturi, aut quib. ex locis propositum nostrum roboraturi in Confirmatione. Est igitur factum laudandum ab his locis Confirmationis.

Ab honesto, sub quo Justū & Piū comprehendo.

Ab utili, sub quo Necessarium & Jucundum.

A difficili, sub quo Facile pro adversario.

Honestas virtuti conjuncta est. Quicquid enim vel ipsa virtus est, vel virtuti cognatum est, vel à virtute proficiscitur, vel ad virtutem conducit, honestum judicatur. Nam Ciceroni Honestum dividitur in rectum & laudabile. Rectum dicitur, quod cum virtute & officio fit. Id quoq; dividitur in Prudentiam, Justitiam, Fortitudinem, & Modestiam, seu Temperantiam. Videndum est itaq; quemadmodū secundū has virtutes non modo Factum in hoc genere, verum etiam res quælibet laudari possit, aut his contrarium vituperari. Laudabile est, quod rectè factum cum laude commemorationem habet. Quicquid igitur ad rerum appetendarum & fu-

gendarum sanum consilium pertinet: Quicquid ad veram amicitiam, fidem, officium, aequitatem, obedientiam, gratitudinem: Quicquid ad pietatem in Deum, patriam, parentes, liberos & proximos: Quicquid ad severitatem legum, animadversionem in facinorosos, remunerationem, & defensionem bene merentium attinet: Quicquid ad maiorum tolerantiam, longanimitatem, periculorum pro religione, patria, parentibus, liberis, amicis aggressionem attinet: Quicquid ad castitatem, sobrietatem, frugalitatem, & rebus in omnibus moderamen attinet, honestum: ijsque contrarium inhonestum semper iudicamus.

Utilitas, commoda varia ex facto provenientia complectitur, quibus vel instantia vel consequentia pericula vitari posse ostendimus. Utilitatem tamen longè superat Necessitas, si inde argumentum ducatur.

Difficultas ex circumstantiis rei gestæ colligitur, quæ partim Personis, partim Rebus convenientes hoc versiculo suggerentur.

Quis, quid, ubi, quibus, cur, quomodo, quando.

In confutatione ijsdem locis per contrarium utimur, ut in laudibus, quam adversarius dixerit stultitiam, nos contra prudentiam: quam ille savitiam, nos severitatem: quam ille temeritatem, nos fortitudinem: quam ille tenacitatem, nos frugalitatem ostendamus. Et contra in vituperationibus, quam adversarius dixerit prudentiam, nos contra

trā stulticiam aut inconsiderationem: quam ille
severitatem, nos laxitiam: quam ille fortitudi-
nem, nos temeritatem: quam ille frugalitatem,
nos tenacitatem ostendamus.

Perorationem generaliter suprà declaravimus,
quo sub hoc genere, auditorum animos post præci-
puorum enumerationem argumentorum, vel ad
gratulandum in prosperis, vel ad commiserandum
in adversis, per amplificationem movemus. Hos lo-
cos paulò copiosius prosecutus sū, quod non tan-
tū huic generi Demonstrativo factorum, sed e-
tiam laudandis convenient, & nihilominus toti
generi Deliberativo, ut suis in locis patebit.

Exemplum de laude factorum.

INter omnia, quo vel publicè vel privatim illu-
strissimus rex David insigniter gessit, nihil est,
quod majore dignū laude æstimemus, quam quod
divini nominis hostem Goliath Gethæum vastissi-
mo corpore, undiq; armatum virum puer inermis
singulari conflictu fortissimè stravit ac vicit. Quod
luce (ut aiunt) clarius erit, cum rei gesta honesta-
tem, utilitatem, imò extremam necessitatē osten-
derimus. Si non modo honestū, sed etiam gloriosū
est pro patria pugnare, profectò pro Dei nominis
gloria, pro religione, pro patria tuenda pugnare,
multò omnium gloriosissimū judicabimus. Non fe-
rebat quoq; generosi puer animi, clarissimæ gentis
conrumelias ab homine spurio, multoq; maxime

Prophe-
tir.

Ab ho-
minibus.

divini nominis execrationes & maledicta ab homi-
 ne impio intorqueri : sed considerabat prudentis-
 simè quantum dedecoris & infamiae sancto Israeliti-
 cae stirpis populo per totum terrarum orbem no-
 minatim inureretur, si inter tot regni Israelitici
 pugnatorum millia, ne quidem unus reperiretur,
 qui profanae gentis obscuro militi posset occurrere.
 Considerabat quoq; aequissimum fore, ut eas cor-
 poris sui vires pro gente & patriâ suâ servanda
 fortis exerceret, quas saepenumero cum leonibus
 congressus & ursis, quasi per lusum expertus fue-
 rat. Nec terruit eum antagonista vastissimi corpo-
 ris moles, non lorica hamata & ponderosa, non ha-
 sta trabalis & rigida, non cassis aenea, non clypeus æ-
 reus, non gladius acutus, non deniq; totius corporis
 horrida panoplia, sed sola in Deum fide munitus
 (ne quis ipsum temeritatis arguat) delectis è tor-
 rente limpidissimis quinque lapidibus, funda belluam
 aggressus fortissimè stravit, proprioq; ejus gladio
 e vagina educto aliorum insurgens caput ipsi præci-
 dit. Si utilitatem spectes, quis commoda Facti dig-
 ne recenseat ? Regem Saul & optimis quibusque
 exercitus duces non solum vitæ servavit, sed etiam
 gloria illustravit, exercitum victorem domum re-
 misit, hostibus & vires & animū ademit, gentemq;
 suam totam à savissima barbarorum tyrannide vin-
 dicavit. Quid commoda memoro, cum fuerit ip-
 sum factum etiam necessarium ? Nisi enim cade-
 retur Goliath, actum erat de Israelitarum republi-

Ab æ-
quo.

Consi-
deratio

Ab utili-

A neces-
sario.

ca; de parentibus, de uxoribus, de liberis, de aris & focis, de totâ denique patriâ & salute. Quibus non hoc etiam ad laudem rei gestæ merito pertinere videatur, quod ipse puer giganteæ magnitudinis virum: ipse inermis, galea, lorica, ocreis, hasta & clypeo undè que munitum; ipse inexercitatus, bellatorem ab adolescentia semper in armis versatum, non ex insidijs, non fraude, non maleficiis, sed palam singulari certamine, funda non modò vicit, sed & fortissimè stravit, suoque ipsius gladio caput ei præcidit? Quanto namq; apparet in rebus feliciter agendis major difficultas, tanto in ijsdem indicatur amplior laudis materia, & gloriosior de tyranno triumphus. At ne quis negotium tam arduum, & in rebus humanis tam invisum & inauditum temeritatis insimulet, audiat ipsum pugilem, non tam suis viribus & pastoralibus armis, quàm firma in Deum fide nixum, divinoque zelo armatum cum hoste congressum. Sic enim probro & contumelia affectus, in ipso conflictus procinctu respondit antagonistæ: Tu venis ad me cum gladio, hasta & clypeo: ego autem venio ad te in nomine Domini exercituum, Dei agminum Israel, quib. exprobrasti hodiè, & dabit te Dominus in mea manu, percutiam te, & auferam caput tuum à te, & dabo cadavera castrorum Philistin. hodiè volatilibus cœli & bestiis terræ, ut sciat omnis terra, quod non in gladio nec in hasta salvat Dominus: & reliqua.

A. d. f. c. i. l. l.

Conf. tatio.

Hujusmodi artificio brevius, aut prolixius tum

in

in epistola præcipuè, si factum quodlibet laudandum sit, uti poterimus. Porro, in vituperationibus utimur locis contrariis, Inhonesto, Inutili, &c. atque certè hos laudum locos, partem in contrarium torquēbimus, docentes ipsum factum neque honestum neque utile esse. Reliquæ orationis partes eadem cum superioribus sunt.

Demonstrativa rerum.

IN rebus laudandis aut vituperandis ferè iisdem locis, quibus in factis, utimur in confirmatione. Reliquæ siquidem orationis partes prorsus juxta analogiā superioribus in Factis laudandis similes sunt, nisi quod Narratio in hoc genere raro locum habet: & propositio, qua loco Narrationis post Exordium utimur, aliarum rerum laudabilium comparatione potissimum fiat. Confirmationis itaque tres sunt loci præcipui, ut in superiori genere:

Honestum, sub quo Justum, Pium, &c.

Utile, sub quo Necessarium, & Delectabile.

Facile vel difficile.

Honestas tractatur non secus atque jam dictum est. Item nonnunquam ab ipsius rei antiquitate. Nonnunquam ab ipsis inventoribus, vel authoribus nonnunquam à mira quadam & celebri novitate.

Utilitas, præcipuè ex circumstantiis colligitur, quemadmodum & facile & difficile: ut supra diximus, & infra in genere Deliberativo dicturi sumus. Loci siquidem hujus generis cum Deliberativis vis plurimum conveniunt,

Exemplum

*Exemplum earum rerum, quæ in hominibus
laudari aut vituperari solent.*

Inter omnia quæ humanis studiis commendari
solent, præcipuam quandam laudē meretur Eru-
ditio, quæ non solum ignorantia opprobrio libe-
rat eum qui se possidet, verumetiam multifariam
hœstat & adjuvat. Hanc enim, ut cæteris animan-
tibus præstaret, ab initio mundi nascentis primo
homini, alijsq; multis per posteriora secula ad no-
stra usque tempora divinitus inditam non dubita-
mus. Id siquidem ingenij quod ad divinæ naturæ
imaginē homini inditum est, nisi eruditione præ-
cipue & virtute excolatur, quantulum est quæso,
quo à brutis distamus? Communiter namq; cum
brutis vivimus, movemur, gradimur, & sensuum
tum exteriorum, tum interiorum usu & volupta-
te perfruimur; sola autem eruditione & virtute
præstamus, utpote divinæ consortes naturæ. Et si
quid fabulis tribuimus, hæ sunt geminæ divinæ
originis virgines, quæ Herculi generoso adoles-
centi, si se amplecterentur, divinum honorem &
immortalem gloriam pollicebantur. Hæ tanta in-
ter se cognatione conjunctæ sunt, ut altera sine al-
tera perpetuo minor videatur, quod altera semper
alteram illustriorem reddat. Imo (si fas sit dicere)
eruditio virtutis mater est, quod ex ea præser-
tim virtus proficiscatur. Eruditio siquidem scrip-
turæ tum divinæ tum humanæ intelligere facit:

Proposi-
tio.

A' ha-
ncito.

ex

ex qua quicquid usquam virtutis est, quicquid pietatis est, quicquid divinæ cognitionis est, hauriri necesse est. Et ut scias, quantum decorat hominem eruditio, quantum obscurat eum literarum ignorantia, exactè considera : nempe quæ reddit hominem omnium appetendarum & fugiendarum rerum ignarum, virtutis & probitatis nescium, ignorantem sui, ignorantem Dei, & ad brutorum ingenium proximè accedentem. Accedit & hoc ad eruditionis laudes, quòd in rebus humanis nihil sit, quod usque adeò rei publicæ & privatæ conducatur, plus dicam, quod in universum magis necessarium sit, quàm literarum cognitio. Si tollas è mundo eruditionem, quid erit resp. nisi asinorum stibulum, imò urforum & luporum latibulum ? si tamen reipub. nomenclaturam mereatur. Quis legibus ignoratis jus dicturus est ? Quis defendet in fontem ? Quis consulat oppresso ? Quis medebitur agrotū corporibus ? Et (quod primum dictum oportuit) quis insipienti plebeculæ doctrina salutis demonstrabit ? Per eruditionem prouterea quisque prudenter administrat rem domesticam, erudit liberos, providet rei familiari, acquirit claritatem inter cives, rebus non vulgaribus proficitur, in rebus arduis sibi consulit, in rebus adversis consolatur, in rebus quoq; prosperis moderatur, & quod omnium jucundissimum est, ejusdem eruditionis contubernio multò suavissimo, etiam cum maximè solus est, usque perfruitur.

Ab utroque
li & necessario.

A jucundo.

Jun ser

Juxta hoc exemplum & alia tradenda sunt simplicia themata, earum præcipuè rerum, quæ in homine vel laudari vel vituperari solent. Porro in vituperationibus contrariis locis utemur, ut prædictum est,

De alijs diversis rebus laudanda.

Sunt & aliæ res variæ, quæ non in homine, sed in se laudari solent, in quarum laudibus seu vituperationibus, diversis pro diversa earum conditione locis utemur.

Regiones enim laudamus à regibus earum, sive ducibus, urbium in eis frequentia, à celebritate, à copiâ annonæ, à tranquillitate rerum, à tuto transitu, &c.

Urbes laudamus à reipub. administratione, à religione & literis, à populi frequentia, à civium bellicositate, urbanitate, concordia, ab ædium magnificentia, à rerum necessarium facili copiâ, à salubritate aëris, à fluminibus allabentibus, à villis, montibus, fontibus, sylvisque vicinis. Vituperamus à contrarijs.

Ædificia laudamus à situ, à prospectu, à figurâ, à magnitudine, ab amplitudine vestibuli, à magnificentia atrij, à pulchritudine seu multitudine cubiculorum, conclavium, tricliniorum, penetralium, ab hortis adjacentibus. Item à preciositate lignorum, lapidum, variaq; eorum sculptura & ornatu.

Agros laudamus à fertilitate, declarantes quid ferant, & quantum ferant, item quo ritu colantur, cujusmodi

cujusmodi cultores habeant, item à planitie, seu montositate utili & amena.

Flumina laudamus ab ortu, à colore, cursu, ab amplitudine, à locis quos præterfluunt, & quos influunt, à genere piscium, navigiorum, retiû, & ceteris usibus, ab agris, sylvis, nemoribus quæ irrigant.

Fontes laudamus à perpetua & abundanti scaturigine, ab aquæ dulcedine & salubritate, item si quid memorabile aut prodigiosum habent.

Montes laudamus à radicibus, ab altitudine verticis, à vini, frumenti, & aliarum rerum feracitate, item si quid novum, prodigiosum, aut preciosum in se continent.

Sic alias res quaslibet, consideratis earum circumstantiis, laudare aut vituperare poterimus. Exemplum apud Poëtas, oratores, historicos, & alios auctores observanda sunt: nobis sufficiat locos aliquot præscripsisse.

De Epistola Demonstrativa Personarum.

TAmetsi prius dictum est, per se quidem Epistolam Demonstrativam raram esse, si quis tamen ejus præcepta (quod & ipsi nonnunquam incidere solet) exigat, sciat eam in tres partes dividendam, modò persona laudanda sit. Quarum Prima captabit Benevolentiam, aut à persona ejus ad quem scribimus, quasi jusserit is vel postulaverit: aut à persona ejus de quo scribimus, quod talis

alis sit videlicet, cujus laudes meritò declarentur.
 ut præcipuè ab officio personæ nostræ, quo ami-
 cum illaudatum præterire non debeamus. Secun-
 da explicabit laudes amici usque ad præsentem e-
 us ætatem, nisi clauferit diem novissimum. A na-
 talib. a pueritia, &c. ut in demonstrativo persona-
 rum dictum est. Possumus tamen omissis illis locis
 liquem laudare ab insigni aliqua virtute, ab eru-
 ditione, a re fortiter gesta, prout epistolaris aut
 quantitas, aut qualitas postulaverit, ratiõve sug-
 gesserit. In tertia dicemus nos non assentationis,
 sed amicitiae & veritatis declarandæ gratia paucu-
 a de multis viri laudibus dixisse, nec ob singula-
 rem laudari amicitiam, aut ejus, qui scribi voluit,
 reverentiam omnino silere potuisse. Monendo eti-
 am, si commodum sit ad effectum, amicitiae, favo-
 ris, imitationis, largitatis, &c.

Hujus praeceptionis exemplaris Epistola.

Um sciam te, vir ornatissime, excellentissimo-
 rum laudibus non immeritò delectari, & Cor-
 nelij mei eruditio, mores & conversatio tales sint,
 et etiã externos ad sui contẽplationẽ alliciant: nõ
 possum propter singularem, quã mecũ habuit, fa-
 miliaritatẽ & amicã consuetudinem, quin (tameñ
 auditor elinguis sum) in laudes ejus prorumpam,
 refertim cum tu de hujus viri moribus testimo-
 nium quæras. Sciens prætereo natalium ejus splen-
 dorem,

dorem, benè educatam infantiam & pueritiam, optimis & præcipuè literarum studiis exercitatâ adolescentiam, oris & pectoris, & omnium totius corporis membrorum venustatem, ut quæ sapientibus plerumque contemptui habentur, ea tantùm paucis celebrabo, quæ sapientibus non minus quàm insipientibus merito laudari debent, & quæ ne Mōmus quidem reprehendere queat. Tanta est in hoc viro (si Philosophiam, & rerum tum divinarum, tum humanarum cognitionem spectes) eruditio, ut ætas hæc nostra secundum non habeat. Si mores quoque spectes, & omnem vitæ ejus conversationem, Catones, Scipiones, Curios videre te putes. Quis dignè efferat, quàm prudenter pro sua atate administravit rempub. quàm fortiter nostræ tempestatis (quam proh dolor calamitosam deploramus) adversa protulerit, quam in judicio severus & incorruptus, quàm in causis prætorij perorandis splendidus & *εμπυρος*? Quid attinet eum in rebus quoq; privatis laudare, cum vel pueri castam ejus conjugem, verecundos & eruditos liberos, totam denique familiam sobriam, bene moratam & ordinatam justo præconio prædicent? Et ut summam multa perstringam, talis & tantus est, ut ad maxima qualibet administranda (si velis) sine rubore promoveas. Nolo in præsentia nimis viri laudibus immorari, ne aut epistolæ videar modum excedere aut assentationis alicui notam incurrere. Cum dabitur otium, evidentius aut particularius singulis

tibi coram explicabo Interim tu vir ornatissime, si quid magnum de Cornelio nostro statueris (neque enim frustra de moribus & conversatione ejus tibi scribi voluisti) ipsum non secus atq; me favore, benevolentia & amore prosequere. Vale, ex Trajecto.

Epistolam demonstrativam Vituperij paribus præceptis & iisdem locis scribere licet, laudibus in vituperationes mutatis, & locis in contrarium tortis, ut prius dictum est.

Aliud Exemplum.

QUandoquidem, jucundissime sodalis, civitatis Legiæ (ut eam veteres à legione Romana hîc ^{I Exordium.} cæsa appellarunt) quam bonis avibus (ut aiunt) plusculis mensibus habitare cœpi, tibi situm, mores, rempub & si quid egregium præ se ferat, depingi voluisti, nec minùs ad hoc me incitat eximia, quæ se ultrò ingerit, laudis materia; non possum, si & ^{Propositio.} alumna mea gratificari, & tibi morem gerere velim, quin paucula è multis tibi Leodij nostri præconia scribam. Vidi plures diversarum regionum nobiles civitates, verum non est alia (si singula quæ hîc eximia sunt, conferantur) quæ mihi magis arrideat. Hæc namque civitas ex maxima sui parte in ^{2 A situ} cōvalle sita (tametsi non minima pars ejus ex mōte dependet) undique plena amcenitatis est. Si ad Orientem spectes, rapidissimum cœlij coloris fluvium Mosam spatiosè delabi cernis: quem non sordida perfectò negotiationis navibus & ratibus passim

C

singulis

singulis penè momentis fursum ac deorsum sollicitari & juxta & intra mœnia jucundissimè cernimus. Si ad meridiem, montes sylvosos alios alijs altiores cum vallium suarum amœnitate tanquam in tabula pictos contemplari licet. Si te vertis ad occasum, dij boni, quid illinc voluptatis haurias? Visus non assequitur latissimos totius Hasbania campos, tritici, orizæ, migmatiss, cæterorumq; frumentorum feracissimos. Quales & ad plagam Septentrionalem vides, præter hos quorum jucundissimo, etiam vinearum intra mœnia ex monte pendentium, aspectu delectaris. Cum jam non data opera intra mœnia redierimus, quis dubitet tum heroum tum civium multorum in hac urbe (quævis olim Burgundiorum incendio everfa & desolata sit) excellentissimas aut instauratas, aut denuo instructas ædes, ubi parvo admodum ædificiorum materia comparatur? Ligna per Mosam secundo flumine, contignatis ratibus proxima sylvæ; lapides solidos & sculptiles, proximi montes, calcem vivam vicini cautes suppeditant. Ferrum præterea, æs, plumbum & reliqua id genus metalla in suburbanis effodiuntur, constantur, purgantur, ferriq; structura mira industria molis aquatilibus, in baculas (ut vocant) excuduntur. Hic fontes sunt amœnissimi perpetua scaturigine manâtes, quorum aqua limpidissima ab indigenis in potum lumpta, sunt & suavissima & saluberrima. Videas diversa monasteria, & ædes divitum, in quibus ne unam quidem officinam invenias quam

A copia
serunt.

quam non fons vivus cōmodissimè adornat. Neque hoc silentio prætereundum censeo, quod, cum montium commoda recenserem, minime succurrebat: Hic nempe montes diversi sunt, ex quorum profundissimis & abstrusis cavernis non minus prodigiosa quàm pretiosa ignium fomenta instar lapidum dura, & instar carbonum nigerrima eruntur, & ad vicinas regiones transvehuntur. Quamquam autem ligna parvo admodum à nobis redimi possunt & lignariorum suffocati carbonēs: malunt tamen ad focum instruendū hac naphtha carbonaria quàm lignis uti. Veniam vel tandem ad rem, quæ propter equestris ordinis dignitatem & modestiam, magistratus eruditionem & prudentiam, plerunq; totius concordiam, simplicitatem, & in rebus manuarijs diligentiam, pulcherrimè exornatur, administratur & viget. Et ne Clerum, nostra civitatis pulcherrimum decus prætereā, tanta est et cum populo Leodino societas & unitas, ut majorem non quæras: tanta est & dignitas & amplitudo, ut clerum vestrum Trajectinum cum suo Pontifice facile superet: tanta deniq; numerositas, ut citra Alpes aliam non invenias civitatem, quæ huic numero cleri valeat comparari. Sunt n. nobis canonicorum collegia septem aut octo, Abbatis (ut vocant) quinque, templa parochiarum triginta duo, & reliqua monasteria incerto numero: in quibus omnibus præter religiosissimum Dei cultum, præter summam eruditionem, præter illustrium virorum generositatem,

A montibus
prodigia
offia

A republ.

A clero

A re il-
teraria.

quis digno præconio rerum pretia, exstructa ædifi-
cia, hortorū amœnitates explicet? Et ne rem scho-
lasticam & literariam præterijſſe videar, tametsi
fortassis alibi bonæ literæ plus maturuerunt, nus-
quam tamen (ausim dicere) hac nostra tempestate
magis florent. Mireris pueros septennes Latine
loquentes, & qui decimumquartum ætatis annum
nondum attigerunt, sic prosa valere & carmine, ut
cum quovis oratore & poëta certare posse videan-
tur. Ut fileam autem (ne quis me vel arrogantem
vel *μεγαλυνον* judicet) civium nostrorum tum ani-

A civib.

morum & corporum robur, tum in rebus bellicis
animositatem & strenuitatem, quam non modò
pristinis temporibus Romani, verumetiam poste-
rioribus seculis reges & magni nominis principes
experti & mirati sunt : ut fileam quoque urbis am-
plitudinem, & civium frequentiam, cujus Traje-
ctum vestrum tertiam partem non attingit. Certè
aëris non modò suavitatem, verumetiam salubri-
tatem silere non possum, quam celeberrimus no-

A ris sa-
lubritas.

ster *ὁδοιπρος* Joannes Mandavillanus, post universi
orbis, Asiæ, Africæ, Europæ peragratas regiones,
longè suavissimum & saluberrimum judicavit. Ha-
bes, mi sodalis, paucis perstricta capita quædam ge-
neralia de hujus civitatis laudibus, quæ si velim
speciatim explicare, deficeret mihi tempus narran-
di, viderer quoq; non tam veram topographiam,
quàm cum Luciano meram narrationem texere.
Faxit Deus, ut huc tandem profectus, cuncta quæ

scripsi

scripsi, & plura, quæ scribenda forent, oculis objecta contempleris. Vale, ex Leodio, &c.

Vides, ni fallor, puer, in hoc posteriori exemplo pro laudandis urbibus diversos locos eadem ferè nomenclatura, etsi non eodem quo præscripti sunt, ordine observatos. Idem in alijs quoq; rebus laudandis aut vituperandis, exemplis subjectis facturus eram, si non magis operis prolixitatem, quàm laborem vitarem. Ad genus itaq; Deliberativum procedamus.

Aliarum rerum laudabilium, ut Regionum, Aedificiorum, Agrorum, &c. paradeigma non ponimus. Primum quòd prolixitas legentibus esset onerosa; deinde, quòd secundum præcedens exemplum ex locis præscriptis studiosus ad simile de rebus illis affingere citra laborem possit. Ad genus Deliberativum transeamus.

De generis Deliberativi Epistola.

PARTES orationis generis Deliberativi easdem ponunt rhetores, quas supra in genere Demonstrativo posuimus, nisi quòd Narratio rara est, incidit tamen nonnunquam etiam in epistolis: cum videlicet factum aliquod de quo deliberandum est, paucis explicamus, aut si quid actum vel dictum est, quod ad causam attinet, recitamus. Idem quoque locis in Confirmatione utimur, quibus in Demonstrativo factorum & rerum prius utendum docuimus, qui sunt:

Honestum, quod rectum & laudabile, imò quicquid ad virtutem attinet, complectitur.

Utile & necessarium. Utilitas autem ex enumeratione commodorum, & incommodorum innotescit.

Possibile aut Facile : quæ ex circumstantijs præcipuè ostenduntur.

Difficile, aut impossibile : item ex circumstantijs si quid dissuademus, aut dehortamur.

His locis (si causa postulet) in omni Epistola Deliberativa non secus atque in oratione rhetorica uti possumus, & ea ratione juxta analogiam, qua in demonstratione factorum & rerum prius ostensum est, ostendentes videlicet id quod persuadere decrevimus, Honestum, Utile, Facile esse : adeòq; amplectendum esse, contrà ostendentes rem aliquam inhonestam vel impiam, inutilem, vel periculosam, difficilem vel impossibilem esse, adeòq; fugiendam vel detestandam esse. Nihilominus singulis Epistolarum generibus sub hoc causarum genere militantibus peculiare cum suis locis partes assignabimus, ut studiosus majorem in Epistolis, quàm in oratione scribendi videat libertatem.

De Epistola commendatitia.

PRIMUM occurrit Epistolarum genus, quod Commendatitium vocant, quo amicum amico pro aliquo beneficio vel favore consequendo commendamus : cujusmodi Cicero tum in pluribus, tum præcipuè

cipue in decimo tertio Epistolarum libro usus est. Quod idcirco primo loco posui, quod plerumque ex genere demonstrativo non parum ad mixtum habet. Solemus enim eum quem alijs commendamus, frequenter opportuna laude extollere, quo ejus, ad quem scribimus, animum commendatio conciliemus. Partes hujusmodi Epistolae secundum tres personas, ejus videlicet ad quem scribimus, nostrae, & commendati (secundum rem praeterea quae postulatur consideratam) sunt quatuor aut quinque,

In prima captamus benevolentiam (si necessarium videatur) ab humanitate, benignitate, vel liberalitate ejus ad quem scribimus, licet inter familiares amicos haec pars plerumque negligatur. I

In secunda causas scribimus, quae nos movent ad aliquem commendandum, ut est amica commendandi consuetudo, beneficium acceptum, commiseratio, vel id genus alia. 2

In tertia commendandum laudabimus pro quantitate Epistolae, eo quo praescriptum est modo in genere demonstrativo personarum, à natalibus, ab indole, &c. 3

In quarta rem ipsam exponemus, quam in commendatione pro amico postulamus, ostendentes eam varijs argumentis honestam, justam, piam, aut virtuti cognatam, item utilem aut necessariam, praeterea non modo possibilem, sed etiam facilem ei, ad quem scribimus : secundum locos Confirmationis generis Deliberativi. Pollicebimus 4

quoque in quinto loco, & nos & commendatum amicum nostrum gratos futuros, mutuam quoque nostram operam & studium deferemus.

Exemplum, quod Græcis Paradeigma.

I
Exor-
tium.

2
Narratio

3
Loco
perso-
narum.

Nisi certò cognoscerem tuam non solum erga me summā, verum etiam in omnes, tametsi alienos, bonarum literarum studiosos, non vulgarem benevolentiam, vererem profectò, mi Chrysogone, in aliquo præsertim negotio studiorū tuorū, tranquillitatem temerè appellare. Verum cum jam te sciam pro amicitia subinde renovanda malle ab amico sollicitari, quàm ea marcescente quietū esse, audacter te paucula pro amiculo postulaturus accedo. Gualterum meum, qui has meas tibi porrigit literas, propter ejus affectum erga me singularem vehementer diligo. Nam ab incunabilis me non secus ac parentem semper coluit & diligentissimè observavit. Is cum te mei studiosum planè cognosceret, seque meis apud te literis gratiosum fore confideret, ut pro se ad te scriberem, obnixius rogavit; quamvis non dubitem ipsū modestia, verecundia, alijsq; honestis suis moribus etiā sine nostra commendatione plurimū tibi placiturum. Est enim adolescens honestis admodum, tametsi tenuis fortunæ, natus parentibus, probè domi semper & pudicè educatus, bonis literis à teneris (quod aiunt) unguiculis non solū appositus, verum etiā summo perè intentus: in quib. ita Dei numine aspirāte pro-

profecit ut & carmine & prosa omnes suos in ludo nostro commilitones facile superaverit. Quid enim non possit (quantā in eo deprehendes) tanta virtuti cōiuncta ingenij acrimonia? Nemo siquidē illum vidit unquam immoderatiū bibentem, aut improbē lascivientē; nemo verbo aut verberē contentiosum, nemo per lucrū questuosum, sed parentibus & amicis obsequentem, praeceptoribus tractabilem, commilitonibus usq; se comem praebuit & amabilem. Quid multis? Talis est adolescens, quem meritō probi omnes & ament & commendent. Is scholis nostris valedicturus, & istuc profecturus, cū neminē noverit Lovanij, qui sibi possit esse praesidio, optat per me sibi cujuscūq; conciliare gratiam, cujus consilio vel auxilio subinde se tutō committat, teq; ex omnibus famā duntaxat cognitum unum delegit, quem parentis loco istic habeat. Quod negotium mi Chrysogone, cū sine magno tuo incōmodo subire, piē & justē exercere, & cum magno virtutis scēnore honestissimē amplecti valeas, etiam atq; etiam oro, ut talem te adolescenti in rebus dubijs, in negotijs arduis, in fortuna prospera & adversa patronum exhibeas, qualem te meis liberis, si postularem, exhibiturus esses, ut intelligat commendationem pro se meam apud te plurimū valuisse. Ego vicissim enitar, ut beneficij in nos collati minimē te pœnituerit, sed aliquando (tamen si turpe videtur in vera amicitia polliceri) dignum benevolentia tua fructum recipias.

Loci de-
liberati.
vi.

pias. Habebis enim me, habebis etiam illum perpetuo gratissimum debitorem. Vale mi.

Sciens omitto Confirmationis locos latius extendere ab Honesto, Utili, alijsq; locis argumentum ducere, in quarta præcedentis epistolæ regione, ne nimia prolixitate lectorem onerem: quemadmodum enim ab illis argumentandum sit, in subsequenti quibusdam Epistolarum generibus paulò latius ostendetur, præcipuè in Suasoria & Petitorio.

Aliud Exemplum.

S Olet & idem Commendatitium genus inter admodum familiares multò succinctius tractari omissa prima ac tertia parte, hoc vel simili modo Cornelio summæ probitatis & eruditionis adolescenti valdè utor familiariter, & propter præcipuum erga me studium & amorem mirificè eum diligo. Is Lovanium profecturus, cum non habeat cui sese in rebus dubijs tuto committat, teque et alijs mei studiosissimum intelligat, rogavit me, ut ad te pro se quàm accuratissimè scriberem, quod vel nostra possit commendatione adjutus, amicorum tuorum catalogo adscribi, imò ut ad te non secus atque parentem in rebus anxijs sine rubore possit accedere. Oro te itaque ut sicubi tuo consilio vel auxilio indiguerit (id quod sine gravi incommodo pro tua autoritate, prudentia, & eruditione facillè poteris) ei sis adjumento & præsidio, Quod tibi quidem & laudem pariet & voluptatem,

ratem, mihi verò majorem in modum gratum erit
& acceptum. Adolescentem quoque ipsum perpe-
tuò tibi devinxeris, & cum summa gratitudine be-
neficij memorem intellexeris. Vale.

Hoc posterius exemplum propterea adjicere vo-
lui, ut pateat liquidò, quòd nequè omnes quæ præ-
scriptæ sunt partes, neque idem partium ordo ubi-
que observandus sit.

De Epistola Suasoria.

Secundo loco, quòd ferè inter omnes Delibera-
tivas Epistolas dominatur, & locos Demonstra-
tivos factorum & rerum plerumque admiscet, genus
Suasorium ponamus. Nulla est enim alia Epistola
quæ manifestius in genere Deliberativo versatur,
quàm ea quæ amico rem quamlibet suademus aut
dissuademus. Cujus partes, etsi non omnes ubique
necessariæ, sunt quinque.

In prima vel à persona ejus cui suademus, vel à
nostræ personæ officio, aut alia quavis ratione pri-
us posita ordiri licet, quamvis non semper Exordi-
um necessarium sit. 1

In secunda ponemus narrationem breviusculam
cum seminibus argumentorum rei deliberandæ; cui
secundùm artificium prius positum, Propositionem
subjungemus. 2

In tertia post distributionem, si opportuna vide-
tur, rationibus & argumentis ex locis generis De-
liberativi depromptis, Propositionem munimus. 3

- 4 In quarta, si qua Propositioni aut argumentis videbuntur contraria, per confutationem destruemus.
- 5 In quinta, Epilogo præcipuorum argumentorum præmisso, affectus ejus, ad quem scribimus, movere studebimus. Non discrepabit siquidem (quod ad artificium attinet) Epistola Suasoria ab oratione rhetorica hujus generis.

Exemplum Epistola Suasoria.

- I
Exordium.
Quanquam ipse citra controversiam abunde per te sapias, cõmilito jucundissime, non possum tamen (si veteri nostræ amicitiae satisfacere velim, summisque in me tuis officiis gratus esse) quin ea quæ ad tuam cum dignitatem tum salutem attinent, tibi liberè suggeram. Et cum aliena rectius interim quàm nostra consideramus, non debeo tibi amico, cujus ego nonnunquam saluberrimis consilijs adjutus sum, meum quale quale est subtrahere consilium.
- 2
Narratio.
Narravit mihi nudiustertius, non sine dolore, Theodoricus frater tuus, quod posthabitis bonarum literarum studiis, rebus mechanicis te intricare decreveris, & nullo vel parentum monitu, vel amicorum rogatu, nullaq; probitatis, utilitatis, conditionis tuæ, vel priorum expensorum habitata ratione deduci posse à sententia. Tu tamen mi Hieronymus, si me audias, mentem istam mutabis, & servilibus mechanichorum operibus derelictis, humanitatis seu bonarum literarum & liberalium artium studiis nunquam satis laudatis, & post virtutem

totem rebus omnib, anteferendis, ut cœpisti, inha-
 rebis. Ad quod te non modò parentum tuorù, qui-
 bus ex divino præcepto non parù debes, imperium :
 aut amicorum & necessariorum, quos temerè aver-
 sari non decet, preces & suadela; ; verùm multò
 maximè ipsa bonitatis & æquitatis ratio inducet,
 qua tibi nihil honestius, nihil utilius, nihil jucundi-
 us fore ingenuis artib. ostensurus sum. Nam si ho-
 nesti te ratio movet, quæ profectò omnem probum
 adolescentem movere debet, quid quaso bonis lite-
 ris & eruditione honestius, quæ divinæ cujusdam
 originis, multis retro seculis semper omnibus pru-
 dentibus in pretio fuerunt ? Quid ijs honestius, quæ
 te à stupidis, barbaris (& si dici liceat) brutis homi-
 nibus secernent ? sine quibus inter hominem & pec-
 udem vix ullum discrimen est. Quid ijs honestius
 quæ te ad veri Dei contemplationem, cœlestium
 rerum cognitionem, & verarum virtutum ducunt
 amplexum ; sine quibus, haud secus ac porcus qui-
 dem Acarnanius, nulli rei magis homo quàm ven-
 tri studet, terrenis incubat, & æternis neglectis,
 transitorijs inhiat ? Et si voluptatem quæras, sic ea
 in re literaria honestati conjuncta est, ut nesciam
 profectò an in literis plus honestetis, an jucundi-
 tatis invenias. Quid enim per Deum immortalem
 suavius, quàm perpetuò cum Musis versari, & earum
 casto contubernio perfrui ? Si verferis in agro, tecù
 fabulantur ; si intres domum, quiesces cum illis, nec
 poteris mœrore tabescere, qui in earum tripudio
 perpe-

3
 Cor. 13.
 matio.
 Distribu-
 tio.

Ab he-
 ne Ro.

A jucū-
 do.

Ab ut
li & ut
cellario

Confu-
tatio.

perpetuum captabis solatium. Neq; enim habet (ut
quidam ait) amaritudinē conversatio illarum, neq;
tadium convictus illarū. Quod si fortē (ut subinde
fieri solet) plus ea quæ commoda sint, quàm ea quæ
vel honesta vel jucunda spectes, quid, obsecro, li-
teris & eruditione utilius, ne dicam plus necessariū
um? sine quibus neq; virtus tibi cognita, neque
probitas manifesta, neq; Philosophia investigabi-
lis, neque divina neque humana scriptura intelli-
gibilis & interpretabilis. Imò si literas ē mundo
funditus eradicaveris, omnia simul divina pariter &
humana prorsus confuderis. Neq; enim respublica
dignē administrabitur, neque res familiaris debite
gubernabitur, neq; (quod ante omnia dictū oport-
uit) res ecclesiastica erudiēdo, consolando, arguen-
do promovebitur. Si divitias quæras (id quod tamē
Christianis hominibus turpe judicatur) quem vi-
disti unquam doctissimorum inopia laborasse? Si
το τεχνικὸν πᾶσα γὰρ ἀνάγκη, illa, ne dubita, te maxime
nutriet, quæ plus ceteris commodare potes morta-
libus, neque id quidem absq; laboribus tuis atq;e
sudoribus. Nam dicturus es fortassis, hominem ab
exordio suæ conditionis à Deo optimo maximo la-
bore destinatum: In sudore (si quidem dicit) vultus
tui vesceris pane tuo. Esto. An tamen putem te tam
puerili ingenio, ut solis corporis sudoribus homi-
nem destinatum intelligas! An non habet immen-
sos labores (quanquam citra tadium) hæc ipsa pri-
usquam apprehendas scholastica eruditio? Neque

tum

tum quoque, cum apprehenderis, socorditer tibi vacandum erit. Aut enim viam veritatis populum ignarum è suggestu docebis, aut rudem pueritiam & informem adolescentiam in schola erudies & formabis; aut in rebus dubijs anxios jurisprudentia & consilio iuvabis; aut agrorum corporibus ipse sanus medeberis: & ut unico verbo multa complectar, si defuerit erudito socordia, labor profecto non deerit. Itaque, mi Hieronyme, quò tandem Epistolam claudam, prudensque corporis tui teneritudinem, qua vel ad mediocrem laborem ineptus es, praterream, cum nihil sit quod vel aequè honestet, vel aequè delectet, vel aequè commodet, ac bonæ literæ & bonarum artium eruditio, debes profecto non tam meo consilio, quàm veritatis impulsu; ab inconsulto & insulso tuo proposito resilire, & per bonas literas pro ingenij tui dexteritate, qua quicquid etiam volet, facillimè apprehendes, ad reliquas pergere artes & disciplinas. Moveat te patris desiderium, matris lachryma, proximorum affinium, & omnium amicorum affectuosa (si dici liceat) deprecatio. Certè non potes pro ingenuitate tibi probitate, nobis omnibus neglectis (ne dicam contemptis) tergiversari. Vale, & ut soles nos ama.

Hæc aliquanto prolixius profectus sum, ut quisque studiosorum in genere Deliberativo usum locorum non secus in Epistolis ac oratione rhetorica considerare queat, & nihilominus videat, quàm sibi

sibi generis hujus loci, & demonstrativi rerum conveniant, si utriusq; generis inter se paradeigmata conferat. Nam literarum stadium, quod in hoc Deliberativo suasi, in superiori Demonstrativa laudavi. Sciat tamen multò correctiorem de eodem argumento scribi posse Epistolam; omissis videlicet prima & quarta parte, tertiæ quoque partis nonnullis locis. Neq; enim in familiaribus maxime Epistolis omnes partes, neq; in omni argumento omnes loci sunt necessarij.

Porro in dissuasoria Epistola, totidem quidem partibus, sed locis contrarijs utendum est: ut ab inhonesto, inutili, difficili, &c. ut in sequenti brevi paradeigmate ostendetur.

Paradeigma Epistola Dissuasoria.

I
Narratio
cum
prop.

2
Ab in-
honesto.

A Iunt te frater, neglectis literis, operib. textili-
anis operam dare, & neq; parentum, neq; ami-
corum prudentum consilio a cœpto recedere. Por-
rò si me, cui semper plurimum tribuere soles, au-
dias, ab hac stultitiâ & manus & mentem avertere.
Quis te tandem eò dementiæ perduxit, ut rem ne-
que honestam, neque jucundam, neque commo-
dam aut utilem deligeres? Inter omnia siquidem
civilia artificia hoc unum longè vilissimum &
sordidissimum judicatu. In pretio sunt fabri lig-
narij, item cementarij, calcearij, agricolæ, sartor-
es, & id genus alij artifices; verum textores con-
temnuntur ab omnibus, riduntur ab omnibus
exibilan-

exibitantur ab omnibus usq; adeo, ut non nunquam
 è republica tanquã sordidum & inutile genus ho-
 minum explodantur. Desidebis præterea tanquam
 nullius precii sedentarius totis rebus, quasi in cõ-
 clavi & pistrino retrusus, absque rerum varietate,
 absq; hominum frequentia, absq; externarum ie-
 rum solatio, mœrore & squalore confectus, vix
 duro & mucido pane refectus. Et cum toto cor-
 pore fatigato sub ipsam profundam noctem opus
 remiseris, vix tantum corrades lucelli & emolu-
 menti, quantum corporis tui alimento sufficiat.
 Interim alenda est uxor, alendi liberi. Dispeream
 si non intra quinquennium (nisi fortassis furto, de
 quo plerunq; solet hoc hominum genus suspectum
 esse, quæstum auxeris) ad extremam redigaris ino-
 piam, inediaque tabescens, miserè vitam finias.
 Quapropter, si meo consilio acquiescas (frater) Epilep.
 hanc sordidam & illiberalem, hanc inutilem & in-
 commodam textoriam, & fulloniam averseberis,
 & si non bonarum literarum studiis, saltem alii te
 quæstui & honesto operi applicabis, quibus non
 modo tibi, sed & liberis tuis consulas. Vale.

De Epistola Exhortatoria.

Exhortatorium genus Epistolarũ, simul & Mo-
 nitorium proximum Suasorio locum sibi ven-
 dicat, quo non suadendo (ut supra) in rebus am-
 biguis amico consulimus, sed vel in certis ad ala-
 critatem incitamus, vel errantem ad meliorem vi-

tam inducimus. Aliud siquidem suadere, aliud hortari est. Hoc Epistolarum genus, etsi non secus atque Suasorium quinque partibus constat, in tertia tamen (qua non tam argumentis, quam affectibus agitur) his sequentibus locis pro movendis affectibus utendum est.

A laude Personæ exhortandæ vel monendæ.

A laude Rei, ad quā sit exhortatio vel monitio.

A spe præmiorum de re absoluta.

A metu incommodorum, si res non sortiatur felicem exitum.

Ab amore, commiseratione, & expectatione necessariorum.

Ab odio, æmulatione, & expectatione adversariorum.

Ab exemplis vetustis, alienis, & domesticis.

Ab obtestatione, quæ in Epilogo, seu in quinta parte per hos locos fieri non potest.

Ex quibus, etsi non omnes, præcipui tamen pro movendis in exhortatione, ejus ad quem scribitur affectibus assumendi sunt: quibus nihilominus in genere Deliberatorio, adhibito judicio, uti valebimus, & pari ratione Increpatorio.

Paradeigma seu Exemplum.

I
Exor-
cium.

QUOD bonarum literarum studia denuò arripueris, non possum tibi non gratulari jucundissime Hieronymus, maxime quod nostris literis nostroque consilio plus quam parentum & amicorum tuorum conatibus tribuisse videris. Ainus

te siquidem relicta agricultura, ad Idus Februa-
 rias rursus ingenii excolendi gratia Lovanium ²
 concessisse, tametsi ægriori animo, quàm nonnulli ^{Narratio}
 velint. Colligunt enim ex hac animi tui ægritudi- ^{cam}
 ne nascituram tibi socordiam, & bonarum lite- ^{Macr.}
 rarum studia at latam frugem non perventura.
 Quod licet mihi nemo facile persuadeat, qui
 sciam te semper magis fræno quàm calcaribus in-
 diguisse, tamen pro veteri nostra, imò hætenus
 non interrupta amicitia, non possum quin ad ea-
 dem te literarum studia cohortari satagam. Ab-
 sit, absit, mi Hieronyme, ut prioribus illis incom-
 parabilibus rei literariæ exercitiis posteriora non
 respondeant. Tantus natalium tuorum splendor, ³
 tam probè educata infantia & pueritia, tantum ^{Laus}
 ingenii acumen, aliò te quàm ad socordiam vo- ^{personæ.}
 cant. Extimulent te, quæso, spes præmiorum am-
 plissimæ, honores, divitiæ, voluptates, rerum om- ^{Spes}
 nium divinarum humanarumque cognitio, & (si ^{præmi-}
 plus cupias) nominis immortalis gloria; quibus ^{orum, &}
 semel omnibus te frustrari continget, si ad metam ^{metas.}
 destinatam non pervenias, & ignominia, ino-
 pia, infelicitate, rerum omnium ignorantia & de-
 decore afficeris. Moveat te parentum amor,
 proximorum affectus, amicorum & affinium cha-
 ritas, quos unà non solum immensis doloribus, &
 irremediabilibus, adeoq; miserandis lachrymis af-
 fici, verumetiam magnarum de te rerum expecta-
 tione frustrari continget, si in medio (quod aiunt)

Odium.

Ab exemplis.

Confratio.

cursu defeceris. Scis enim omnium in te non modò cognatorum, sed etiam civium tuorum oculos coniectos, & animos suspensos, nec nisi eximium quiddam sibi & patriæ de tua eruditione pollicentur, gloriosumque de adversariis tuis triumphum expectant. E contrario, quis tibi plenè suggerat invidentium tibi æmulationē, qua te antevertere nituntur, & odiū quo te ante finem destinatū sperant defecturum? Quos si de te (quod omen Deus avertat) triumphare contigerit, quanta illis tanquam de rapta præda exultatio? quanta nobis insultatio? quanta illis gloria? quanta nobis ignominia? Et ego siquidem, & tui omnes parebimus vulgi ludibrio & sempiterno opprobrio. Possem tibi exempla veterum proponere, qui nullum subterfugere laborem, nullam irrisiōnem, nullam vel duram servitutem, quò Philosophiam apprehenderent; si non recentia, imò si non domestica in promptu sint, & ad animum tuum extimulandum accommodatissima. An non avus tuus, an non avunculus tuus (ut reliquos fileam) relicta patria, relictis rebus privatis, omnem Franciam, omnem Italiam, omnem Græciam non sine magnis incommodis peragran-tes, post magnam eruditionem immortale sibi nomen adepti sunt? Et cum ipsi primū rerum inopes essent, tibi & posteris divitias & gloriam sua eruditione pepererunt? Magnum si fortè causeris laborem, præmium opponam immortale. Certè (ut quidam ait) spes præmii minuit vim flagelli. Nec

Nec tamen tam ignavum te censeo, ut parvi incommodi, quod subinde obeundem est, horrore frangaris, qui maximas hactenus ærumnas fortissimè pertuleris, sed ante adeptā victoriam non possum non timere etiam tutissima. Oro te igitur, mi Hieronyme, & obtestor per natalium tuorum splendorem, per eximiam tuam indolem, per parentum & amicorum amorem, & omnium nostrum amplissimam de te expectationem, ne quo subrepentè veterno fractus in stadio deficias, neque fatigeris, donec propositi certaminis *Βαγβειον* accipias. Vale.

Epilog.

In Monitoria quoque Epistola, sive amicum de vitio castigamus, sive quid agendum sit acriter admonemus, eadem ferè procedendi ratione utimur, & affectibus movendis ut plurimum studemus. Amant autem hujusmodi Epistolarum genera, acrem & concitatam dicendi rationem, maximè si cubi affectibus movendis insistimus, id quod non minùs quoq; in orationibus observandum est.

De Epistola Petitoria.

Petitorix Epistolæ, qua ab amico aliquid postulamus, creberrimus usus est: quapropter ejus componendæ artificio summoperè studendum est. Partes ejus sunt quinque.

In prima captatur si necesse vel opportunum sit benevolentia, secundum artificium generis Demonstrativi.

- 2 In secunda, post Narrationem proponendum est simpliciter quod petitur.
- 3 In tertia, Petitionem ipsam possibilem, Honestam, & Justam declarabimus. Hæc enim præcipuè (teste Servio) in petitione ostendenda sunt, unà cum gratias agendi modo, & remuneratione.
- 4 In quarta, Modum præstandi (si argumentum postulet) præscribimus.
- 5 In quinta, Gratitude & Remunerationem addemus. In Deprecationibus quoque pœnarum hæ partes locum habent, nisi quòd loci status Assumptivi non parùm cum his commune habent: de quo in genere Judiciali dicemus.

Paradeigma.

I **E**Xpertus non rarò clementiam & benignitatem
Capitur benevolentia. tuam, pater optime, mea quoque erga te pietate, & in bonis literis tibi non ingrata diligentia fretus, paucula abs te petiturus advenio, quæ pro tuo in me paterno affectu te mihi non negaturum confido. Trajecti adolescens quidam literis valedicturus, libros quosdam tum Græcos tum Latinos, Homeri videlicet & Virgilii, cum optimis commentariis, opera, parvo admodum (utpote pecuniarum indigus) venundare cupit. Et cum jam-jamq; eosdem mihi non solum utiles, verumetiam multum necessarios fore considerem, oro paternitatem tuam, ut ad coemptionem eorundem sex aureos Carolinos ad me mittas. Id quod tibi non
modo

2
Narratio cum P. op.

modò possibile, nempe qui (laus superis) sexcentos
 si res postularet, absque magno rerum tuarum dis-
 pendio mittere posses; verumetiam honestum, æ-
 quum & laudabile erit, & utrique nostrum utilissi-
 mum. Quis enim non laudet parentis pro filii ho-
 nestissimis literarum studiis iusta & liberalia im-
 pendia? Si in rebus liberorum ludicris laudatur
 nonnunquam patris largitas & liberalitas, quan-
 tò magis in seriis & necessariis? Commodabis præ-
 terea plurimum meis studiis, quæ novisti sine libris
 proficere non posse. Commodabis non minùs tibi
 ipsi, qui duplo pluris si novi essent, eosdem redi-
 meres. Ut interim fileam, quòd cum incredibili me
 primùm voluptate affeceris, etiam ipse non pa-
 rum in filio oblectaberis, & quòd arctiori me tibi
 amore devinxeris, & acrioribus literarum studiis
 obligaveris. Et ne sollicitus sis, cui propter tabel-
 larium fraudem & infidelitatem pecuniam tantò
 committas, si (uti confidò) te precibus in meam
 sententiam perduxerim, numerabis eam præ-
 ceptori meo istuc propediem profecturo transfe-
 rendam, qui & hac eadem tibi pro me suis verbis
 exponet, & quicquid dederis in usum meum, ple-
 na fide suscipiet & transferet. Cum igitur, mi pa-
 ter, nihil esse putem, quod sobriæ huic petitioni
 meæ tanquam improbæ, importunæ, aut vanæ ob-
 jicias, te etiam atq; etiam oro, ne frustreris me spe
 mea, sed paternum in me animum & affectum
 denuò me sinas experiri. Quòd ad me attinet,

3
Hoc
sum.

Ab utili
& iucun-
do.

4

5

invenies me in re literaria solito alacriorem, in rerum usu corporalium moderatiorem, & ad omnia quæ volueris usque paratissimum, Vale.

De Epistola consolatoria.

Consolatoria Epistola est, quæ amicum in rebus adversis contristatum consolamur. Partes sunt quinque.

- 1 In prima, benevolentiam captamus, aut per insinuationem à prudentia consolandi, aut ab officio nostro, &c.
- 2 In secunda, narramus breviter infortunium ejus, & proponimus non dolendum, aut non usque adeo dolendum, &c.
- 3 In tertia, pro diversa desolati aut doloris conditione, aut procedimus secundum locos deliberationis, probantes neque satis honestum, neque satis primum, neque satis justum, neque utilem esse dolorem, &c. aut secundum locos præscriptos in exhortationibus, studemus vel blandiendo vel increpando morvendis affectibus, aut aliis argumentis ex philosophia seu Scriptura sacra depromptis utimur, &c.
- 4 In quarta, confutamus. Quinta nota est.

Exemplum seu Paradeigma.

SI homini, præsertim Christiano, præcipitur
Exemplum gaudere cum gaudentibus, & flere cum flentibus, alterumque alterius onera portare, improbus sum profecto, & amici nomine prorsus indignus, si amico

amico dolenti non condoleam : improbus nihilominus, si vulneri quovis modo mederi possim, medicamentum subtraham. Quanquam non dubito, pro tua eruditione, prudentia, mentisque constantia, plus animo te vigere, quam corpore doleas, certoq; novi te longè melius tibi mederi posse sive consulere ; malo tamen abs te ob inscientiam rideri, quàm vel ignavia, vel *astutia* insimulari, præsertim quòd subinde non minùs lenire volentis, ac medentis manus admittatur. Vulgò ferunt patrem tuum senem provectaq; ætatis, virum optimum, mente integra, omnibus ecclesiasticis munitum sacramentis, inter liberorù manus diem clausisse extremum, omnibusquè hujus vitæ ærumnis ereptum, ad requiem æternam commigrasse. Et cùm ceteri moderatius id ferant, te unū post immensum luctum, neglecta re familiari, neglectis Musis, neglectis omnibus, nullam omnino consolationem admittere. Reverà cùm in cæteris omnibus (mi cognate) te facilè superes, in hac una te parte negligere videris. Non enim, mi frater, (quandoquidem communiter mecum Deum patrem appellas) non est, inquam hæc tua secundum Deum tristitia, quæ salutem, verum seculi, quæ mortem operatur, ut Paulus in Corinthiis rectè distinxit. Et idcirco si mihi, imò Scripturæ & rationibus auscultes, ipsam tametsi non penitus tollas, paululum mitigabis. An non Christianus es ? An non communi spe resurrectionis nobiscum vivis ?

Quid

Infinitio.

2
Narratio

3
Propositio.

Quid ergo non succurrit tibi ejusdem Pauli sententia? Nolo vos ignorare de dormientibus ut non contristemini, sicut ceteri qui spem non habent; & reliqua quibus resurrecturorum ordinem describit. Quid? non succurrit tibi sapientum omnium facile princeps post Salomonem filius Sirac? Modicum, inquit, plora super mortuum, quoniam requievit. Et si quidem naturam exuere non potes, mente tamen & spiritu ejus impetus temperandus est. Dicis parentem optimum te amisisse, ac tanto minus tibi dolendum est. Nam si pater tuus in facinorosis actibus vitam finisset, posterisve stultitiæ & vesaniæ suæ vestigia reliquisset, habeas fortassis quod luctus vehementiores prætexas: jam nihil est quod excuses; ut non & hoc meritò reprehendam, quod amisisse dicis, quem in Christo vivere credis, quem resurrecturum speras, quem confortem gloriæ futurum non ambigis. An prudens agricola id frumenti quod seminat, quod occidit, quod sarrit, periisse arbitratur, quod ad uberes fructus revicturum non dubitat? Certè nec caro vivificatur, nisi prius moriatur. Seminatur in corruptione, resurget in gloria. Dic mihi, qui tantopere plangis mortuū senem, quid est quod te movet ad lachrymas? An quod mortuus est? An non in hoc natus est, ut tandem moreretur? An non jam nati statim definimus esse? Cur igitur non plorabas, cum primum nosse eum cœpisti? At jam oculis mihi substractus est, inquires. An noni perpe-
tuos

tuos decem annos procul à patre, procul à patria, in diversis Academiis metum versatus es? Quid tum plorabas oculis subtractum? Fortè denuò visurum sperabas. Esto; nonne & nunc eundem non decrepitum, non morosum, non veternosum: sed alacrem, latum & immortalem in gloria visurum te speras? Tangat te communis mortalitas, & desine cum fato, seu potiùs cum natura & Deo pugnare. Moveat te honestatis ratio, & considera ^{Hon- rum.} quàm turpe sit homini docto & prudenti eum immoderatiùs lugere quem revocare non potes, quin etsi possis, ipse non cupias. Si qua pietate moveris in parentem, ut lachrymis indicare videris: aut doles ex ærumna transisse ad requiem, aut certè ^{Confratio.} ex requie ad ærumnam redire desideras. An non utrumq; à pietate longè alienum? Nonne pietatem in impietatem convertis? Deniq; patri non còmodas, tibi incommodas, conjugì, liberis, & omnibus qui te amant molestus es, omnesq; mœroribus afficis. Tibi à fletu cessandū est, si nos omnes lachrymis, quibus te justius, quàm tu parentem, plangimus, moderari desideras. Amodò ne finas nos quæso malevolorum exponi ludibrio, qui tuas lachrymas tanquā muliebriter profusas rident. Vale mi cognate, & si qua tibi est æternæ felicitatis expectatio, si quis mentis usus, si qua honestatis, pietatis, & utilitatis ratio, quæ tamè omnia in te summa nò ambigo; longiùs pelle abs te hanc immoderatam tristitiam, quæ non solum corporis, verum-

etiam

etiam mentis robur attenuat. Iterum vale, & fac sentiam tibi exhortationem meam vel modicum contulisse, luctuque tuo modum quendam addidisse. Videre licet in hoc paradeigmate, quod non parum Consolatoria Epistola cum Exhortatoria aut Monitoria conveniat, adeoque non admodum dispari artificio gaudeat, & concitatum dicendi genus, quod per commata potissimum fieri consuevit, desideret.

De Epistola Conciliatoria.

Epistola Conciliatoria, qua nobis amicitiam alterius conciliamus, continebit tres partes.

- 1 In prima, virtutes & dotes ejus ad quem scribimus, quibus nos in sui amorem, & ad ambiendam ejus amicitiam provocavit, quantum fieri potest, citra adulationem enarrabimus.
- 2 In secunda, amicorum ejus catalogo ascribi verè & modè postulabimus.
- 3 In tertia, si quid sit quod illum ad amandum nos provocare possit, citra arrogantiam modestissime exponentes, omnem nostram operam, integritatem & fidem offeremus.

Exemplum seu Paradeigma.

Nescio, vir ornatissime, quo pacto nonnulli virtute, ingenio & doctrina excellentes, quosdam usque adeo in amorem sui & admirationem rapiant, ut non sinant eos quiescere, donec sese (quantalibet locorum intercapedine separati sint)

(sint) illis aliquatenus adjungant. Oblatae sunt mihi lucubrationes tuae, legi carmina tua, & (citra assentationem dictum existima) nihil nostrae tempestatis mihi contigit videre doctius, nihil ventustius. Audivi mansuetudinem tuam, modestiam, comitatem, candorem, reliquas animi tui pulcherrimas dotes & ingenii ornamenta, & mehercule non possum, quin ultrò me, tametsi impudentius, ingeram. Oro te igitur ut me quoque (licet inutilem amatorem, licet ignarum, licet incognitum) amicorum tuorum albo annotare digneris, ut istic habeam te vel unum, quicum familiariter subinde & jucundè disputem. Non ausim tibi promittere in me plurimam eruditionem, cumulum virtutum, & amplas ingenii mei dotes, quas nec ipse profectò in me deprehendo; verum sincerum amorem, fidem integram, & mutuam benevolentiam fidenter offero. Habebis me siquidem tui semper absque simulatione amantiissimum, cui tutò omnia committas, & qui tibi non secus ac sibi commodare studebit. Vale, vir ornatissimè, & te (si honestè dici possit) perditè amantem redama. Vale ex Trajecto, 16. Kalendas Augusti, Anno 1543.

Tertia quoque pars hujus generis non in scitè potest secundum occupare locum, ut secunda sit ultima, quemadmodum quisq; studiosorum citra praeceptum & absque paradeigmatate facillè advertit. Studemus enim, sicubi possumus, brevitati.

Possunt & alia quaedam Epistolarum genera
 sub

sub genere Deliberativo comprehensa subnecti, verum cum videantur manifestè ad præcedentia reduci posse, brevitati studentes, ad ea quæ sub genere Judiciali militant, transeamus.

De genere Judiciali, & statibus ejus.

GENUS Judiciale, quo accusamus aut defendimus, & quod à rhetoribus coram iudicibus olim tractari consuevit, hîc paulò fusiùs explicandum est quàm suprà monuimus. Hujus enim describunt rhetores status tres: Conjecturalem videlicet, Juridicalem, & Legitimum, sine quorum discretionem & dijudicio nihil certi de locis hujus generis præscribere possumus. Singulorum enim statuum proprii sunt loci. Tamen enim in duobus suprà positis causarum generibus singula themata ab oratore tractanda, proprium suum statum, id est, certum aliquem scopum habent, in locis tamen assignandis ferè nulla est diversitas: hîc autem scias in quo statu tractandum sit thema, siue orationem habeas, siue epistolam scribas, quibus locis utaris.

Est autem status (ne id imprudens omisisse videar) caput causæ, seu quæstionis summarium & generale, ad quod orator omnia confert argumenta, & auditores præcipuè spectant. Nascitur autem ex triplici quæstione, videlicet. An sit factum quod alicui obijcitur, Quale sit, & Quid, ut patebit.

De statu Conjecturali, & locis ejus.

Status Conjecturalis, quem & Inficiale di-
scunt, nascitur ex quaestione, an sit. In eo siqui-
dem conjecturis, seu tecmerijs (ut Græci dicunt)
agitur, an is, de quo suspicio est, scelus admiserit.

Hujus status 2. sunt } Voluntas, qua voluisse verifi-
loci generales, } militer ostenditur.
Facultas, qua commodè po-
tuit.

A Qualitate personæ accusatæ, videli-
cet, à Natione, Patria, Natalibus,
Ingenio, Moribus, Studio, & cæteris
personarum circumstantiis, de qui-
bus in Dialecticis nostris, lib. 5.

Voluntas
rei inve-
stigatur,

A causa, qua facinus susceperit, ut si
affectu iræ, odii, vel avaritiæ impul-
sus, aut spe commodorum, vel timo-
re incommodorum inductus fuisse
ostendatur.

Hi pariter Accusanti, & Defendenti conveniunt
in Confirmatione.

Ex viribus, Auxiliis, Instrumentis, Lo-
co, Tempore, & cæteris rerum cir-
cumstantiis, de quibus item in Dia-
lecticis nostris.

Facultas
investi-
gatur,

Ex signis, tum antecedentibus, hoc est,
per verba aut facta, quæ facinus præ-
cesserunt; tum consequentibus, quæ
facinus secuta sunt.

Quoniam

Quoniam autem Signa, si manifesta sint, maxime verisimilitudinem prætendunt; adduntur Defendenti præter prædictos, quos cum Accusante communes habet alii duo loci sequentes, quibus signa dilui seu refelli possunt.

Loci 2. Defensoris tantum, scilicet :

Absolutio, qua docet signum bono animo accidere potuisse, aut citra dolum malum.
Inversio, qua docet signum non contra, sed pro reo adduci.
Addunt Inficiationem.

Cæterum (ne quis id imprudenter omissum causetur) non modo in hoc statu Conjecturali, verum etiam in duobus sequentibus tot partes orationis sunt, quot in superioribus duobus generibus: nempe, Exordium, Narratio cum Propositione. Brevibus siquidem exponemus factum, de quo est controversia, & statum ex narratione elicitedum proponemus. Confirmatio & Confutatio in hoc statu eadem est cum præcedentibus locis. Peroratio seu Epilogus, movens ad affectum vel iræ, vel clementiæ, &c. ipsos iudices.

De statu Juridicali.

Status Juridicalis, qui & Qualitatis & Negotialis dicitur, est cum jam non conjecturis agitur, quia de facto constat, sed an jure an injuria factum sit, disceptatur. Nascitur enim hic status

ex quaestione (ut dictum est) quale sit. Partes orationis sunt eadem cum superioribus. Loci autem Confirmationis diversi sunt, prout hic status duplex est. Nam alius est absolutus, quo simpliciter aliquid defendimus: alius est Assumptivus, cum rebus extraneis non tam ad defendendum, quam ad excusandum vel mitigandum utimur, quod causa per se invalida est, nec defensionem admittit:

(Natura, hoc est, jus naturale.

Lex, id est, jus scriptum.

Consuetudo patriæ, si bona sit
& probata.

Loci status Absoluti sunt sex aut septem.

Æquum & bonum sive ἐπιεικής, qua pro sanæ mentis iudicio quod æquum & decens est judicamus.

Pactum cum adversario.

Judicatum, vel simile à Iudice pronunciatum.

(Translatio, cum reus dicit indignitate & turpitudine alicujus facti se ductum ad crimen.

Loci status Assumptivi sunt tres vid. criminis.

Remotio, cum in alios reijcit, qui jusserunt, suaserunt, fecerunt, &c.

Concessio, quæ continet Purgationem, & Deprecationem poenæ.

E

Pur-

Quoniam autem Signa, si manifesta sint, maxime verisimilitudinem prætendunt; adduntur Defendenti præter prædictos, quos cum Accusante communes habet alii duo loci sequentes, quibus signa dilui seu refelli possunt.

Loci 2. Defensori tantum, scilicet :

Absolutio, qua docet signum bono animo accidere potuisse, aut citra dolum malum.
Inversio, qua docet signum non contra, sed pro reo adduci.
Addunt Inficiationem.

Cæterum (ne quis id imprudenter omissum causetur) non modo in hoc statu Conjecturali, verum etiam in duobus sequentibus tot partes orationis sunt, quot in superioribus duobus generibus: nempe, Exordium, Narratio cum Propositione. Brevibus siquidem exponemus factum, de quo est controversia, & statum ex narratione elicitedum proponemus. Confirmatio & Confutatio in hoc statu eadem est cum præcedentibus locis. Peroratio seu Epilogus, movens ad affectum vel iræ, vel clementiæ, &c. ipsos iudices.

De statu Juridicali.

Status Juridicalis, qui & Qualitatis & Negotialis dicitur, est cum jam non conjecturis agitur, quia de facto constat, sed an jure an injuria factum sit, disceptatur. Nascitur enim hic status

ex quaestione (ut dictum est) quale sit. Partes orationis sunt eadem cum superioribus. Loci autem Confirmationis diversi sunt, prout hic status duplex est. Nam alius est absolutus, quo simpliciter aliquid defendimus: alius est Assumptivus, cum rebus extraneis non tam ad defendendum, quàm ad excusandum vel mitigandum utimur, quòd causa per se invalida est, nec defensionem admittit:

(Natura, hoc est, jus naturale.

Lex, id est, jus scriptum.

Consuetudo patriæ, si bona sit & probata.

Loci status Absoluti sunt sex aut septem.

Æquum & bonum sive ἐπιεικής, qua pro sanæ mentis iudicio quod æquum & decens est judicamus.

Pactum cum adversario.

Judicatum, vel simile à Judice pronunciatum.

(Translatio, cum reus dicit indig-
nitate & turpitudine alicujus
facti se ductum ad crimen.

Loci status Assumptivi sunt tres vid. criminis.

Remotio, cum in alios reijcit, qui jusserunt, suaserunt, fefellerunt, &c.

Concessio, quæ continet Purgationem, & Deprecationem poenæ.

E

Pur-

Purgatio est, dum fatetur se quidem peccasse, verum non studio, sed per imprudentiam aut casum. Deprecatio autem est, qua implorat misericordiam Judicis, præsertim dum alij loci non suffragantur, per laudes, per obtestationes, per exempla, &c.

Addunt nonnulli Comparisonem, qua ex duobus malis & alterutro fieri necessario, id admisisse nos dicimus, quod tolerabilius judicavimus.

*De statu Legitimo, seu Legitima
constitutione.*

STatus Legitimus, seu legitima constitutio, qui & definitivus dicitur, ex quaestione nascitur, Quid sit: cum videlicet generali propositione statuimus, quid velimus, aut judicemus de facto,

Spectat autem maximè ad scholas & doctorum disputationes, & in Epistolas præsertim familiares rarenter incidit. Tractatur autem præcipuè locis Dialecticis in confirmatione.

(Definitio, qua definito vocabulo res controversa cum ea convenire, vel non convenire ostenditur, per genus, differentiam, causas, effecta, &c.

Αντινομία, id est, Contrarietas legum, qua pro ratione facti accusandi vel defendendi, aliteram

teram interpretabimur, vel abrogatam docebimus, & alteram servabimus.

Scriptum & sententia; hoc statu obscuriorem Scripturæ sacræ vel profanæ locum interpretamur, ne *stavolet*, hoc est, sententiæ contrarius videatur.

Hujus status
Legitimi 6
sunt partes.

Ambiguum; in hoc vocem alicujus legis, aut Scripturæ ambiguae significationis, secundum alios Scripturæ aut legum locos congruè interpretamur.

Ratiocinatio, qua casus nulla lege determinatus ad similem lege cautum refertur, & secundum eum determinatur, aut judicatur.

Translatio, cum reus utitur exceptione, ostendens se non debere vel ab hoc actore vel coram hoc iudice, vel hoc tempore, vel hoc loco, vel hac lege accusari.

In hoc quoque statu partes orationis totidem, quot in superioribus numerantur, Exordium, Narratio &c.

Hæc paucis de generis Judicialis statibus & eorum locis perstrinximus, nunc ad aliquot Epistolica exempla transeamus.

*De Epistola Criminatoria, seu Accusatoria, in
Statu Conjecturali.*

Occurrit meritò primo loco sub hoc genere
causarum Iudiciali Epistola Criminatoria vel
Accusatoria in statu conjecturali, qua aliquem co-
ram amico vel inimico accusamus, & his partibus,
forma & ordine constituitur.

1 Primum, ordiri licet à questione, vel exclamati-
one, qua nostrum exaggeramus dolorem, aut crimi-
nis atrocitatem.

2 Secundum, rem ipsam verisimiliter narrabimus,
breviter argumentorum semina admiscentes, ali-
quem tandem criminis authorem verisimiliter pro-
ponentes.

3 Tertium, probabilibus argumentis rem docebi-
mus, prædictis conjecturaram locis utentes.

4 Quartum, malorum quodam Epilogo adversari-
um obruemus, hortantes amicum, ut vel sibi ab illo
caveat, vel in illum animadvertat, vel nostræ cala-
mitati quovis modo subveniat.

Paradeigma in statu Conjecturali.

Nescio quibus tibi verbis, amice integerrime
infelicitatem meam ex æquo deploram. Tan-
ta me semel diversarum rerum oppressit calamitas
ut cogat tibi (tamen si non libenter faciam) Cor-
nelium illum criminis insimulare, quem mihi quon-
dam tantoperè studuisti commendare, ut tua con-
solatione

solatione suffultus, in ipso infortunio non prorsus
 animum despondeam. Audi Tragediam. In capite Narratio
 hujus sacratissimæ quadragesimæ, cum post cur-
 tam (ut fieri solet in Carnivalibus) aliquantò lau-
 tius & liberiùs cutem, tota ferè familia sub intem-
 pestæ noctis, silentio somno oppressa foret, ego (ut
 suspicor) ob turbam expectectus praviam, strepitū
 audio tum foris, tū in Cornelij tui cubiculo. Verūm
 nil mali suspicatus, rursus obdormisco. Quid mul-
 ta? Cū horā matutinā acrius me pūgeret mali sus-
 picio, ocyùs ad officinam secedo argentariam, quā
 proh dolor everfam & compilatam rursus invenio,
 argentum, aurum, gemmasq; preciocissimas, & va-
 sa tum aurea, tum argentea non pauca simul aspor-
 tata. Curro furibundus haud secùs ac ursā raptis ca-
 tulis ad Cornelij cubiculū, & deprehendo eum tan-
 quā omninò facinoris ignarū quietè dormientem.
 Miror, hæsito, convoco familiam cum conjugē, &
 vicinos omnes, nec præter nocturnos, quosdā stre-
 pitus & mussitationes aliquid certi. Interrogatus
 denique seriò Cornelius ipse rubore pariter & la-
 chrymis suffusus, multa devotione & obtestatio-
 ne juravit, se prorsus omnium rerum esse igna-
 tum. Insuper & post hanc rerum turbam, colle-
 ctis sarcinis palam omnibus (quod vetare nec vel-
 lem nec possem,) Lovanio valedixit. Et ecce post
 tertiam dierum hebdomadam, quidam Lutetiā re-
 diens indicat, insperatò eundem adolescentem cum
 puella quadam illuc advenisse, & rebus omnibus

Qualitas
personæ.

Causa in-
ducens.

Tacitas
ex cir-
cumstan-
tijs.

Ex signis

abundare. Quid colligam ex omnib, his, mi Georgi, nisi ipsum Cornelium, cujus tu indolem, eruditionem & mores tantis præconijs extulisti, quem & ego tuo nomine non secus ac filium in ades meas excepi (citra objurgationem intelligas, quæso, & absque stomacho prolatum) hujus furti (si non simul omnes me fallunt conjecturæ) authorem esse, qui & me, & cum conjugè liberos, totamq; familiam evertit, perdidit, extinxit? Mentior si non & ipsa facies quantumlibet innocentiam præ se ferat & probitatem, fixius consideranti furacitam indicet; si non crebra mendacia probent, si non alia munuscula interim sublata testentur: ut interim nihil de natalib. ejus, quos tu tantoperè cōmendasti, dicam. Promittebat sibi ni fallor, ex his meis si convasare posset bonis, & fugere, longam felicitatem, qui domi meæ hæctenus, quod parentes tenuis essent fortunæ, admodū tenuiter alitus est; & alia fortassis tum commoda tum voluptates ad quæ ea solet ætas magis esse propensa. Adjuvat eum tempus noturnum, locus ad eijciendum opportunus, somnus post pocula profundior, & meretricula (quod facile colligimus) fortis quælibet transmissa lascivians. Quid quod in ipsis etiam Bacchanalibus cum eadem versatus, secreta nescio quæ tractasse visus est, & feliciorē se brevi conditionem (nempe ex felicitate mea) habiturum testatus est? ut hoc interim sileam, quàm diligenter subinde claves meæ intuitus sit, quàm valida claustra, quàm operosior

cras

crassosq; clathros miratus sit? Si non is author fur-
 ti, unde illi tam subitanea opulencia? unde cultus
 corporis? unde vestitus splendidus? unde omnia no-
 va? Etiam si ipsam fortunam (quod aiunt) capti-
 vam abduxisset, non potuisset hæc omnia subito
 simul corradere. Videat nunc quisque anne sit ali- Epilogus
 quid hoc furto, imò non furto, sed latrocinio atro-
 cius, aut mea infelicitate infelicius? Fidem violavit,
 pro summis beneficijs summam injuriam reddidit,
 se traduxit, te pudefecit, me perdidit, & cum con-
 juge liberos mendicitati adegit. Hæc scribere vo-
 lui, amice integerrime, non ut te incusem, aut im-
 properio afficiam, sed ut fratrem meum moneam,
 ne si denuò ad te redeat, te denuò decipiat, & si abs-
 q; tuo fieri queat incommodo, ad restitutionem cõ-
 pellas. Neq; enim induci possum, ut credam post
 tot & tam manifestas conjecturas & signa aliq̃ hu-
 jus furti authorem, quàm dictum Cornelium suspi-
 ceris. Interim tu cura pro solita tua benevolentia,
 ut me literarum tuarum solatio refocilles, ne pror-
 sus animum labefactatum despondeam, aut ipsa ca-
 lamitate oppressus deficiam. Vale.

De Epistola Defensoria in statu Conjecturali.

Epistola Defensoria in statu Conjecturali hoc
 pacto scribenda est.

Primum vel à nostro officio, vel à persona de-
 fendendi exordiemur : ut à commiseratione, citra
 proprium incommodum, &c.

- 2 Secundo loco, crimen infimulatum verisimiliter abnegabimus.
- 3 Tertio, probabilibus argumentis secundum locos conjecturales, reum, hoc est, accusatum, inson-tem declarabimus.
- 4 Quarto, signa & circumstantias quæ maximè contraria videri possunt, per locos defensoris confutabimus.
- 5 Quinto, studebimus ex præcipuis, quibus usi sumus argumentis, amicum (modo amicus sit) in nostram sententiam perducere: aut inimicum cum ob-
jurgatione cogere. Si res quoque postulet, affectum injuria consolabimur.

Exemplum seu Paradeigma.

- I
Exodi-
um,
- SI liberare præcepit Scriptura inson-tes quoslibet
2 qui ducuntur ad mortem, & vetat cæcum errare
facere in itinere, debeo profectò amicum, imò fili-
um meum, quem tibi pridem tantoperè commendavi,
& excusare & defendere, te quoq; mi Chrysogone,
2 iniquæ suspicionis errore liberare. Scribis officinam
tuam argentariam prorsus expilatam, te quoq; om-
nibus sublati ad extremam redactam infelicitatē.
Doleo mehercle tuum tam grave infortunium, neq;
hoc secus ac proprium sit ipsum, mentem meā dis-
cruciat. Verùm quòd Cornelium hujus furti & te-
mere & falsò infimulaveris, tam evidentibus (ut
animo confido) rationib. & argumentis docebo, ut
etiam si coneris obviare non possis. Silebo parentū

eius & omnium natalium, tametsi fortunæ tenuis,
 probam tamen & semper integram conversatio-
 nem. Silebo adolescentis apud nos usque jam in-
 culpatos & incorruptos mores. Silebo deniq; ejus
 etiam (ut audio) apud vos crebras vigilias, sobrium
 victum, & perpetua bonarum literarum studia, quæ
 sola quibuscumq; fortè videatur objecto crimini pur-
 gando posse sufficere. At qui miror te virum pruden-
 tem, & aliquando non frigide *ἐν τῇ φροσύνη*
 versatum, ex facie ejus seu corporis dispositione fa-
 cinoris conjecturam sumpsisse, cum frons lata, oculi
 demissi; palpebræ planæ non nisi liberalitatem, nisi
 pudicitiam, nisi simplicitatem pre se ferant; verum
 id tibi ut homini *δεινότης* etiam ultro concedere
 debeo. Veniam ad ratiocinationem quæ conjici-
 ebas cum fortassis spe magna commodorum ad
 crimen inductum, quibus videlicet & suæ inopiæ
 subveniret, & suæ voluntari satisfaceret. Certe
 negare non possum, improbos vel modico quæstus
 respectu illiciti posse ad facinus, verum ne quidem
δαίμων ἀγαθῶν, neq; *σῶφρος ἀγαθῶν* probum adole-
 scientem, probis progeneratam, probè enutritum, cum
 probis versatū ad peccandū inducat. Nec proce-
 dit, quod inopiam causaris, cum per me largius
 ei suppeditatum sit (quod ad victum necessarium
 & vestitum attinet) quam ipse vel cupiverit vel
 uti voluerit. Et si Deus optim. max. ei vitam pro-
 rogaverit, tum senectus ultima, præter divitum
 quorundam cognatorum amplas hæreditates, tum
 ipsa

3
 Quæritur
 peritiam.

Ratioci-
 natio.

V

Causa in-
 ducens.

ipsa ejus eruditio ampliorem ipsi felicitatem pollicetur. Quid igitur cum dedecore etiā concupiscat, cujus neq; in præsentia, neq; in posterū indigebit? An fortè ut scortū (quē admodū tu putas) nutriet? Cur non idem meis, quae ei perpetuò afferebam, facultatib; atē factitabat? Certè nisi prorsus insanus, malimus omnes sine discrimine abuti sponte oblatis, quā periculo jugali nostri furto ablati. Jam quae de strepitu facto in cubiculo, dictis, factis, alijsq; loci vel temporis circumstantiis obijcis, cassi (quod aiunt) nuce vaniora sunt. Non incredibile est adolescentem, eodem quo tu experrectū fragore & strepitu, paululum obstrepuisse. Et quid si dixerit se olim ditiorē futurū? Ergone ex furto magis, quā bonis hæreditariis? Claves meas (inquis) & clathros diligentius consideravit. Quid audio? quasi nō soleamus res quasilibet industriē & artificiosē factas, praesertim si acri quodam ingenio simus praediti, exactius considerare. Pereat necesse sit Apelles cum arte sua, si tot infidiatores, quot inspectores habiturus sit. Exilior est quā ut de tempore & loco cavillationē puerilem favillā, quae non minùs probō ad virtutē, quā improbo ad scelus opportuna sunt. Ad hoc tandem venio, ad quod tu non secus atq; ad scopum quendam suscipionis tuae summam dirigis, quod videlicet seriò interrogatus, cum fletu erubuit, quod tandem fugit, ne dicam opprobrio cessit: quod præterea cum eadem meretricula cum qua prius loqui visus est, rebus omnibus affluens

Lute-

4
A signis
antece-
dentiis

Abso-
lutio.

Lutetiam venit. Ut ad postremū respondeam: Si vel
 pudicitia Cornelium purgabit à furto, vel impudi-
 citia damnabit, & furti arguet, omnino nihil ages.
 Neque enim Parisios is unquam vidit, neque istinc
 mulierculam abduxit: sed quarto die à furto (ut
 scribis) domi tuæ factò, mœstus huc venit, & ad-
 huc domi meæ verecundus contabescit. Ausim il-
 lum fidentiùs rerum tuarū compilatorem, aut furti
 conscium asseverare, qui mendacio suo hunc Pari-
 sios agere dixit, quò mali de se suspicionem tolleret.
 Quid ego erubuit, inquis? quid si innoxius erat, au-
 fugit? Quid quæso, mi Chrysogone, tu cum ado-
 lescens esses, facturus eras, si seriò te quispiam fur-
 ti insimularet, si fama crebresceret, si omnium in te
 oculos conjectos cerneres? An non post ruborem
 identidem fuga opprobrium devitares, & periculū
 declinares? Cum igitur, vir prudentissime, conje-
 cturæ tuæ neq; voluntatem probent, neq; faculta-
 tem arguant, & nonnulla quæ obijciebas, contra-
 ria deprehendimus, cessabis amodò probo adoles-
 centi tantæ improbitatis crimen impingere. Ex-
 pectabis animo paulò mitiore dies pauculos; an
 ultrò se verus ingeret facinoris author: nec me
 putes velim hæc tibi improperandi animo virulen-
 ter obtrusisse, sed, ut Cornelio meo & tibi juxta
 consulerem, animo candido respondisse, nempe ut
 illi infamiam, tibi que falsam suspicionem auferam.
 Vale, & secundas meas literas, quibus re in tanta
 rerum tuarum calamitate solari conabor, expecta.

De

CUM locis quoque status Conjecturalis nonni-
hil commune habet (licet in Juridicali magis
versetur) Epistola Expostulatoria, qua cum amico,
interdum quoque cum inimico de officio non præ-
stito expostulamus. Hanc tribus partibus, si famili-
aris sit, absolvemus.

1 In prima arguemus amicum non præstiti officii,
verum id admodum leniter & clementer, nisi famili-
aritas etiam severitatem, etiam jocos admittat.

2 In secunda præcipuam unam aut alteram, plures
quoque, si opportunum sit, explicabimus rationes,
propter quas meritò non debeat negligenter re-
periri.

3 In tertia, voluntatem ejus excusantes, aliud quid-
dam in causa fuisse videbimur suspicari, hortantes
eum nihilominus ad veteris amicitiae jura.

Quod si argumentū postulet benevolentiae cap-
tationem in Exordio, & Confutationem, jam quin-
que partes numerabimus. Libertas Epistolica multa
semper tollere & addere potest.

Paradeigma.

Quid est, mi Theodore, quòd jam a natali Chri-
stiano plus minus denas Trebonio nostro ad
te literas dedi, & tu vix unis quidem respondisti?
Usque adeòne refrixit tua erga me vetus amicitia,
ut ne quidem me salutatione digneris? Si non toties

toties antevertissem, toties sollicitassem, toties rogasssem : imò si non me totum tibi aliquando impendissem, æquius profectò me neglectum tolerarem. Nonne ego te ab ipsis (ut ita dicam) crepundijs puerum enutrivì, primamque tuam infantiam formavi ? Nonne te semper ut fratrem, imò ut filium charissimum habui ? Quid ergo in causa est, quòd me ex amicorum tuorum albo, & ex pectore tuo tam citò eraseris ? An natura, æquitatis, aut bonitatis ratio hoc suadet ? Quæ lex, vel sacra vel profana, quæ consuetudo hominum probata, quæ vel impiorum æstimatio seu sententia hanc tuam non damnet taciturnitatem ? Certè cùm hinc discederes, aliter pactus es mecum, secùs pollicitus es. Verùm cùm mihi prorsus persuadere non possim, te aut mei oblitum, aut crassa quadam negligentia amicum non curasse, sed aut valetudine impeditum, aut rerum vicissitudine distentum scribere non potuisse, oro te ut vel tandem unis ad me redditis literis, meis pluribus respondeas, mentique meæ scrupulum suspicionis eximas. Vale.

Loci
status
absoluti.

De Epistola Purgatoria.

Epistolam Purgatoriam, propter argumentorum varietatem, uniformi & certa ratione tractare vix possumus. Id tamen (præsertim si expostulationi respondendum sit) observandum est, ut in exordio seu in Epistolæ nostræ primo loco, nos amici expostulatione non modo non offensos, verum-

verumetiam plurimum delectatos dicamus.

2 Secundo, abhominabimur, si falsum est quod suspicatur amicus, cum modesta quadā objurgatione.

3 Tercio, causas verisimiles secundum locos status Assumptivi ponemus, quibus objurgationem de officio minus praestito diluimus: addentes etiā Quarto, si necesse sit, Deprecationem.

5 Novissimo loco studebimus affectibus movendis, & amicitia redintegranda seu stabilienda.

*Exemplum Purgatoria, super amica
expostulatione.*

1 **E**PIstola tua, praeceptor humanissime, qua mecum de officio dilectionis expostulas, mirum in modum me delectavit. Gaudeo profecto mihi datam (quod aiunt) ansam, crebrioribus, quam hactenus, te literis sollicitandi. Id tamen unum male me habet, quod suspicaris me vel ingratum beneficij tui non meminisse, vel si meminerim, literario officio non ostendisse. Sine quaeso praeceptor, ut tamen si junior multoque inferior, paucis te arguam. Quid est quod tam temerè de me tam indigna suspicaris, qui temeritatem in me tantoperè consuevisti reprehendere? An vel verbo vel signo aliquam in me unquam deprehendisti ingratitude-
2 nem? An intra pauculos quibus absui menses, veterem rescindere potui, nihil abs te laesus, amicitiam, qui antè tui semper fui studiosissimus? Ne quaeso praeceptor optime, tam iniqua minimeque veri-

verisimilis menti tuæ suspicio infideat. Nam
 quemadmodum pridem nihil mihi dulcius tua a-
 mica consuetudine, ita nunc quoque nihil mihi
 prius, gratius, latius est tua amica confabulatio-
 ne; quam quia coram labiorum strepitu præstare
 non possumus, literis eminens exprimamus oportet.
 Sed inquis: Quid igitur non stas literarum
 conventis? Cur sæpenumero provocatus, ne semel
 quidem rescribis? Audi rationem. Jam sextus agi- 3
 tur mensis quod istinc Lovanium profectus sum,
 & principio quidem (ut decebat) literis meis te
 prior salutavi, & pectoris mei gratitudinem, qui-
 bus potui verbis expressi. Deinde attulit mihi Ae-
 gudius tabellarius noster literas tuas salutaribus
 monitis, & (si dici liceat) divinis tuis præceptis
 refertas, quibus (ut nosti) omnem meam operam,
 studium, sollicitudinem tibi offerendo, modestis-
 simè respondi. Primo mense elapso, jussu paren-
 tum, quibus non obtemperare religio est, in Gal-
 lias concessi, exploraturus an ibi literaria mihi
 palæstra magis arrideret. Ubi perpetuos tres men-
 ses penè frustra versatus, vix quinto mense ad
 septimum Kalendas Augusti Lovanium reverti.
 Inveni autem literarum tuarum acervum multò
 mihi omnium jucundissimum, apud hospitem
 meum repositum, quibus semel unis respondisse
 non satis arbitrat, binas etiam justo prolixiores
 reposui: quarum alteras Petro Delfio, com-
 militoni quondam & sodali meo: alteras Henrico
 Dor-

Dordraceno scholæ tuæ auditorib. diverso tempore tibi reddendas tradidi; ex quibus dignaberis, reverende Præceptor, exactius rei veritatem investigare (neq; enim, tametsi non satis in commissio fideles, ibant inficias) & easdem exigere. Et cum illa quæ dudum scribebam vera didiceris, faciant hæc tibi fidem reliquorum. Si crimen est, quod non respondi, absentia meæ imputabis, in qua etsi otium scribendi daretur, commodus deerat tabellarius. Imputabis & illorum infidelitati, qui tibi Epistolæ meas nondum reddiderunt, quos tamen certò speraveram rem probè curaturos. Quin etsi nondum tibi me satisfecisse videar, adhuc confiteor quamcunque citra conscientiam admiserim negligentiam meam, & deprecor iram tuam & indignationem; tu pro solita tua clementia, ora & obsecro, delictum condona. A modò nihil in me socordia, nihil ingratitudinis, nihil asperitatis deprehendes, sed summam in amicitia conservanda & extendenda mei animi constantiam. Vale, ex Lovanio, octavo Kalendas Septembris.

De Epistola Accusatoria in statu Juridicali.

IN statu purè Juridicali cum videlicet de facto constat, si quem accusare decrevimus, & is coram quo accusandus sit, nobis est amicus, ordimur vel a persona nostra, vel ejus ad quem scribimus; aut si ad eam attinet reus, Insinuatione utimur, de qua suprà dictum est. Si autem amicus non est,

aut invehimur tantum in ipsum cui scribimus adversarium; in Prima parte Epistolæ perstringimus ipsum, execrantes malitiam studiorum ejus, cum exaggeratione delicti. I

In secunda, Narratione præmissa, proponimus nulla proffus ratione defendi posse vel excusari, quod commissum est. 2

Intertia, ostendimus secundum locos hujus Status Absoluti negativos quod proposuimus: & si causa postulet, etiam Status Assumptivi locos in Confirmatione adhibebimus. 3

In quarta, per Epilogum recitatis breviter argumentis præcipuis, movendis studemus affectibus, vel ad pudorem, vel ad indignationem, vel ad vindictam, vel ad commiserationem lassi, si ad insones scribimus. 4

Paradeigma pro Invektivis.

SI tanta subinde confidentia & animi robore restitisses hostibus tuis, cruento latro, qui te enerviter è prostibulo fugientem conficere videbatur, quanto nunc astu & crudelitate in bene de te meritum consobrinum tuum (si vera sit fama) grassatus es, haberes fortassis quo insolenter gloriareris. I
Nunc autem post tuas rapinas, post tuas commensationes, post tua stupra, post tua adulteria, & reliqua pudendorum scelerum facinora redargutus; & quod flagitiosissimum est, post hujusmodi redargutionis sanguinariâ vindictam, qua fronte ad-

huc audes, erecto collo, & quasi rem probè gesseris
 proborum consortio te jactabundus ingerere? Quis
 Scythia, quis Turca, quis alius quispiā barbaræ na-
 tionis homo, post tantā impietate non vereatur, nō
 erubescat, nō contremiscat? Ante dies siquidē pau-
 cos (ut certa relatione audiui) cū idem consobrinus
 tuus Sophronius, adolescens citra controversiam
 probus & integer, durius aliquantō quam volebas,
 post crebrō factas tibi blandas admonitiones, non
 clancularia (quæ fortassis dissimulāda viderentur)
 sed manifestaria tua stupra reprehendisset, quō te
 primū, deinde & tuos probro & infamia liberāret,
 grande sibi veritate malum & odiū acerbū conci-
 liavit. Non post correptiorē cum te bile concitatū
 ad cenā honestā, quanquā fortassis pro ganeonis
 palato non satis delicatam, vocasset, tu dissimulata
 ira pectorisq; tui virulentia advenisti, & inter face-
 ta colloquia, læta pocula, & candidos hilaresque
 convivas, eundem nihil de te mali suspicatum, cum
 poculum labris admovisset, non secus ac latro, ex
 insidiis adortus, & stricto gladio cranium ejus gra-
 viter vulnerasti: secturus nimirum, nisi poculo ob-
 jecto ictum mitigasset. Quod parricidium, quod la-
 trocinium hoc possit crudelius excogitavi? Quis
 3 natrocius latrocinium perpetrēt, quam qui simu-
 lata amicitia amicū suū studiosum, adhuc cognatū
 & hospitem jugulet? Quæ tandem naturæ lex? quæ
 scripta lex? quæ probata consuetudo? quæ vel æqui
 & boni ratio nō prorsus dānet? nō detestetur, non
 execre-

excretur tantum flagitium? Si lege divina fratri ^{Lex.}
 tuo vetaris irasci, vetaris indignari, vetaris afficere
 probro seu contumelia: annon multo maximè ve-
 taris verberare, vulnerare, occidere? Annon te ter-
 ret lex vetus? Qui fuderit (inquit) humanum san-
 guinem, fundetur sanguis ejus. Nónne & ipse in
 Evāgelio suo novæ legis perinde ac veteris author
 Dominus Jesus inquit: Omnis qui gladium acce-
 perit, gladio peribit? Annon & humanæ leges va-
 riis modis eadem sanxerunt? Finge adhuc (id quod ^{Naturæ.}
 planè finxisse videris) nulla tibi lege scripta vetitā
 esse injuriam & eadem, annon ipsa naturæ menti-
 bus humanis insculpta lege: Quod tibi nō vis fieri,
 alii facere vetaris? Nónne igitur plus quā belluinū
 est, divinis, humanis, & naturæ legib. non terri, nō
 compesci? Quod si deniq; nec deos timebas, nec ho- <sup>Aequum
& bonū.</sup>
 mines verebaris, cur non vel ipsa te probitatis & æ-
 quitatis ratio à flagitio continebat? Nónne probis
 fatus parentib. probis cognatis, probè educatus, &
 hætenus cum probis, ipse licet improbus, versatus,
 infando dedecore te dehonestas, dum tibi cognatū,
 te diligentem, de te bene merentē, tuæq; salutis piè
 consulentem, inter geniales epulas, probissimū im-
 probissimus obruis, lanias, enecas? Vide (si vel mi-
 nima tibi sit rationis scintilla) quanto probro te
 primū tuosq; parentes, & nos omnes tibi con-
 sanguineos ac veteres amicos simul affeceris, cum
 te nobis non hominem, sed belluā: non consanguī-
 neum, sed sanguinariū, sed sicarium, sed parricidam,

Indica-
tione.

sed carnificem, sed latronem exhibueris. I nunc latro, & scrutare Scripturas, scrutare historias, scrutare cuncta tum priscorum tum recentium monumenta, & observa num aliquid huiusmodi factum reperire possis, quod non ubiq; gentium omnibus seculis, divinis pariter & humanis, legibus manifestè damnatum sit. Et cum nullum invenias, scrutare deniq; cunctos versutissimi ingenii tui angulos, & vide num quid ex omnibus invenire queas quod flagitio tuo mitigando vel excusando, cum defendere non possis, prætexere queas. Et cum universa calliditatis tuæ latibula evolveris, nihil quod mitiget, quod minuat, quod elevet, sed quod exaggeret, quod augeat, quod aggravet scelus invenies.

Transla-
tio.

An aliquod confobrini crimen comminisci poteris, cujus indignitate seu turpitudine compulsus sis ad cædem? nisi fortè Christianam ejus incriminationem & exhortationem turpitudinis insimules, cui non nisi quod fœdum, pulchrum judicatur.

Remotio

Num te quisquam vi, fraude, jussu, suasu ad crimen adegit vel induxit? Neminem effinges nisi fortassis humani generis hostem diabolū, in cujus te leges, consilia, servitutem jurasse ostendis, ejusq; parère jussibus gloriosum judicas. Si per imprudentiam, per infortunium, absq; studio & dolo malo lassisses;

Purgatio
& Depr.

plus dicam, si prior injuriis, probro, vel convitio laceffituss lassisses, haberes quo te vel purgares, vel certè culpam mitigares, & remissioni locus esset: at jam tibi prorsus omnis adempta est

pur.

purgationis & deprecationis ansa. Atqui dicas: Confutatio.
 Quid illi rerum mearū curatio erat? Nunquid ego
 ad illius arbitrium vivere compellar? Quod si non,
 quid blaterationib. suis bilem mihi movit? quid in-
 quietavit? quid molestavit? Quin, finit me opte me
 more seu consilio vivere? Frigidius quidē id quā
 refelli debeat. An non cuilibet Deus mandavit de
 proximo suo? An non fratris quisque sui studere
 salutis obligatur? An quoque tibi blaterasse visus
 est, impudentissime hominum, cum de tuis te scor-
 rationibus, adulteriis, aliisq; non minū pudendis
 facinoribus, argueret & corripere? Ergone tibi
 Dominus Jesus blatterasse visus est, cum discipulos
 suos pluribus in locis increpasse legitur? Ergone
 blaterandum voluit, cum fratrem peccantem, se-
 cretō, & si proterviat, etiam in Ecclesia palam ar-
 guendum præcepit? & Paulus Tito scribens, Cre-
 tensium quosdam malas bestias, & ventres pigros,
 redarguendos & durē increpandos præcepit? Tu
 revera deblaterare dicendus es, qui huiusmodi ad
 excusandum excusationes in peccatis (ut scriptum
 est) comminisceris & temerē effutis, ut peccatum
 adjicias peccato, & impleatur in te, quod scriptum
 est: Impius cum venerit in profundum malorum,
 contemnit, supervenient autem ei ignominia &
 opprobrium. Ad hæc, Non occidi (inquis) id quod
 iterando sæpenuerō odiosius mihi impingis, sed
 caput ejus levi duntaxat vulnere strinxi. Tu ho-
 mo nefande, leve vulnus judicas, propter quod

Confutatio.

primis diebus moriturus credebatur, omnibus
 Ecclesiæ sacramentis, medico suadente, munitus
 propter quod ager adhuc detinetur in lectulo,
 de futura vita incertus? Et qui carnifex infrunite,
 jactare te audēs non occidisse, quem citra omnem
 controversiam extinctum volebas, quem sola (si
 dici liceat) fortuna in primo ictu poculū servavit,
 & in secundo convivarum præsidium? Quin etsi
 nulla corporis parte consobrinum læsisses, volun-
 tas, propositum, studium, conatus, te non modò
 homicidam sed & pessimum parricidam judica-
 ret. Certè Deus non tam effectum quam affectum,
 non tam facultatem quàm voluntatem conside-
 rat & judicat. Cum igitur nullum vel ostendere,
 vel excogitare queas indignius, foedius, atroci-
 usve tuo flagitio, tum propter tuam plusquàm
 vulgarem ingratitude, tum propter tuam
 plusquàm Lycaoniam fraudem, tum propter tuam
 plusquàm carnificinam crudelitatem; si vel modi-
 ca adhuc tibi portio mentis inest, & minimum di-
 vini timoris vestigium, tolle fastum, tolle arro-
 gantiam, tolle superbiam, & extentam districti Ju-
 dicis super te manum, singulis momentis expa-
 vesce, dignisq; pœnitentiæ fructibus, hoc est,
 perpetuis cum morum tuorum correctione ge-
 mitibus, lachrymis & *λειτουργίᾳ* supremum judicem
 (si horrendum inferni Chaos, & æternos dam-
 nandorum cruciatus evadere cupis) placare stu-
 de: quaquam hæc tibi deplorato & cum Juda
 pro-

5
 Epilo-
 gus:

proditore, Cainéque ἀδελφονόμος, utroque despera-
bundo, frustra consuluisse vereor. Vale ut meres, &
nisi resipiscas, nec Deum, nec homines tibi speres
fore propitios.

Hac vel simili ratione calamo concitatio-
re sceleratum hominem invehimur, incusantes, & ad
ipsum scribes seorsum. Quod si quempiam in
hoc statu coram alio accusaturi sumus, eodem o-
rationis stylo, mutata duntaxat accusandi persona,
procedimus, hoc vel simili modo, cum insinuatione
sumpto exordio.

Idem alia ratione dum scribimus ad amicum.

Cum te, vir ornatissime, non modò pruden-
tem, verum etiam justum didicerim, & probi-
tate præditum non vulgari, non iniquo te animo
laturum spero, si tibi fraterna motus charitate, sce-
lera eorum qui tibi vel familiares, vel sanguine
juncti sunt (quanquam ignotus) suggeram: ut
vel is qui lapsus est, corrigatur, aut tu (si quo-
modo fieri possit) tuo honori & famæ consulas.
Est siquidem viri boni, non magis suorum vitiis,
quàm alienorum connivere, neque minùs in suos
(quatenus sinunt leges) quàm in alios animad-
vertere. Præcipit quoque divina Scriptura, ut cu-
ram habeamus de bono nomine: hoc enim magis
tibi permanebit (inquit) quàm mille thesauri magni
& preciosi. Ante dies paucos (ut certa relatione
didici) cùm Sophronius tibi affinis seu cognatus

Narratio

nescio, adolescens, sanè citra controversiam probus, & secundum nomen suum, prudens, modestus & temperatus moribus, durius aliquanto quàm volebat, filium tuum (absit verbo indignatio) ob-
 • jurgasset, & post blandas crebrò factas admonitiones, non clancularia (quod ea fortassis dissimulanda viderentur) sed manifestaria ejus stupra & commestationes redarguisset, ut primum ejus, deinde & amicorum ejus omnium famæ & honori consuleret, grande sibi veritate malum, & odium acerbum peperit. Nam post redargutionem, ut ipsum (quia bile commotum videbat) ad cenam honestam, tametsi fortassis ad ganeonis palatum non satis delicatam, vocasset, ipse tuus filius Dyscolus, dissimulata ira pectorisq; sui virulentia, advenit, & inter faceta colloquia, læta pocula, candidos lætosq; convivas, eundem Sophronium de se nil mali suspicantem, cum poculum labris admovisset, non secus ac latro, ex insidiis adortus est, & stricto gladio capitis ejus cranium graviter vulneravit, secturus nimirum, nisi stanneo objecto poculo, ferientis desuper ictum mitigasset, &c. Et ita de reliquis, mutata persona secunda in tertiam.

*De Epistola Excusatoria seu Purgatoria in
 hoc statu Juridicali Assumptivo.*

I **E**Xcusatoriam autem seu Purgatoriam epistolam in hoc statu scribes, Primum cum omni modestia, & pœnitundine delicti, captabimus bene-

benevolentiam, &, si causa postulet, utemur insinuatione.

Secundo, Narrata causa, fatebimur in Propositione 2
ne crimen esse tam inorme, ut nulla prorsus ratione, vel lege, vel Natura, vel aliis Absoluti status locis defendi possit, adeoque venia indignum, maxime tamen desperandum.

Tertio, si qui sint in statu Assumptivo loci nobis 3
usui, adhibebimus ad mitigandum delictum: quod si omnino mitigari non possit, soli Deprecationi studebimus.

Novissimo loco affectibus ad clementiam movendis 4
studebimus.

Paradeigma.

SI tanta districtione, pater reverende, Severinus I
(quanquam fortassis tibi incognitus) noster, quem ad te quoque scripsisse dicunt, coram te peccatum meum exaggeravit, ut in Epistola quam ad me dudum dedit, nullus profecto neque veniae, neque deprecationi meae apud te reliquus erit locus, nisi quemadmodum haecenus, experiar te denuo praecunctis mortalibus clementissimum patrem. Tam grande siquidem & enorme mihi peccatum meum ostendit, ut penè de venia me desperandum fecerit. Dum rursus autem pater, tuam bonitatem, tuam clementiam, tuam pietatem, qua filii tui primogeniti periclitantis oblivisci non poteris, mente pertracto, denuo scintillula quaedam

- quædam sperandæ remissionis mihi affulget, de
nuoq; te sollicitandi & obsecrandi ansam præ-
bet. Inprimis itaq; peccata mea pater non solum
confiteor, verum etiam cum Asoto Evangelico pro-
2 fiteor coram Deo & corâ te maxima, atq; hoc uni
præcipuè, quòd consobrinum meum Sophronium
adulescentem probum & pudicum, de me quoq;
sapenumero bene meritum, ego improbus, impu-
dicus, & acceptis beneficiis ingratus, cum dignè
reprehenderet, indignis modis affeci, gravissimè
vulneravi, & (quod in me omniû maxime execran-
dû est) plena voluntate, tota industria & omnibus
nervis privare vita conatus sum. Quid dicam ho-
mo omniû quos sol videt impurissimus & impiissi-
mus? Quid excusabo? Quo me jure vel injuria pur-
gare tentabo, quem naturæ ratio, quem divinæ pa-
riter & humanæ leges, quæ consuetudo patria, quæ
quicquid est in rerum natura æquitatis & bonita-
tis, uno simul ore condemnat? id quod etiam seve-
rius Severinus noster tam plana ratione monstra-
vit, velim nolim, prorsus obniti non possim. Quid
3 igitur mihi restat, nisi sola pro flagitii mei purgati-
one deprecatio? quâ licet rhetorici corâ hujus se-
culi iudicibus invalidam noverint, apud Deum ta-
men & coram te, clementissime pater, non pa-
rum mihi valituram confido. Si dicam (id quod ta-
men verè dicere possim) à sodalibus meis quibus-
cum quotidie ganea, popinas, & fornices frequen-
tare consuevi, me depravatum & ad eadem inci-
tatum,

tarum, qui sedulo mihi hæc, & his similia suggere-
 bant & obtrudebant: Quousq; tibi fines tuū luxū
 tua prostibula, tuas commestrationes improperari?
 Tene semper hi *συλόδῃς τευ* (sic enim vocant eos,
 qui orationis & pietatis gratia crebriter templa
 subeunt) ludibrio habebunt, homo ignavissime?
 Quousq; tandem tua tolerantia abutentur, suum-
 que tergent (sit venia dicto) podicem? Vel semel
 te tandem ostende virum, & de Sophronio præfer-
 tim & Severino supplicium sume. Si ab his (inquā)
 me dixerō ad facinus incitatū, os meum condem-
 nabit me: Quid tibi (mox inseris) cum pestilentis-
 simis, quorum pedes, secundum Sapientum, ad
 malum currunt, & festinant ut effundant sangui-
 nem, conversatio fuit? An ego te talibus, quos au-
 dias, præceptoribus commendavi? Annon cum
 hinc descenderes, cum Salomone tibi mandavi: Fili,
 si te lætaverint peccatores, nec acquiescas eis? In-
 epta igitur hæc foret excusatio. Quin & si dicam: Transla-
tio.
 quod ipse me prior convitio verberaverit, & pu-
 dore affecerit, dum inter convivas probri insimu-
 lavit, indignisq; modis vulnera mentis meæ refri-
 cuit & recrudescere fecit: in hoc tibi præbibā hoc
 poculū (inquiens) cōsobrine, ut amodo luteonibus,
 ganeonib; balatronibusq; derelictis, nobiscum so-
 briè, pudicè, & honestè converseris. Et si me quidē Purgatio
 hoc vituperationis jaculo confossum, tanquā pro-
 pter rem indignam, dicere velim, abstinere à vindi-
 cta nō potuisse, ipsa me cōscientia vanitatis arguet,
 Nam

Nam tametsi ex his verbis cædendi occasionem sumpsi, animo tamen virulento & vindictæ cupido convivii locum ingressus sum, gaudebā quoq; perpetrandi facinoris ansam mihi præbitam. Ut fileam, quod non hæc exprobrandi, sed saluti meæ consulendi animo, verbis clementibus & vultu hilari locutus est, ut sanè omnes qui aderant contra me testabuntur. Cùm ergo, mi pater, neq; criminis remotio, neque criminis translatio, neque criminis purgatio, quasi studio non fecerim, satis mihi suffragetur, ad solam pœnæ deprecationem, ut coram Deo sic & coram te mihi confugiendum est, ipsamque plurimum mihi (ut antè dixi) valituram confido. Oro te igitur, pater clementiss. & obtestor per has meas preces & lachrymas, per patrium tuum erga liberos affectum, per summam & omnibus promulgatam tuam clementiam, per Dei nostri & cœlestis patris, quem tu quoq; mecum tandem judicem habiturus es, ineffabilem misericordiam, ut hanc mihi maximam condones noxam. Si tam tibi manifestam cordis mei amaritudinem & pœnitudinem quovis alio corporali judici reddere possem, quàm hæc charta perfusa præsentem has lachrymas coram te faciliè testabitur; non secus ac pater ille Evangelicus post fugā, scorta, & omnium rerum profusionem, filium suum prodigum, me quoq; in pristinam scio gratiam reciperes. Profecto (ut novi cordis tui, pater, ingenium) à longè adhuc positus, senii oblitus, ul-

Deprecatio.

trò provolares, & in collum prostrati proruens ad
 amplexum & osculum denuò admitteres. Excitent
 igitur, mi pater, hæ lachrymæ paternum tuum af-
 fectum, & recipe tandem pœnitentem, quem ha-
 ctenus prævaricantem passus es. Fac quod natura, ^{Loci ab-}
 quod leges, quod consuetudo quod æquum & bo- ^{soluti.}
 num, quod honestas quoq; & utilitas pariter sua-
 dent. Quonam enim pacto oblivisci poteris, pater,
 filii uteri tui? Annon & pater noster cœlestis his
 multò majora nobis filiis suis (ut testis est Scriptur-
 ra) remittit? Annon idem quoq; fieri quotidie citra
 oblocutionem videmus, ut parentes liberis delicta
 condonent? Et quis iniquum judicabit, imò quis nō
 omne quod legitimè videbitur adversari, in miti-
 orem partem interpretabitur, si filium pater, quan-
 tumvis lapsum, post pœnitentiam sublevet? Si te
 (quod absit) post lapsum vel contemnerem, vel a-
 versarer, nemo fortassis tibi vitio verteret, si me
 prorsus abdicares; verum jam respicientem & mi-
 sericordiam implorantem, salva pietate pater, salva
 honestate rejicere non potes. Succurrat tibi quæso,
 quoties aliis meis fratrib. non levioribus fortasse
 delictis obnoxiiis, piè remisseris, & pietate servasti,
 quos austeritate perdidisses. Pari quoque ratione
 me servaveris, si utære clementia: aut perdideris,
 si utære duritia. Ex tē siquidē propitio tota salutis
 meæ pendet ratio. Eia igitur mi pater, ignosce filio,
 quo proximior non habes; ignosce adolescenti,
 quem natura fervidum & lubricū novisti; ignosce la-

lacrymanti, ignosce pœnitenti, ignosce Christiano Christianus, per illam perpetuam inæstimabilem charitatem, qua dilexit nos adeo Deus pater, ut filium suum unigenitum daret in mortem, pro peccatis nostris; per illam mortem, per illam crucem, per illum sanguinem Jesu Christi Domini nostri, ignosce, inquam, mihi hanc culpam, ut amodò me non modò saluti reserves, sed & perpetuò tibi summo amore devincias. Certè nihil pientius, aut Deo acceptius, nihil honestius, nihil quoq; utilius unquam feceris. Vale, mi pater, ex Lovanio.

Fusiùs tractavi hoc argumenrum, quò puer status Assumptivi locus clarius considerare queat, & eum tum in oratione, seu declamatione, tum in epistola uti discat.

*De Epistola defensoria, in statu
Absoluto.*

- **S**I causa talis sit, ut nò solum excusationē in statu Assumptivo, verumetiā defensionem in Absoluto admittat, epistolam hoc ordine disponemus.
- 1 Primò brevibus, si necesse sit, captata benevolentia, factum narrabimus de quo accusamur.
 - 2 Deinde (nisi inficiatione utamur) proponemus *μὴ τὴν παρρησίαν* factum quidem nos admisisse, sed à scelere prorsus alienos esse.
 - 3 Tertiò, ostendemus nos per locos status Absoluti bono jure fecisse, unde nos temerè seu perperam accusator insinuat.
 - 4 Quartò, si res postulet, confutabimus, si quid adver-

adversarius objecerit, vel objicere potuerit.

Quintò ponemus Epilogum.

Paradeigma Defensorium in statu

Absoluto.

QUòd non ipse, venerande præceptor, ad te veniam, sed literis his apologeticis causam meam defendere malim, id in causa est, quòd audierim te accusatoribus meis, fortè plus satis, aures præbuisse credulas: & non solum mihi graviter succensere, sed etiam Petrisci commilitonis mei parentibus sumendum de me supplicium promississe. Consultius igitur absens judicavi commoti pectoris tui animum epistola mitigare, quàm temerario occursum ab utroque nostrum ad indigna te provocare. Et licèt de te, vir prudentissime, nihil indignum suspicari debeam, non potui tamen hunc menti meæ prorsus eximere scrupulam, quin priusquàm causa diligenti examine discussa foret, injurià cadendus essem, quòd soleant admodum adolescentes etiam tuta pertimescere. Audio delatores meos, nempe, parentes unà cum filio suo Petrisco, tribus me pariter apud te criminibus accusasse, majestatis videlicet, lascivix, & rapinæ; de quibus ut me probem innocentem, quod factum est, nihil omnino dissimulans, ex ordine tibi breviter recensebo. Cum nudiustertius remissione nobis facta à lectionibus, cum probis admodum & literarum studiosis commilitonibus meis montes, quos Amersfordianos vocant, areno-

5

In fine
atio.

Narratio

arenosos animi gratia accessissem, junxissetque se nobis licet invocatus & agrè admissus, Petrisculus Barbirius, certo convenit inter nos pacto & mulcta, ne quid contra leges scholasticas in itinere committeremus. Pervenimus ad eum quem destinavimus locum, lusimus ultrò citroque currentes, ut æstus solis vehementior permittebat. Reverſi sumus tempestive, sed admodum sitibundi. Cum pervenissemus autem lassī ad diversorium in itinere publicum, cui interſignium est cespes junceus, & penè sitis ariditate deficeremus, cauponem nemine reclamante sermone illi vernaculo primus evocavi, & cantharos cervisiæ duos aut tres foras ad vestibulum ubi confidebamus, adferri curavi. Allati sunt, bibimus, itineri nos denuò accinximus, ipse solus, petentibus cæteris, ad obolū pro hausta cervisia cauponi argentum solvi. Inter ambulandum requiro pecuniam meam ex iis, qui contra leges peccaverunt; sponte dederunt alii, unus Petrisculus qui sermonis vernaculi bis notatus fuerat, unius quadrantis multam solvere recusavit. Quid tandem? Cū jam essemus urbi proximi (ut inter nos primū convenerat) libellum manualet, quem fortè assumpserat, invito, fateor, abstuli, non mihi quidem vendicandum, sed tantisper custodiendum, donec solveret quod debebat. Ecce rem, en factum propter quod tantam mihi apud te ingrediam excitarunt. Tu vide quæso, venerande præceptor, an non facilè possim me criminib. obiectis

non modo excusare, sed & defendere, non modo
 venia dignum, sed & infontem demonstrare. Si non
 secundum locos & efficacissima, quæ nos docuisti,
 rhetorum præcepta, me non injuria, sed optimo
 jure fecisse omnia, & præsertim id, de quo maxima
 est controversia, planè probavero, pro tuo arbitrio
 corrigi non detrectabo. Primum omnium lasisse
 me dicunt tuam majestatem, legesq; tuas scholasti-
 cas temerè & contemptim (si dici liceat) præva-
 ricatum esse, & hoc uno crimine gemino me de-
 lecto involvunt; nempe vernaculæ locutionis, &
 ganoniæ. Si tantum notatus essem, præceptor opti-
 me, & multam solvissem, veniam me posse mererì
 considerem, natesq; flagris subducere, nec reus ma-
 jestatis argui possem: nunc autem cum neque tuas
 sacrosanctas leges prævaricatus sim, neq; quicquam
 quod probari possit, in contemptum, vel contu-
 meliam earum dixerim, me puto coram te prorsus
 infontem judicandum. At lingua vernacula locutus
 es, inquiunt. Non inficior cum muliere. At secun-
 dum leges nulla prorsus ratione lingua vernacula
 loquendum contendunt. Fateor, cum scholastico:
 id quod callidi & subdoli subicientes, optimè pro-
 mulgatam abs te legem nequiter subvertunt. An-
 non suavissime præceptor id hætenus in schola
 nostra non illaudabili consuetudine observatū est,
 ut cum externis & maximè ideotis & mulierculis
 sermone illis vernaculo impunè loqui liceat? An-
 non tuo ipsius haud temerando judicio semper ac-
 cusati

Confer-
tudo.

Judica-
tum.

Aequum
& bonū.

Natura.

Consue-
tudo.

cusati de simili casu poenas alioqui debitas evasere) Annon æquum & bonum etiā Scythæ (modo coram illis causas agatur) judicabunt, si cum Germano germanicè, cū Gallo gallicè, cū omnibus sermone illis vernaculo loquamur, præsertim si linguam vel Latinā vel Græcam ignorent? Annon si secus agamus, aut insanire nos putabunt, aut à communi hominum vita alienos? Obstupesco si non & ipsa natura hoc suadeat. Objecerunt secundò, quòd contra leges tabernam popinariam accesserim potus gratia. Tabernas quaslibet, inquit, potus gratia ne accedito. Rursus moderatæ legis perversi cicatores & falsarii suo se gladio jugulant, cū non scriptū sit, ne accedito, sed ne introito. Aut probent me igitur introisse, aut tuo iudicio immunē sinant. Quin & hoc ausim de prudentia & æquitate præceptorum mei seu confidere seu præsumere, si contra verba legis omnino domū introissem, & post lusus exercitationesq; cāpestres, post laborem itineris, post tātos solis ardores pro naturæ refocillatione bibissem, juxta legitimam certè constitutionem Scripti & sententiæ, tuo iudicio liber à calumnia, delatoribus invicis evaderem. Nam domus illa licet alijs sive taberna, sive popina, sive ganea sit, mihi certè diversorium fuit: & natura licet usq; sit à nimietate & superfluo rerum usu coercenda, nunquam tamen subtractis necessarijs est obruenda, secundum legem à prima rerum origine sibi indicam. Ut si lea interim, quam nullus unquam reprobavit, consuetudinem,

tudinem, & morem patrium, quo viatores ad sitim
 sedendam huc solent plerunq; divertere. Veniam
 tandem ad præcipuam totius controversiæ caput,
 veniam ad rapinam, quod scilicet Petrisci manibus
 libellum extorserim, & mihi servarim. Non ibo infi-
 cias, sed quod jure fecerim, evidentib. argumentis
 edocebo. Absit ut quenquam mortaliū injuria affi-
 ciam, quem optimi parentes mei ab infantia & in-
 cunabulis Deum timere, innocentiam servare, &
 virtutem amplecti docuerunt. Ausim dicere (ci-
 era tamen arrogantiam intelligas velim) veneran-
 de præceptor, quod neq; tu neq; quisquam cōmi-
 litorum meorū me secus agentē hactenus depre-
 henderit. Rapuit, inquit, filio meo librū. Factum,
 & factum probè. Quis enim vel natura instigante
 tua non repetat? mea ut reciperem, pignus accepi.
 Quæ autem leges vel sacræ vel prophane pignora-
 tionem non admiserunt? Annon & mihi liceat vel
 dare pignori, vel accipere: quod multis ante nos
 æculis licuit omnibus? quod in omni gente & ho-
 minum natione, consuetudine nunquā reprobata
 servatum est? Pignus oblatum (fortassis dicent)
 accipere licet, non uti tollere. Si (inquam) ultro
 dedisset postulatū, neutiquam vi extorsissim. At
 per Magistratum aut tuo arbitratu id fieri debere
 contendent. Verum fortassis, nisi spontaneò prius
 inter nos ita convenisset, aut si quis nostrū scho-
 lasticas leges prævaricatus esset, & mulctā impo-
 sitam requisitus solvere detrectasset, aut solvendo

Natura.

Lex.
Consi-
tudo.

Prius.

Indica-
tu m.

non esset, pignus ei aut volenti, aut nolenti tolleretur, & cuius nostrum custodiendum traderetur, dum solveret quod deberet. Ita pactum, sic executum. Nunquid non te iudice, prudentissime præceptor, Petrus ipse, qui pactum nostrum irritum fecit, sceleris condemnandus est; & ego qui iuste, quod iustum est, executus sum, criminis absolvendus? Nunquid non etiam Evangelicus pater familias murmurantē, plusq; mercedis exigentem operarium durius redarguit, & juxta pactum quod secum convenerat, inanem, & spe sua frustratū dimisit? Deniq; quis tandem vel iniquū, vel inhonestum, vel indecens judicabit, etiamsi lex aliqua durior huic negotio contrarium sonare videatur, cogatur is qui pariter nobiscum aliorum quæ debebant impendia devoravit & ingurgitavit, etiam impendere, & quod alij sponte contulerunt, coactus solvere & stare conventis? Conveniam ipsos æmulos & delatores meos. Vos inquam convenio, & de æquo & bono vos consulo, qui, quod filio liberius indulgeatis, pœnæ me poscitis, si vestrum pari ratione negotium cum debitoribus ageretur, quid aliud faceretur? Nunquid non eos stare conditionibus & pactis postularetis, & juxta conditum quamvis invitis pignus tolleretur? Et causam hanc meam secus judicare poteritis? Sed unum mihi obest (ne dicam vobis) quod filio plus æquo tribuitis, auresq; plus æquo faciles deferunt (ne dicam mentienti) præbetis. Te autem spero

prudentissime præceptor, qui temerè non omnibus credendum, qui cuncta cum iudicio dispicienda, qui & in iudicijs alterā partem audiendā nos docete consuevisti, te (inquam) spero, imò non spero sed certius novi, non usq; adeò mulierculæ, aut si quoq; pater adfuerit *φιλοσόφων* querelis credidisse, quin hanc meam Apologiam æquā sis mente admittiturus. Cūm legeris autem, & probatissimorum qui adfuerē iuvenū testimonio me nihil à veritate alienum narrasse didiceris, dicta dictis, facta factis, rationes rationibus confer, & si me fontem (ut illi volunt) iudicaveris, scholastico more castiga: si infontē (ut ipse confido) liberū pronuncia. Cūm sint enim singula, quæ à me vel dicta vel facta sunt, aut naturæ proxima, aut legibus probata, aut consuetudini conformia, aut æquo & bono consentanea, aut pacto cōveniētia, nec unquam à prudentib. sceleris iudicata sint; cumq; me sæper hætenus, prout hæc atas tulit maturū, probum, veracem, pudicum, & alieni abstinentem (libere loquor) probaveris, contra Petrisum (quanquā illibenter dico) levem, improbum, mendacem, impudicum, furacem pariter ac rapacem sæpenumerò deprehenderis: confido (ut dicere cœperā) quòd tua discretione & prudentia me, redargutis, & convulsis adversatorum criminationib. infontem pronunciabis, & sola veritate nixum eriges. Certè veritas premi quidem potest, opprimi autem non potest. Vale, præceptor venerande, & ex tuo pendentem sano iudicio disci-

5
Epilo.

pulum recipe. Si quid autem acerbius, inconsideratiusve pro innocentia mea tuenda calore juvenili incitatus effutivi, clemens ignosce. Iterum vale.

Anc quoq; Epistolam generis Judicialis in statu Juridicali Absoluto (quanquam puerile sit argumentum) ideo prolixius ostendi, quod rem Epistolicam à principio dixi me ea ratione tractaturum, ut iisdem etiam præceptis, iisdemq; locis in orationibus seu declamationib. rhetoricis puer uti possit, ut locos eosdem apud alios in filo, seu contextu orationis usurpatos observare, quibus me planissimè, & crassa (quod aiunt) Minerva, in Epistolis usum viderit. Solet enim plerunq; id planius exhiberi, adeoq; facilius considerari & intelligi, quod latius explicatur, quàm quod arctius sub brevitate contrahitur. Admisi præterea non modò in hæc verum etiam in alijs quibusdam Paradeigmatum exempla seu schema, tropos, exaggerationes, & amplificationes rhetoricas: ut res Epistolica ad orationis artificium proximè accederet, & puer industrius discat ex parvis subindè grandiora tentare. Et tantum de Epistolis, quæ sub tribus causarum generibus militant, dixisse sufficiat.

De genere Dialectico, & Epistolis ejus.

Addi potest ex dialecticis etiam Dialecticum sive Didacticum dicendi genus, quo etiamamicum per Epistolam de re qualibet sacra vel prophana exactè docemus. Quod quia admodum va-

rium

rium est, paucis perstringam, & lectori similia meditando secundum dialecticorum præcepta relinquam. Habeat itaque dialectica epistola, si quis eam scribere velit, & thema simplex fuerit :

In prima parte, Narratiunculam cum propositione amici, ducto exordio vel ab officio scribentis, vel ab alterius persona, &c.

In secunda, Definitionem thematis, & si necesse sit, etiam vocis Etymologiam : Item distinctionem, si vox ambigua sit.

In tertia, Causas ejus, præcipuè efficientē & finē.

In quarta, Divisionem vel in species ejus, vel in partes, &c.

In quinta, Officia singularum partium, Cum Epilogo : ut in dialecticis tradi solet de thematis simplicibus. Libertas quoque epistolica, si quis thema simplex componere velit, facile admittit : ut si quis post explicationem virtutis secundum prædictos locos, tandem doceat virtutem amplectendam.

Paradeigma Epistola Didactica.

PETIS amice integerrime, ut tibi brevibus, non penicillo, quod pictorum est, sed *διδακτικῶς* & literis, quod dialecticorum pariter & grammaticorum est, Virtutis imaginem, & omnia quæ ad eam attinent, ad vivum (quod aiunt) depingam. Quod licet pro rei magnitudine brevibus (ut volebas) fieri commodè non possit, dabò tamen operam ut vel ipsa rerum summa capita, si singula speciatim

Thema
simplex.

2
 Etymo-
 logia &
 Finitio.

prosequi non possim, paucis perstringam. Nihil. n. amico, præcipuè de me bene merito, negare debeo, sed quæcumq; petierit, si exactè nō possim, vel subfrigidè præstare. Virtus itaque moralis, de qua sola, ut Christiano homini convenit, disputare me voluisti, & quā alij grammaticorū à viro, ut virū à vi, alij à viro deduci voluerunt, est affectus bonus, Deo cooperante, per exercitiū acquisitus. Est siquidem virtus (ut mihi videtur) moralis, quatenus in Christiano homine Deo accepta sit, affectus ad animi probitatem & vitæ honestatem propensus, qui Deo inspirante, & inspiratum promovente, promotumq; cōfirmante, per usum & assuefactionem adnitentium acquiritur. Sensit id quoq; Aristoteles in libris moralium, qui virtutem habitum esse definit electivum, in mediocritate consistentem ut *Aggyropilus*: aut, ut alij volunt, Affectus est voluntarius, in mediocritate consistens, *Εἰς μέτρον* (inquit) *καταρτίζον*, hoc est, habitus, seu potius affectus permanentior, utpote longo usu & exercitio acquisitus, qui ex iudicio seu electione voluntatis assumitur ut *ἐξ ἡμῶν*, hoc est, animi impetus secludatur; in mediocritate existens, hoc est, inter exuberantiam & defectionem, quæ duo extrema in animi nostri defectibus vitiosa sunt. Rectè, sic quidem Aristoteles, quod ex libera animi voluntate procedere virtutes debeant, nec ita animis nostris, ut Theologicæ, fides, spes, charitas, infundantur, sed nostrum studium & exercitium, ut acquirantur, requirunt:

quirant : verum quem ignorabat, Deum seclusit,
 qui operatur in nobis & velle & perficere pro bo-
 na sua voluntate, sive (ut Paul. dicit) *ὁ θεὸς τὸν αὐτοῦ ποιῶν*,
 ad Philippenses 2. sine quo in rebus humanis ni-
 hil verum, rectum, aut consummatum, sine quo
 nulla nostra opera, quantumvis in speciem bona
 videntur, nobis possunt esse salutaria, aut condito-
 ri nostro accepta. Quid enim Catone prudentius ?
 Manlio iustius ? Scipione fortius ? Curione mode-
 ratius ? pariter tamen omnes defecerunt, nec ad
 quam tendere videbantur beatitudinem, pervene-
 runt, ad quam profectò nulli sine Christo, qui ostiū
 est, intrare permittitur. Ad Christum autem nul-
 lus venit, nisi Pater qui misit ipsum, per Spiritum
 suum traxerit eum. Qui audit (inquit idem Chri-
 stus) à Patre, & didicit (per Scriptum intellige) hic
 venit ad me. Finis quidem virtutis est beatitudo,
 quam tamen sine Deo cooperante & causa effici-
 ente præcipua, nemo mortalium quantumlibet vir-
 tutis studiosorum assequitur. Imò quæ sine Deo
 virtus est, seu potius esse videtur, vera virtus non
 est, quia formam quæ dat esse rei, secundum phi-
 losophos non habet. Rem autem hoc loco ipsum
 virtutis opus intelligo, quod non secus ac materiā
 quandam in studio & exercitio virtutis tractamus.
 Vera siquidem forma virtutis est, ut quam à Deo
 authore proficisci novimus, Deo acceptam fera-
 mus, per ipsumq; non modò consummandam, ve-
 rumetiam ad beatitudinem promerendam nobis
 effi-

4
Divisio.

efficaciam habituram credamus. Dividitur autem Virtus moralis à Philosophis in Prudentiam, Justitiam, Fortitudinem & Temperantiam: quibus & sapiens quidam subscribit, qui in æternæ sapientiæ laudibus, post multa ejus secundum has virtutes, in nos collata, ampliter enumerata beneficia, tandem sic inquires absolvit Enthymema:

Σωφροσύνην γὰρ καὶ φρόνησιν ἐκδηλοῦσθαι, δικαιοσύνην καὶ ἀνδρείαν, ὧν χρησιμώτερον εἶναι ἔστιν ἐν βίῳ ἀνθρώπου.

Hoc est, temperantiā enim seu cōtinentiam & prudentiam docet, justitiam & fortitudinem, quibus utilius seu preciolius nihil est in vita mortalibus. Vides quā appositè prioris distinctionis nominibus, tamen non eodem ordine jam citatus Scripturæ locus conveniat? nisi quis σωφροσύνην magis aut cōtinentiam, aut potius animi sobrietatē significare contendat. Porro prudentia est rerum appetendarum & fugiendarum scientia, & quibusdam non tam moralis, quā intellectualis videtur. Aut (ut Aristoteli placet) virtus est adeoq; habitualis (ut vocant) affectus, verū cum ratione operativus circa ea quæ sunt vel bona vel mala: & subdividitur in rectum consilium seu Εὐβουλίαν, qua quibuscumque pro diversitate causarum rectè consulere novimus. Rectum judicium seu Εὐκρίνειαν, qua secundum omnes justitiæ partes quid justum, honestum, utile, æquum & bonum in singulis quibusque causis judicare possumus. Debitā considerationem (Græci Εὐλόγησμον dicunt) qua rerum principia, media

Divisio
cum offi-
ciis

media, & fines ne quid timerè aggrediamur, dispicimus. Iustitia quoq; virtus est proprià cuiq; suā tribuens indignitatem, & discerpitur in Pietatem, qua Deo, parentibus, & proximis sanguinis: Ob-
 edientiam, qua superioribus: Gracitudinem, qua benefactoribus: Benevolentiam, qua amicis quod suum est, tribuimus. Sic Fortitudo, quæ est cōsiderata periculorum susceptio, & laborum perpeſſio, dividitur in Magnanimitatem, qua res arduas citra temeritatem aggredimur: Longanimitatem, qua dura constanti & infracto animo perpetimur: Patientiam, qua singula, quantumvis adversa, clementi seu miti animo suscipimus. Temperantia quoque virtus, quæ ab omnibus quæ turpiter appetuntur, appetitum compescit, dividitur in Sobrietatem, qua à superſſuo cibo & potu: Caſtitatem, qua ab inordinata Venere obſtinemus: Modestiam, qua moderantes animo, omnem faſtum & arrogantiam vitamus: Manſuetudinem, qua comiter & ſine amaritudine vel iræ, vel odij, cum quibuſlibet converſamur. Paucaſ è pluribus ſpeciebus obiter tetigi, ut thematis partes per diviſionem paulò fuſiùs proſequerer, earumq; ſigillatim officia tibi inveſtiganda demonſtrarem. Nec me latet plures eſſe, exactiùſque de eis diſputari poſſe, verum hæc tibi pro epiſtolari tum brevitate tum facilitate ſufficiant. Ad hoc autem nobis ad-
 nitendum, & ſummò ſtudio contendendum, ut
 cujus finitionem, diviſionem, cauſas, & officia, vel
 calamo

Deſai.
tio.

Diviſio.

Officia.
Finitionem
cum diviſione,
&c.Finicio
cum a-
liis.Tamen
compo-
ſitum.

Propo-
sicio vel
com-
plexio.
Ab ho-
mili.

Ma. ior.

alamo describere, vel lingua recensere novimus, quamq; præ cæteris mortalium rebus, tam propter honestatē, tum propter utilitatem præstantissimam novimus, totis animi votis, quemadmodum præscripsimus, eam veram & Christianam amplectamur, exosculemur, & excolamus. Quid enim virtute honestius? quid utilius? quid jucundius? quid denique magis necessarium? Si eruditio sola (quanquam sine virtute vix posse consistere) promovere solet hominem ad amplos honores, ad amplas divitias, ad ampla commoda & voluptates, quanto excellentior est virtus? quæ non modò hæc temporaria, & corruptioni obnoxia, sed etiam immortalē largitur gloriam, immarcescibiles divitias & felicitatem cœlestem: cum qua omnium tandem bonorum aggregationem perfectam consequemur, sine qua Dei opt. max. & omnis tandem beatitudinis expertes erimus. Et quis est, nisi prorsus insanæ mentis, qui rem quamlibet vera honestate & utilitate insignem, mortalibus amplectendam non judicet? cum pariter omnes, qui lumine rationis perditī sumus, naturæ quodam impetu ad felicitatem rapiamur. Hæc succurrebant, mi Petre, quæ in genere tibi didactico adeoque dialectico, uti postulaveras, de themate simplici, nempe virtute, quod nos quoque compositum fecimus, dum virtutem amplectendam syllogismo ostendimus, scribere debui. Cura ut valeas.

Secundum hanc explicandi thematis formā poterit

terit quisq; vel prolixiùs vel breviùs aliud quodcunq; quale quale sit thema secundū locos dialecticos, tum in Epistolis, tū in orationib. explicare.

De Epistola Indicativa.

CUM plures Epistolæ familiares scribuntur, quæ sub nullo prædictarum causarum genere per omnia comprehenduntur, aut in quibus eorum artificium secundū partes, & locos proprios non usurpatur. Ut sunt quibus alterius felicitati simpliciter gratulamur, quibus gratias agimus, quibus aliquid curandum mandamus, quibus rem gestam vel benè vel malè collocatam declaramus; quibus læta, quibus tristia significamus, quibus de rebus quibuscumque sciscitatur, & id genus alia, quas omnes unico vocabulo Indicativas appellare possumus. In quibus certas designare partes, stultissimum est. Nam ex abrupto sæpe principio mira quadam festivitate ordimur, & sine propositione, præter jocos & sales nihil tractamus. Et sæpè licet simpliciter seria proponamus, sine confirmationis tamen argumentis absolvimus. Quid enim (si exempli causa dicamus) amico persuadere necesse est argumentis, quod novimus eum sponte seu libenter executurum? Inter has quoque nonnullæ simplices sunt, unicum videlicet negotium indicantes; nonnullæ compositæ seu mixtæ, diversas rerum materias ex ordine recensentes seu tractantes. Si quis igitur (id quod creberrimè fieri solet) Epistolam indicativam

Compo-

Compositam seu mixtam de rebus diversis scribere voluerit: quanquam omnia, quæ in buccam veniunt ordine duntaxat naturæ servato, scribere potest, nec multis præceptionibus opus est; non parum tamen lucis adfert legenti, & decorem addit sermoni, si secundum quod naturalis ordo à loco, à tempore, à rebus, à personis, cæterisque circumstantiis commonstrat, seorsum publica, seorsum privata: seorsum prospera, seorsum adversa: seorsum nostra, seorsum aliena: seorsum sacra: seorsum prophana: seorsum gesta, seorsum gerenda indicentur; & ita de reliquis diversarum rerum generibus, ne res aut prorsus inter se contrariæ, aut (ut vocant) disparatæ indiscriminatim nulloque adhibito vulgaris ordinis iudicio confundantur. Inter hæc quoque studendum est, ut diversi generis narratiunculæ aptis transitiunculis quasi quibusdā ansulis connectantur, nec perinde atque (ut dici solet) scopæ dissolutæ legentibus ingratae sint. Sint præterea breves, planæ & dilucidae. Prolixitas enim & obscuritas, ut ubique, sic in his maxime narratiunculis vitiosa, & lectori reliqua legendi cupido insuavis & ingrata est.

Paradeigma Indicativæ compositæ.

Nescio quæ te modò scribendi libido incescit, ut qui hætenus nec ad dandum, nec ad accipiendum literas fueris propensus, jam quasi novo quodam literario furore raptus, de rerum nostrarum statu literas exigis, ut de rerum vestrarum statu literas

literas reddas. Utinque voto tuo satisfiet. Nam &
 ego scribam, ut tibi quoque scribendi ansam por-
 rigam. Primumq; tibi quod primum postulas, pro-
 prium rerumq; domesticarum statum brevibus ex-
 ponam. Ex eo tempore, quo dudum tibi coram in-
 mundinis Antuerpianis loquebar, hectica me fe-
 bris invasit: & quamvis non admodum violenta
 esset, sensim tamen ira corpus meum perpetua hac
 hyeme non modò attrivit, verumetiam arrosit, ut
 vix ossibus cutis adhaereret. Ubi autem jam tan-
 dem paululum convalui, viresque resumpsi, uxor
 mea ex puerpuerio morbum contraxit, adeò mole-
 stum, mi Gualtere, & periculosum, ut quid de sa-
 lute ejus mihi & liberis promittam, plane nesciam.
 Filius natus major, quem hactenus sacerdotio enu-
 trivi, posthabitis literis, non absque nostro dolore
 militiam amplectitur. Virgo jam nubilis, quam tu
 à sacro fonte levasti, virginum relicto monasterio
 domum redijt, & nuptias postulat. Reliqua fami-
 lia, aut ægritudine, aut mœrore afficitur. Quid di-
 cam? Domus penè tota, tum propter hæc varia
 infortunia, tum propter rem bellicam, tum prop-
 ter quæstum exiguum destituta est. En tibi rei
 nostræ privata statum non admodum fecilem,
 nunc audi de statu publico. Senatus noster tam-
 etsi bellis undique quatitur, rempublicam pro-
 dentissime administrat, ipsique cum plebe tanta
 concordia, ut in tanto discrimine & turbulen-
 tia rerum major esse non possit: præterq; annonæ
 caritatem,

Res pub.
 vana.

Res pub.
 profana.

Sat.

Res
schola-
stica.Res
bellica.

caritatem, & questum exiguum, nihil querimus. Paucis profano perstrinxi, paucis & sacra attin-
gam ne Epistola queraris prolixitatem. Quinque
Trajectensis Ecclesie celeberrima collegia in per-
petuo, ut hactenus, Dei cultu, summoq; omnium
honore perseverant, pancraticè agunt, cuuctisque
suis æmulis superiores evadunt. Porro reliqui tum
sacerdotes, quos vocant seculares, tum monachi,
tum monachæ seu sacræ virgines, sic vivunt, ut pro
nostrorum temporum ratione irreprehensibiles vi-
deantur. Et ne præteream juventutem scholasti-
cam, rebus partim Ecclesiasticis, partim profanis
destinatam, ipsa mehercle pulcherrimè viget, in
Græcisq; literis pariter & Latinis, prosa & carmi-
ne rectissime instituitur, atq; in tanto rerum belli-
carum tumultu, imo inter ipsos armatorum gla-
dios & hastas, amplissimè promovetur. Venio ad
ipsam, cujus subinde memini, rem bellicam, quam
proh dolor (sic visum est superis) cum Republica
optimè instituta inæqualiter hac nostra tempestate
currere oportet. Comparantur utrinque gravis
armaturæ equites, confluunt & levis armaturæ
sine numero gregarij milites, corraditur undique
ex Brabantis, Hollandis, Geldris, Clovijs, nempe
belli nervus immensa pecunia: parantur machinæ,
tenduntur insidiæ, acuuntur bipennes lanceæ fra-
meæ aptantur arcus, balistæ, pharetræ, pulvereque
suo stygio farciuntur tormenta: & (ut semel di-
cam) nihil omittitur, quod hostibus utrinque ex-
pugnandis

pugnandis usui fore putatur. Tantus auditur quotidie armorum fragor, bombardum tonitrus, tubarum clangor, tympanorum strepitus, equorum hinnitus, militum clamor, ut æthera & aëra dissimulare credas. Quid inter hæc nobis animi, quid fiducia, quid spei non facile dixero. Sunt siquidem quibus hæc bella placent, sunt contra quibus maxime displicent, in uno Domino Deo suo fiduciam habentes, & ab eo solo rerum tranquillitatem, sperantes. Audisti Martis horrorem, jam quis fructus sequatur, adverte, quanquam & eum sine calamo quisque per se facile expendere potest. Exuruntur ^{Mala} ædes, spoliantur ^{bella.} templa, agri vastantur, pecudes abiguntur, viri capiuntur, uxores cum liberis desolantur, virgines constuprantur, & nihil pudendi sceleris non impune committitur. Et inter hæc connivere principes videntur, & nihil dolere super contritione Joseph (ut habet scriptura) & oppressione innocentum, quorum simul cum lachrymis clamor in aures Domini Sabaoth perpetuo strepit. ^{specialia.} At ne tragediam texere videar à publico bellitumultu, generalibusque patriæ negotiis ad privata & specialia transibo. Germanus consobrinus meus tui amantissimus, uxoris suæ foelici partu gemina prole ditatus est, & honestam foeminam, quam hætenus licet infœcundam, charam habuit, nunc charissime amplectitur. Frater ejus minor pudicam, venustam, amplissimèq; dotatam, nempe patruī tui Gulielmi filiam nudius tertius duxit

H

uxorem

uxorem Johannes noster cognomento λευκος quamquam minimè candidus, qui foelicibus utriusq; nostrum studiis invidere consuevit, patrumq; tuum quantumvis senem plurimum divexavit, eodem (ni fallor) vespere repentino fato extinctus est. Nec tamen hæc nūcio, quod de adversarii interitu gaudeam aut tibi gaudendum velim: sed ut confideres, quàm perniciosus est livor, & quòd non tam aliis quàm sibi noceat tabescens invidia. Hæc potissimum succurrebant ad te pro temporis ratione scribenda, cum mihi yestratia depinxeris (ne nunc Epistola modum excedat) plura rescisces. Sed hertu, dum hæc scriberem, ultimumque tibi vale dicturus essem, latus rumor in ædibus spargitur. Rogo quis sit. Ferunt certis acceptis literis Carolum Quintum Imperatorem Romanum prospero navigio venisse in Italiam, & propediem patrios suos fines invisurum. Faxit Deus. Vale.

Paradigma Indicativa simplicis.

SAlve. Sciscitaris, mi Thoma, de caritate anno-
na, quod eam maximam propter bella cum Scambriis in civitate nostra totaq; dicecesi suspicaris. Certè neq; maxima, neq; minima est, sed pro hoc rerum statu satis moderata. Nam tritici modius (ut vocant) mensuræ nostræ valet duobus Philip-
peis, Silignis duobus Carolinis, Hordei uno Carolino, harenæ quindecim sestertiis, Congius vini Rhenani mensuræ nostræ quatuor sestertiis. He-
speru

perii seu Hispanici quod Romanicum vocant tribus. Cæterum lac, butyrum, caseus, oleum, pisces, carnes, sal, ignium fomenta, & reliqua omnia, quibus natura sustentatur solum precium non excedant, quorum omnium tamē hostes nostros penuria laborare, si frumentum demas & vinū, certo certius est: nempe quibus ipsa ex his & vicinis regionibus suppeditare, consueverūt. Faxit misericors Deus ut facta concordia principū sua nobis illi, & nostra nos illis mutuo suppeditare possimus: nā mutuo commercio commodē diu carere non possumus. Vale, & nos, quibus minor hostium timor & ratiō incurfus, nulla molestia militum, & nulla rerum turbatio, quanti hæc singula vaneant, rescribe.

Aliud Paradigma.

Non possum mi Florenti, quin rebus tuis ultro inservire studeam. Patruus (prōh dolor) una cū conjugē hesternō die sub ipso noctis crepusculo pleuritide interierunt, crastinō die non sine pōpuli funerali more, nostratū sepeliendi. Non solū igitur pie, sed etiā prudenter feceris, si omnibus posthabitis celeriter per noctem te huc confers, & exequiis funeralibus adsis: ut non modō honori tuo pro nostratum consuetudine satisfacias, verum etiam utilitatibus tuis, tempori, consulas. Nam cū intestatus (ut vocant) & sine liberis obierit, ædesque amplissimas, suppellectilem variam, agros multos, ingentemq; pecuniæ vim dereliquerit, vide ne bona, quæ tibi jure debentur hæditario, per alienos

(ut fieri passim videmus) executores distrahantur, dissipentur, diripiantur. Vale.

Aliud brevius.

DOleo profecto ex animo, mi Bonifaci, horreum tuum nudius tertius, in quod frumentum satis copiosum ex agro congesseras hostilibus flammis (modo vera sit fama) tuo maximo damno interiisse. Quis enim si amici casum seu damnum resciscat, nisi prorsus, *αφαιανδροπης* sit & *ασορρος*, ex animo non doleat? quod amicorum omnia, tum prospera, tum adversa meritò debeant esse communia. Contra, tibi non minus ex animo gratulor, super nuncia, quæ lætus adfero: Navis tua oneraria, quam ante brumam ad Sarmatas direxeras, omnibus bonis, quæ Sarmatia ad nos mittere consuevit, onusta, eodem die, quo damnum fecisse diceris, Amstelrodamum prosperè advecta est, unde ni fallor, plus decuplo lucri recipies, quam in horreo exusto jacturæ feceris. Prudenter itaq; sopito dolore præteritorum malorum lætus huc venies, & ut res postulabit, merces tuas aut distrahes, aut in tempus magis opportunum vel apud me, vel alium quemlibet, prout placebit, depones. Vale.

Aliud brevissimum.

CUM primum, mi Gerarde, has literas nostras legeris, mox citra dilationem conducto curru huc advola: est enim apud nos, quod maximè tua interesse videbis, & gaudebis: quod adjicere nolui,

lui, ne cujus rei malæ nascatur tibi suspicio. Nos enim & filius tuus salvi sumus. Vale.

A simili.

Salve. Miraris amice quod non scripserim, mirari sdefine, jam scribo, & si placet laconicòs laconico responde. Vale. Raptissimè ex Trajecto.

Aliud.

Næ tu bellus es homo, quem cum præ chartæ amplitudine amplissima scripsisse putarem, revera (ut inquis) λακωνικῶς scripsisse deprehendo : λακωνισμῶ quoq; tuo λακωνικωτέρως profecto responderem nisi quidquam tibi seriò indicandum esset, quod citra λακωνισμὸν tibi scriptum multò maximè cupias. Fama nempe celeberrima nostratibus divulgatur, quod cum omni Geldrensiū magistratu generosum Clivorum Ducem invictissimus Romanorum Imperator & semper Augustus Carolus Quintus clementissimè recepit in gratiam. Faxit Deus (id quod nunc maximè futurum speramus) ad perpetuam sit finitimarum provinciarum pacem. Vale ex Antuerpia.

Prioris partis Finais.

POSTERIOR PARS DE

Dispositione & Elocutione.

Diximus in principio tria, quædam esse præcipua capita, quæ non modo ad orationem rhe-

sat.

Res
schola-
stica.Res
bellica.

caritatem, & questum exiguum, nihil querimus. Paucis profano perstrinxi, paucis & sacra attin-
gam ne Epistola queraris prolixitatem. Quinque
Trajectensis Ecclesie celeberrima collegia in per-
petuo, ut hactenus, Dei cultu, summoq; omnium
honore perseverant, pancraticè agunt, cunctisque
suis æmulis superiores evadunt. Porro reliqui tum
sacerdotes, quos vocant seculares, tum monachi,
tum monachæ seu sacræ virgines, sic vivunt, ut pro
nostrorum temporum ratione irreprehensibiles vi-
deantur. Et ne præteream juventutem scholasti-
cam, rebus partim Ecclesiasticis, partim profanis
destinatam, ipsa mehercle pulcherrimè viget, in
Græcisq; literis pariter & Latinis, prosa & carmi-
ne rectissime instituitur, atq; in tanto rerum belli-
carum tumultu, imo inter ipsos armatorum gla-
dios & hastas, amplissimè promovetur. Venio ad
ipsam, cujus subinde memini, rem bellicam, quam
proh dolor (sic visum est superis) cum Republica
optimè instituta inæqualiter hac nostra tempestate
currere oportet. Comparantur utrinque gravi
armaturæ equites, confluunt & levis armaturæ
sine numero gregarij milites, corraditur undique
ex Brabantis, Hollandis, Geldris, Clovijs, nempe
belli nervus immensa pecunia : parantur machinæ,
tenduntur insidiæ, acuuntur bipennes lanceæ fra-
meæ aptantur arcus, balistæ, pharetræ, pulvereque
suo stygio farciuntur tormenta : & (ut semel di-
cam) nihil omittitur, quod hostibus utrinque ex-
pugnando

pugnandis usui fore putatur. Tantus auditur quotidie armorum fragor, bombardum tonitrus, tubarum clangor, tympanorum strepitus, equorum hinnitus, militum clamor, ut æthera & aëra dissimulare credas. Quid inter hæc nobis animi, quid fiducia, quid spei non facile dixero. Sunt siquidem quibus hæc bella placent, sunt contra quibus maxime displicent, in uno Domino Deo suo fiduciam habentes, & ab eo solo rerum tranquillitatem, sperantes. Audisti Martis horrorem, jam quis fructus sequatur, adverte, quanquam & eum sine calamo quisque per se facile expendere potest. Exuruntur ^{Mala} sedes, spoliantur templa, agri vastantur, pecudes ^{belli.} abiguntur, viri capiuntur, uxores cum liberis desolantur, virgines constuprantur, & nihil pudendi sceleris non impune committitur. Et inter hæc connivere principes videntur, & nihil dolere super contritione Joseph (ut habet scriptura) & oppressione innocentum, quorum simul cum lachrymis clamor in aures Domini Sabaoth perpetuo stre- ^{specia-} ^{lia.} pit. At ne tragœdiam texere videar à publico bellitumultu, generalibusque patriæ negotiis ad privata & specialia transibo. Germanus consobrinus meus tui amantissimus, uxoris suæ scælici partu gemina prole ditatus est, & honestam scæminam, quam hæctenus licet infœcundam, charam habuit, nunc charissime amplectitur. Frater ejus minor pudicam, venustam, amplissimèq; dotatam, nempe patruui tui Gulielmi filiam nudius tertius duxit

H

uxorem.

uxorem Johannes noster cognomento λευκος quamquam minimè candidus, qui foelicibus utriusq; nostrum studiis invidere consuevit, patrumq; tuum quantumvis senem plurimum divexavit, eodem (ni fallor) vespere repentino fato extinctus est. Nec tamen hæc nūcio, quod de adversarii interitu gaudam aut tibi gaudendum velim: sed ut confideres, quàm perniciosus est livor, & quod non tantaliis quàm sibi noceat tabescens invidia. Hæc potissimum succurrebant ad te pro temporis ratione scribenda, cum mihi yestratia depinxeris (ne nunc Epistola modum excedat) plura rescisces. Sed heu tu, dum hæc scriberem, ultimumque tibi vale dicturus essem, latus rumor in ædibus spargitur. Rogo quis sit. Ferunt certis acceptis literis Carolum Quintum Imperatorem Romanum prospero navigio venisse in Italiam, & propediem patrios suos fines invisurum. Faxit Deus. Vale.

Paradeigma Indicativa simplicis.

SAlve. Sciscitaris, mi Thoma, de caritate anno-
na, quod eam maximam propter bella cum Scambris in civitate nostra totaq; dicecesi suspicari.
Certè neq; maxima, neq; minima est, sed pro horum rerum statu satis moderata. Nam tritici modius (ut vocant) mensuræ nostræ vanit duobus Philippiis, Silignis duobus Carolinis, Hordei uno Carolino, havena quindecim sestertiis, Congius vero Rhenani mensuræ nostræ quatuor sestertiis. Ho-

spen

ſperii ſeu Hiſpanici quod Romanicum vocant tribus. Cæterum lac, butyrum, caſeus, oleum, piſces, carnes, ſal, ignium fomenta, & reliqua omnia, quib. natiora ſuſtentatur ſolium precium non excedant, quorum omniũ tamẽ hoſtes noſtros penuria laborare, ſi frumentum demas & vinũ, certo certius eſt: nempe quib. ipſa ex his & vicinis regionibus ſuppeditare, conſueverũt. Faxit miſericors Deus ut facta concordia principũ ſua nobis illi, & noſtra nos illis mutuo ſuppeditare poſſimus: nã mutuo commercio commodẽ diu carere non poſſumus. Vale, & vos, quibus minor hoſtium timor & ratiõ incurſus, nulla moleſtia militum, & nulla rerum turbatio, quanti hæc ſingula vaneant, reſcribe.

Aliud Paradeigma.

Non poſſum mi Florenti, quin rebus tuis ultro inſervire ſtudeam. Patruus (prõh dolor) una cũ conjuge heſterno die ſub ipſo noctis crepuſculo pleuritide interierunt, craſtino die non ſine pópuli funerali more noſtrati ſi ſepeliendi. Non ſolũ igitur piẽ, ſed etiã prudenter feceris, ſi omnibus poſthabitis celexiter per noctem te huc confers, & exequiis funeralibz adſis: ut non modò honori tuo pro noſtratum conſuetudine ſatisfacias, verum etiam utilitatibus tuis, tempori, conſulas. Nam cùm integer (ut vocant) & ſine liberis obierit, adesque ampliffimas, ſuppelleſtilem variam, agros multos, ingentemq; pecuniã vim dereliquerit, vide ne bonũ quz tibi jure debentur hæreditario, per alienos

(ut fieri passim videmus) executores distrahantur, dissipentur, diripiantur. Vale.

Aliud brevius.

DOleo profecto ex animo, mi Bonifaci, horreum tuum nudius tertius, in quod frumentum satis copiosum ex agro congefferas hostilibus flammis (modo vera sit fama) tuo maximo damno interiisse. Quis enim si amici casum seu damnum resciscat, nisi prorsus, *αφιάνδρον* sit & *ἀσorge*, ex animo non doleat? quod amicorum omnia, tum prospera, tum adversa merito debeant esse communia. Contra, tibi non minus ex animo gratulor, super nuncia, quæ lætus adfero: Navis tua oneraria, quam ante brumam ad Sarmatas direxeras, omnibus bonis, quæ Sarmatia ad nos mittere consuevit, onusta, eodem die, quo damnum fecisse diceris, Amstelrodamum prosperè advecta est, unde ni fallor, plus decuplo lucri recipies, quam in horreo exusto jacturæ feceris. Prudenter itaq; sopito dolore præteritorum malorum lætus huc venies, & ut res postulabit, merces tuas aut distrahes, aut in tempus magis opportunum vel apud me, vel alium quemlibet, prout placebit, depones. Vale.

Aliud brevissimum.

CUM primum, mi Gerarde, has literas nostras legeris, mox citra dilationem conducto curru huc advola: est enim apud nos, quod maximè tua interesse videbis, & gaudebis: quod adjicere nolui,

lui, ne cujus rei malæ nascatur tibi suspicio. Nos enim & filius tuus salvi sumus. Vale.

A simili.

Salve. Miraris amice quòd non scripserim, mirari sdefine, jam scribo, & si placet laconicòs laconico responde. Vale. Raptissimè ex Trajecto.

Aliud.

Næ tu bellus es homo, quem cùm præ chartæ amplitudine amplissima scripsisse putarem, revera (ut inquis) λακωνικῶς scripsisse deprehendo : λακωνισμῷ quoq; tuo λακωνικωτέρως profecto responderem nisi quidquam tibi seriò indicandum esset, quod citra λακωνισμὸν tibi scriptum multò maximè cupias. Fama nempe celeberrima nostratibus divulgatur, quod cum omni Geldrensiū magistratu generosum Clivorum Ducem invictissimus Romanorum Imperator & semper Augustus Carolus Quintus clementissimè recepit in gratiam. Faxit Deus (id quod nunc maximè futurum speramus) ad perpetuam sit finitimarum provinciarum pacem. Vale ex Antuerpia.

Prioris partis Finitis.

POSTERIOR PARS DE

Dispositione & Elocutione.

Diximus in principio tria, quædam esse præcipua capita, quæ non modò ad orationem rhetoricam,

toricam, vernētiam ad artificium Epistolicum necessaria sunt, Inventionē videlicet, Dispositionem & Elocutionem. Hactenus autem de inventione secundum diversa causarum genera, per diversarum Epistolarum locos variis subjectis exemplis disputatum est. Postulat igitur ordinis ratio, ut de dispositione (sicet eam in superiori parte exemplis satis ostenderimus) prout hac nostra rudimenta postulant, adhuc pauca loquamur, inde paulo latius de elocutione locuturi.

Dispositio triplex.

ESt itaque Dispositio commodus eorum, quæ ex singulorum generum locis per inventionem collecta sunt, tum verborum, tum rerum ordo, ad orationis perspicuitatem non parum conducens. Omisso autem verborum ordine, qui (quod aiunt) ad unguem, hoc est, ad plenum præceptis tradi non potest, sed penè sola doctissimè loquentium & scribentium sagaci observatione apprehenditur, rerum duntaxat ordinem prosequamur.

Triplicem ponunt rhetores dispositionem, Partium videlicet orationis, Locorum & Argumentorum, præcipuè eorum quæ ex locis Cōfirmationis & Cōfutationis ad probandū vel improbandū sumuntur. Ordo seu dispositio partium fermè manebit idē qui secundū naturā singulis generibus præscriptus est: ut videlicet ab exordio sequatur Narratio, si necessaria sit, deinde propositio: post sequetur Cōfirmatio, cui subijuncta sit vel interjecta Cōfuta-

tio. Pars novissima semper Peroratio. Contingit tamen nonnunquam non sine rhetorico artificio, tum in orationibus, tum in Epistolis, hanc partium dispositionem data opera confundi, ut videlicet pars Confutationis præcedat Confirmationem, seu alia natura posterior præcedere, de quo non est hujus loci disputare. At quia singulis ferme Epistolarum generibus peculiares quasdam partes, minimè tamen à rhetoricis alienas assignavimus, etiam in illis præscriptum ordinem observari convenit, nisi quod pro libertate Epistolica aliquas inter eas nonnunquam transferrimus, id quod etiam subinde in præceptis superioribus indicavi. Dispositio quoque locorum ipsam naturam sequatur, aut illum ordinem qui pro singulis orationis partibus eis præscriptus est. Natura siquidem pueritia præcedit Adolescentiam: Honestum, Utile, Voluntas, Facultatem, & sic de reliquis; quanquam & hic libertas Epistolica non magnoperè curat, utrum prius ductum sit argumentum ab honesto, an ab utili vel delectabili.

Dispositio verò Argumentorum eum præcipuè investiget ordinem, qui maximè in concionibus auditoris, & in Epistola lectoris animum flectere posse putabimur. Id quod potissimum fiet, si primo loco & item novissimo ponantur argumentationes firmissimæ & irrefutabiles: media autem si quæ sint minus probabiles occupent, quod ad primas probationes & novissimas lectoris & auditoris animus maximè solet esse attentus. Si quis tamen à languis

dis primum argumentis incipiens sensim seu gradatim cum exaggeratione ad validiora confurgat, ut scilicet validissima finem contentionis occupent, meo quidem iudicio non ludet operam.

Postulant & exempla, quorum si appositè adhibeantur, non tantum in orationibus generis deliberativi, verumetiam in Epistolis pulcherrimis est usus: suum concinnum ordinem, nempe ut primo loco extranea, deinde nostratia, & ex his primo aliena, deinde peculiaria & domestica ponantur. Ut exhortaturus quemlibet ad studium & laborem literarium, primum ponas exempla Graecorum Philosophorum, ostendens quantis laboribus, ærumnis, calamitatibus Philosophiam apprehenderint, deinde Romanos seu Latinos, Ciceronem, Virgilium, aliosq; complures, ostendens nihil non pro eruditione consequenda tentavisse, aut aggressos esse: deinde si is quē extimulare niteris, vel patrum habuerit, vel avum, vel nepotem, vel fratrem, vel patrem, qui cum laude non sine labore docti evaserunt. Item si familiarem, amicum, æmulum, &c. Et hæc de dispositione.

De Elocutione.

CUM omnis non solum aptè dicendi, sed etiam doctè scribendi studiosus (ut in primis dictum est) ad hoc niti debeat, ut doceat, quod necessitatis est: ut delectet, quod suavitatis est: ut flectat, quod victoriæ est, & de ratione docendi hætenus ferme disputatum sit, restat & delectandi & flectendi

stendi rationem, quæ in elocutione præcipuè consistit, paucis ostendere. Est igitur Elocutio (ut ad Herennium scribitur) idoneorū verborum & sententiarum ad inventionem accommodatio: qua videlicet sub prima artis parte res inventas verbis efferimus congruis, hoc est, Latinis, propriis, puris, minimeq; duris, sordidis vel obsoletis, & quorum compositio, ut ait quidam, æquabilis, gratiosa, facilis minimeq; per concursum vocalium hiulca, aut per illusionem seu immoderatum concursum vel literæ, r, aspera sit: vel literæ, m, obtusa sit: vel literæ, s, sibilans vel blefa sit. Qua sententiæ dilucidæ, solidæ, & minimæ triviales sint, sed vel iusta Latini sermonis & propria phrasi, vel honestafiguratione venustæ & elegantes sint. Quanquam enim simplicitas & proprietas tum verborum, tum sententiarum maximam, adeoque præcipuam adfert orationi venustatem, non parum tamen lucis & ornamenti superinducunt vel adducunt ei Tropi & Schemata, si per ea fuerit moderatè pro dicendi ratione variegata.

Triplex Character, seu dicendi ratio.

Est siquidem triplex dicendi pariter & scribendi ratio, id quod etiam obiter in primæ partis principio diximus, quam alij *ῥαεγνίη*, hoc est, stylum vel genus dicendi vocant. Primum dicendi genus Sublime dicitur, quo Heroica, Tragica, & Orationes rhetorum multiplici figurarum ornamento ut plurimum texti consueverunt. Secundum est

est Mediocrè, quo historias præcipuè, & secundum
 ras, interim orationes, declamationes, commenta-
 rios, & epistolas aliquando scribere consuevimus,
 paulum supra tritam loquendi rationem modera-
 tius assurgentes. Tertium est Humile, familiare, &
 comicum, quo præcipuè epistolas scribimus, &
 commentarios, in quibus oratio ad ampullosas fi-
 guras non assurgit, sed humi penè serpere videtur.
 Habet tamen & ipsum suam elegantiā, & nec tro-
 pos, nec schemata familiariter loquendi secludit.
 Studendum est igitur primū omnium proprietati
 & simplicitati orationis, quod corpus vocant: dein-
 de quibus tum tropis, tum schematis tanquam or-
 namentis vestri queat, observandum.

Quid figura, & quotuplex.

Figura est quovis modo cum laude novata loque-
 di vel scribendi ratio. Hoc modo docendi gratia
 placuit hic finire figuram, ut rejectis vitiosis loque-
 di vel scribendi novitatibus, generali vocabulo sub
 se comprehendat omnes, cum constructiones, tum
 locutionis figuras, & inter has Tropūs & schemata,
 & inter hæc quædam *λέξεις*, hoc est, quæ ad dictio-
 nem, quædam *διακρίσεις* hoc est, quæ ad sententiam
 pertinent. Porro figuras Grammaticas (quas *με-
 τὰ τὴν λέξιν* species vocant) Prosthesis, Aphæresis, E-
 pithesis, Syncopen, Paragogen, Apocopen, Systo-
 len, Diastolen, intactas relinquo quod videlicet ad
 rem præsentē non attinent, sed magis ad institutio-
 nem poëticam, de quibus tum in Institutionibus

gram-

grammatices, tum in Prosodia nostra satis dictum
 censeo. Omitto nihilominus Syntaxeos figuras, Syl-
 lepsin, Prolepsin, Zeugma, Synthesin, Antiptosin,
 Synecdochen, & similes, in Syntaxi nostra tracta-
 tas. Loquar tantum de iis, quæ ad orationis rhto-
 ricæ ornamentum, argumentum, & amplificatio-
 nem accommodari possunt, exactum tamen judici-
 um aliorum commentariis relicturus. Quod au-
 tem ad hanc rem nostram præsertim epistolicâ at-
 tinet, tres figurarum ordines pro Elocutionis cha-
 ractere seu stylo picturando brevibus exponam.
 Primus ordo complectitur schemata, quæ reddat
 duntaxat orationem jucundam, splendidam & per-
 spicuum, nihil corpori orationis adjicientes: & *ἀ-
 λ-
 γ-
 α-
 ι-
 ο-
 ς* figuræ dicuntur, quod unica dictione seu vo-
 cabulo figuretur oratio. Secundus ordo illa conti-
 nebit schemata: quæ orationem tametsi nō augent
 præter ornamentū, tamen addunt etiā acrimoniā,
 gravitatem & vehementiam. Hæc cum iis, quæ ter-
 tiū ordinis sunt, *διαβολαί* figuræ dicuntur. Tertius
 ea complectetur schemata, quæ vel orationem au-
 gent, vel causam amplificant. Porro augetur o-
 ratio dum extenditur & amplificatur, id quod
 amplius, gravius, vel vehementius, quàm apparet,
 esse ostenditur. Hos tres ordines quàm potero
 brevissimè digeram, & exemplis illustrabo. Sicubi
 quoq; Græca occurrerint ex Divo Paulo adjiciam,
 sive ille (ut nonnulli volunt) artificio Rhetorico
 in nonnullis Epistolis studuerit, sive (ut Augusti-

no placet) ultro sese scribenti eloquētia obtulerit.

Tropi species.

Cum tropus non tantum per se seorsum verbis & sententiis orationem illustret : sed & per omnes fermè horum trium ordinum partes pulcherrimè se sapè diffundat, primo loco, priusquam *σχημα* aggrediar, species ejus vulgariores velut obiter tangam, ab hoc maximè, quod non parum Tropi à Schematis differant. In tropis siquidem (a *τρέπω* verto vel mitto) significatio vel vocis, vel sententiæ mutatur : in Schematis autem non ita : nam *σχήμα* habitum, ornatum, cultum, & eloquentiam sonat, verbisq; tum propriæ, tum impropriæ significationis constat. Hinc est quod Schematis species Tropos admittant. Tropi verò sine significationis mutatione constare non possint : quorum licet aliqui ad dictiones seu voces : aliqui ad sententias spectent, nos tamen eorum discrimini non magnopere studebimus.

Tropi dictio- nis	{	Metaphora.	{	Metalepsis.	{	Metonymia.
		Catachresis.		Hendiade.		
		Onomatopœja.		Emphasis cum		
		Antonomasia.		Liptote.		Synechdoche.
Tropi senten- tiarum.	{	Antiphrasis.	{	Charietismus.	{	
		Allegoria.		Parœmia.		
		Ironia.		Hyperbole.		
		Sarcasmus.		Prosopopœja.		
		Asteismus.		Hypallage.		
		Mycterismus.		Parabola, &c.		
		Aenigma.				<i>Tropi</i>

Tropi Dictionis. Metaphora.

Offert se primo loco propter frequentissimum suum usum μεταφοράς, hoc est, Translatio, quæ veluti quibusdam flosculis, dum commodè adhibetur, oratio venustatur: cum videlicet vox aliqua transfertur ab ea re, cujus est propria, ad significandum rem aliam per quandam similitudinem, cui non est propria, ut cum transfertur vox à rebus animatis ad inanimas, ut si quis dicat terram sitientem aut bibentem. Quemadmodum ad Heb. dicitur: γῆ πῖσα τὴν ὕδωρ, καὶ πλῆστα βοτάνων. Aut contrà ab inanimi ad animatum, ut si quis dicat: justum germinantem. Psalmistes, ἀνθὺς ὡς κρίνον ἀνθήσκει. A rationali ad brutum aut insensibile, ut si dicamus: prata ridere. Et Virgilius de apibus canens: Magnanimosque duces, &c. Sic Esaias: ἀφένδον ἱερὸς ἀλάλῃ. Et Salomon secundum 70. χαίροντες ἐν τῷ ἐξ ἰσχυρῶν, &c. Aut contrà ut: Ululate pastores. Hiero. ἔλαστοι ἐπὶ τὴν γυναικα τῆς πλῆθους αὐτῆς ἐχρημάτιζον. A propinquo ad rem proximam, sicut ab anima ad corpus, ut: dolor pedum, & Paul. σωχαρεῖ πάντα τὰ μέλη. Aut contrà frequentius, ut: stupor stupere, gustare, si ad animum referantur, ut: γούσασθε καὶ ἴδτε ὅτι χηρὸς, &c. His & multis aliis modis, tum nomina, tum verba à propria significatione ad proximam vel cognatam, non modò licitè, verumetiam sæpenuerò eleganter apud doctos scriptores transferuntur, quos præcipuè in hujus figuræ

figuræ usu imitari convenit. Nec tamen in oratione soluta temerè licebit semper æmulari poetarum, qui liberius pro sua licentia hoc interdum tropo, quàm oratores utuntur.

2. Catàchresis.

Proxima est Metaphoræ κατὰ χεῖρας, id est, abusus, cum vox usurpatur ad significandum rem non propriam, sed illi cognatam seu proximam, cui propriæ vox deest: ut si librum non pro arboris cortice, sed pro volumine literario accipiamus: si segetes dicimus latas: sic pugnare, legere: sic lingua, sic gēma, & alia sexcenta. Ita quoq; Paulus ad Cor. λαλῶν γλῶσσαν ἑκ ἀνδρῶν ποικίλα λέγει ἀλλὰ πρὸς θεόν. Porro maximè affinis est Metaphoræ Allegoria, sed eam, quia non tam ad tropos dictionis, quàm orationis attinet, paulò post tractabimus.

3. Onomatopœja.

Nec absimilis est Ονοματοποιία, hoc est, Nominis fictio, qua rei, cui propria vox deest, non proximam sed fictam ut plurimum à sono tribuimus, ut, tantara, bombardæ, sibilare, balare, & similia. Σὺ βληκὴ μιν κὴ κῶαξ διὰ κλάγγῃ, κὴ κινύζῳ.

4. Antonomasia.

Additur Poëtis frequens Ἀντωνομασία. Nominis permutatio, ut: Saturnia pro Junonē. Pelides pro Achille, Apostolus pro Paulo.

5. Antiphrasis.

Additur quoque Ἀντιφρασις, qua vox una pro contraria ponitur, ut: bellum quod minimè bonum,

num, sacrum pro execrando, *εὐμένους* furia, quod minimè mites.

6. Metalepsis.

Sic *Μετ' Ἀλφειοῦ* Transumptio etiam Poëtis frequens, qua gradatim ad aliud quiddam, quam verbo exprimimus, ostendendum procedimus, ut: Speluncis addidit atris, hoc est, in praeceps profundis.

7. Hendiadis.

Est quoque Poëtis familiaris *ἐνδιὰς*: aut ut alii *ἐνδυαίς*: qua unum vel duo substantiva copulata significamus, altero videlicet per adjectivum expolito, ut: pateris libamus & auro, id est, aureis pateris. Sic: in spiritu mansuetudinis, pro spiritu mansueto secundum Hebraeos.

8. Emphasis.

Εμφασις, seu Demonstratio familiaris omnibus scriptoribus plus quiddam indicat, quam exprimitur, nempe latens quiddam, nunc per pronomen: nunc per substantivum pro adjectivo: nunc aliis variis modis: ut scelus pro scelesto & insigniter sceleroso. Sic Paulus ad Corinth. *τὴν μὲν ᾧ ᾠμαρτίαν, καὶ ἐν ἡμῶν ᾠμαρτίαν ἐπέειπον*, &c. Item *ᾠμαρτὶδος ᾠμαρτία*.

Videtur quoq; *κατὰ πόθιν* sub hac contineri, qua minus dicitur, & plus intelligitur, nisi sub Synecdoche malis, ut: non odit me, id est, ex animo amat: Fit autem ut plurimum per verbum sententiae contrarium cum negatione.

9. Metonymia.

9. Meronymia.

Μετωνυμία quoq; (hoc est) Transnominatio familiaris admodum tropus est, cum vel inventorem ponimus pro re inventa : aut numen aliquod pro eo, cui præest, ut: Cererem pro frumento, Venerem pro amore vel pulchritudine. Matt: Οὐκ ἔσθιτε καὶ πλινθεύετε καὶ μεθύετε. Vel continens pro contento, ut poculum pro vino, ut & Paul. ad Cor. οὐκ ἔστιν πνεῦμα πτέρνηον τῆς κυρίας ἀναξίως Sic domus pro inhabitantibus aut familia, aut re familiari. Luc. κατεδίδοτε τὰς οἰκίας ὑμῶν ἡρώδῃ: Vel possessorem pro re possessa : ut : Deucalion ardens, ad Corinth. Εἰ τις ὑμᾶς κατεδίδοι. Vel cum effectum tribuimus efficienti, ut pallida mors, quod membra efficiat pallida. Sic cum authorem pro opere ponimus, ut si dicamus: in Paulo facilè omnes rhetorum figuras & ornamenta deprehendimus, hoc est, in Epistolis Paulinis. Sic Moses pro lege.

10. Synecdoche.

Non admodum dissimilis tropi species est Συνεκδοχή, id est, Intellectio seu comprehensio, cum videlicet intelligimus vel ex uno plura, ut : Cæsar Hannibal, pro milite forti. Vel ex parte totum, ut: puppis pro navi. Johan. Καὶ ὁ λόγος, τὸ ρῆγμα ἐγένετο.

Vel contra, ex toto partem, ut : post tres dies resurgam.

Vel ex specie genus, ut : Græcus pro Ethnico: vel contra.

Vel ex materia materiatur, ut: Ferrum pro gladio: Vel

Vel ex præcedentibus sequentia, ut: Virineam solvit zonam, & aliis similibus modis. Est enim Synecdoche, cum plus minusve pronunciamus, quam intelligimus.

II. Charientismus.

Potest quoque frequentius videri Tropus dictionis *χαιεντισμός*, cum quæ dura sunt, verbis gratiosis mitigamus: ut cum puerum pro servo ponimus, & mortuum quievisse dicimus. Matth. *πῦς μὲν βέβληται* &c.

Addunt & Heterosin vel Enallagen, cum vel numerum pro numero, vel personam pro persona ponimus, ut miles, pro militibus, &c. At sub Synecdoche vel Metonymia comprehendere potest quas cum aliis nonnullis inter tropos orationis ponemus, quod videlicet subinde dictiones, subinde orationes figurant.

Tropi orationis.

1. Allegoria.

Quamquam *Ἀνεξαρτία* seu inversio sit perpetua quædam Metaphora, quod singula ejus verba per translationem intelligantur, atque ob id fortassis inter tropos dictionis ponenda videri posset; quia tamen ejus complexio non singularē aliquam vocem, sed totam orationem aut sententiam figurat, in hunc eam posteriorum troporum ordinem relegavi. Est autem Allegoria tropus quidem orationis & sententiæ pulcherrimus, quo aliud sensu, aliud

liud verbis intelligimus: ut Ovidius de amore loquens Pyrami & Thysbes allegoricōs, sic canit: Quoque magis tegitur, tanto magis aestuat ignis. Sic ad Cor. *ἡ ἡμετέρα ζυμὴ ὅλον τὸ φύμα ζυμεῖ*. Hæc orationem non tantum illustrat, sed etiam eleganter extendit, frequens tum in sacris tum in profanis literis. Volunt nonnulli sequentes ejus esse species.

2. Ironia.

Εἰσέγεια (Dissimulationem vertunt) est dissimulata illusio, quæ videlicet non ex verbis (plerumque enim contraria sunt) sed vel ex modo pronūciandi, vel ex persona loquentis, vel ex ipsa rei natura intelligitur, ut: Id populus curat scilicet, apud Comicum: per scilicet, autem, videlicet, similesque particulas commodè fieri consuevit, Corin. *χαίρετε τὴν ἀδικίαν ταύτην*.

3. Sarcasmus.

Adsimilis est superiori *Σαρκασμός*, Exacerbatio seu irrisio amarulenta, cum victor victo vel hosti insultat, ut: I nunc, & verbis virtutem illude superbis. Sic Luc. *ἂν τις ἐσωσέ, σωσάτω ἑαυτὸν*, & reliqua.

4. Asteismus.

Huc quoque pertinet *Ἀστεισμός* Urbanitas, quæ est urbana dictio, & jocus cum astutia festivus, quales sunt sales & dicacitates disertorum: ut illud Maronis: Qui Baviū non odit, amet tua carmina Mævi. Et Paulus in Actis: *οὐκ εἶδεν αἱ δὲ λαοὶ ὅτι ἔστιν ἀρχιερεὺς, γέγραπται γὰρ, ἀρχιερεὺς τοῦ λαοῦ σὺ ἐκ ἐθνῶν κακῶς*, secundum quosdam.

5. Mysterif-

5. Mycterismus. 6. Ænigma.

Possent addi *Μικτερισμός*, cum naso quempiam in scommate quovis suspendimus: & *Αινγμα* cum dictum obscurum; conjecturis indagandum proponimus, ut: Dimidium plus toto, apud Hesiodum, & Sampsonicum illud: *ἢ καὶ οὐκ ἐσθίωντος ἐξήλθε βρώσις, καὶ ἐξ ἰσχυρῆς ἐξήλθε γλύκω*; similiaq; scriptorum rara problemata, sed qui ad rem nostram non admodum conducunt, sobriè tractanda judicavimus.

7. Parœmia.

Quamquam non omne adagium seu vulgi proverbium tropicum est,prehenduntur tamen innumera à sono verborum significato tam aliena seu diversa, ut proximè ad Ænigma accedere videantur; & si opportunè tum Epistolis, tum familiaribus colloquiis accommodentur, & citra nimiam affectationem inserantur, non parum venustatis & jucunditatis adferunt. Est igitur *Παροιμία* seu Adagium, dictum celebre & vulgò tritum, aliqua novitate insigne, ut: Lupum auribus tenere dicitur, qui negotium susceptum neque tutò relinquere, neque tutò tolerare potest. Sic ad Paulum in Act. *Σκληρὸν σοι πρὸς κύνες λαλῆζειν*.

8. Hyperbole.

Usui quòq; frequenter *ὑπεβολή* est, nos Excessum interpretari possumus. Nam quod secundum figuram hanc dicimus, fidè manifestè exuperare debet. Est enim (ut inquit Quintilian.) dementiens superjectio, vel amplificandi gratia, ut: Aquilis veloci-

ciores, leonibus fortiores: aut minuendi, ut: testu-
dine tardior. Colossensib. scribit Paul. de Evāgelio:
Παρόντες εἰς ὑμᾶς, καθὼς καὶ ἐν παντί τῷ κόσμῳ;

6. Prosopopœia.

Addunt ferè omnes Tropis Περωποποιία. qua per-
sonā fingimus, quæ persona non est: cum videlicet
res mutas loquentes inducimus, aut ad eas tanquā
ratione utentes sermonem dirigimus: ut amantes
apud Ovidiū; Invide (dicebant) paries, quid aman-
tibus obstas? Et ad Cor. πῦρ οὐ δαίετε τὸ καὶ τῶν; πῦρ
οὐ αἰδῶ τὸ νῆκος; Eundem quoq; volunt tropum, cum
hominem vel absentem, vel mortuum fingimus lo-
quentem, vel ad eum sermonem dirigimus, ut: Dic
Hieremia testimonium de Christo, August.

10. Hypallage.

Ἑπανάληψις, Submutatio, vel Subalternatio, fit
cum oratio contraria rerum ordine effertur: ut
cum res agens fit patiens, aut contrā, ut: Dare clas-
sibus austros. Figura poetica est. Restant adhuc
præcipui duo tropi, quorundam iudicio, Parabola,
& Paradeigma, sed quia in eis propria vocum sig-
nificatio non mutatur, nos ad Scemata διασέμματα
transtulimus.

Hæc seorsim de Tropi variis speciebus tradidi,
in quibus omnibus aliud quidem verbis dicitur,
aut dici videtur, & aliud re vera significatur; ex
quibus multi frequentibus diversorum ordinum
figuris inservire possunt: ut sint vel hi schematum,
vel schemata horum ornamenta.

Schematum primus ordo.

Figurae Lexes	Syllepsis.	Epizeuxis.
	Prolepsis.	Tautologia.
	Zeugma.	Polyfyndeton.
	Epizeuxis.	Afyndeton.
	Anaphora cum speciebus 8.	Homœoptoton.
	Epanaphora.	Homœoteleuton.
	Epiphora.	Paranomasia.
	Ploce.	Antanaclassis.
	Symploce.	Parachesis.
	Epanalepsis.	Anastrophe.
	Anadiplosis.	Irmos.
		Schesis onomatōn.

Primum figurarum ordinem supra diximus eorum esse Schematum, quæ ad dictiones magis quam ad sententias attinent, & orationem jucundam, splendidam, & perspicuam reddunt: quamquam subinde etiam nonnullæ earum non secus ac illæ, quæ secundi ordinis sunt vehementiam quandam addunt, & acrimoniam.

I. Syllepsis.

Occurrit primo loco *Σύλληψις*. Conceptio, qua duabus rebus & sententiis diversis unum duntaxat datur verbum, utriq; minimè conveniens, ut: His quidem signis atq; hæc exempla secuti. Alii simile loquendi genus Zeugma imperfectū dicunt, quod videlicet verbum uni conveniens, ad alterū commodè reduci non possit; voluntq; in hac vel simili loquendi ratione Syllepsin esse locutionis: Romulus

Ius & Remus Romanam urbem condiderunt. Aut: Petrus cum Paulo Romæ passi sunt. Et Ovidius: Cum plausu clamor littora implevere.

2. Prolepsis.

Πρόληψις. Præsumptio, ut Reges dimicant, alii pro gloria, alii pro patriæ salute; quia cum Epanodo tertii ordinis fermè convenire videtur, hic negligentius tractatur.

3. Zeugma.

Ζεύγμα. Copulatio, seu Conjugatio, cum videlicet diversas clausulas uno verbo copulamus, hoc pacto. Verbo præposito: Vicit pudorem libido, timorem audacia, rationem amentia.

Verbo in medio posito: Pudorem libido vicit, timorem audacia, rationem amentia, &c.

Verbo in fine posito: Pudorem libido, timorem audacia, rationem amentia vicit.

4. Hypozeuxis.

Primam Zeugmatis speciem vocant *πρῶτον ζεύγμα*, secundam *μεσὶν ζεύγμα*, tertiam *ὑποζεύγμα*. Ab hac autem tertia multum differt *ὑποζεύξις*: nam ei prorsus contraria est, cum videlicet singulis diversarum rerum clausulis debitum verbum subnectitur, ut: *Ædes exuruntur, templa spoliantur, agri vastantur, pecudes abiguntur, viri aut caduntur, aut captivi abducuntur, uxores cum liberis profugantur, monasteria evertuntur, virgines constuprantur, & nihil non pudendi sceleris impune committitur.* Sic quoque Mat. *ποιοὶ διαβόησαν*

ἡ χαλὸι πειπαῖσι, καὶ καθαρῶνται, καὶ κωφοὶ ἀκούσι, κερῶ, &c.

Anaphora species	{	Epanaphora.	{	Epanalepsis.
		Epiphora.		Anadiplosis.
		Ploce.		Epizeuxis.
		Symploce.		Tautologia.

NON minùs jucunda, quàm frequens figura est *Ἀναφορὰ* five Repetitio: qua eandem dictionem aliquoties repetimus. Hoc autem quia diversa ratione fieri consuevit, plures ejus species numerantur, quas ex ordine recensebimus & explicabimus.

5. Epanaphora.

Primum per diversarum clausularum principia eandem vocem repetimus, & *Ἐπαναφορὰν* vocant, ut: Hic gelidi fontes, hic mollia prata Licori: Hic nemus, hic ipso tecum consumerer ævo. Sic Paul. ad Corin. *Ἀνέχεσθε ὅτι εἴ τις ὑμᾶς καταδύλοι, εἴ τις κατ' ὀφείλει, ἢ τις λαμβάνει, εἴ τις ἐπαίρεται* &c. Sic quoque multis aliis in locis. Nulla est enim apud Scriptores hac figura frequentior: redditq; subinde præter venustatem, ipsam orationem vehementiorem.

6. Epiphora.

Secundò eadem voce diversa periodi commata claudimus, & *Ἐπιφορὰ* Rutilio dicitur. Ut ad Cor. Cum essem parvulus, loquebar ut parvulus, sapiebam ut parvulus, cogitabam ut parvulus: ut vertit interpret noster; apud Paulum tamen Hypozeuxis est. Sic quoque in 2. ad Corinth. *Ἐβραῖοι εἰσιν,*

καὶ γὰρ Ἰσραηλῆται εἰσι; καὶ γὰρ, σπέρμα αβραάμ εἰσὶ καὶ γὰρ.

7. Ploce.

Tertio, eandem vocem præcipuè proprii nominis geminamus, non tamen continetur in una clausula, ita ut posterius vocabulum ad mores priores referatur, Græcisque πολλὴν dicitur, ut: Sed tandem ad illum usq; diem Memmius erat Memmius, hoc est, sui similis, & iisdem moribus. Et per appellativum: πῖθηκος ὁ πῖθηκος, καὶ χεύστα εἶχεν σύμβολα.

8. Symploce.

Quarto, eandem vocem utrinque, hoc est, & in principio plurium clausularum, & in fine ponimus, sic tamen, ut alia sit quæ in principio clausularum, & alia qua in fine earum repetitur, hoc pacto: Nutrit hæc castris odium dolumque, Nutrit hæc templis odium dolumque, Nutrit hæc claustris odium dolumque, &c. Sic Paul. Corin. Εἴτε πόσῃ εἰ μέλθῃ, συμπάσχει πάντα τὰ μέλη, εἴτε δοξάζεται ἐν μέλθῃ, συγχαίρει πάντα τὰ μέλη, & reliqua.

9. Epanalepsis.

Quinto, vocem in principio positam, tandem in fine clausulæ repetimus, per Επαναλήψιν, hoc est Resumptionem, ut: Cognitum est te rempub. venalem habuisse, cognitum est: Sic verò Paulus. χαίρετε ἐν κρείω πάντες, καὶ πάλιν ἐρῶ χαίρετε.

10. Anadiplosis.

Sexto, vocem in clausulæ præcedentis fine positam in principio sequentis repetimus, per ἀναδίπλωσιν, seu Reduplicationem, ut: Sequitur pulcherrimus

imus Astur, Astur equo fidens. Et Paulus ad Cor.

ὁ σπείρων θειδομένως, θειδιμένως καὶ θερίσει, καὶ ὁ σπείρων ἐπ' εὐλογίαις ἐπ' εὐλογίαις καὶ θερίσει.

Septimò, in una clausula cōtinenter seu immediatè eandem vocem geminamus, affectū indicantes per *Ἐπέευξιν* vel adnexionē: ut Virg. Me me adsum qui feci. Sic Luc. *Μαρία, Μαρία πρβάξῃ ἐπὶ πολλὰ.*

11. Tautologia.

Octavò, proximè accedit ad Anaphoram *Ταυτολογία*. modò inter figuras numerare velimus, qua vocem quamlibet in una periodo diverso casu aliquoties iteramus, ut si dicam: Literas ama, quò literarum doctus evadas: nam si abhorres à literis, literis studere non poteris. Ut Paulus ad Rom. *Ἐξ αὐτῶ, καὶ δι' αὐτῶ, καὶ εἰς αὐτὸν πάντα, αὐτῶ, &c.*

12. Polysyndeton.

Affinis quoque Anaphoræ *πλυσύνδετον* est, cùm videlicet oratio multis conjunctionibus, ubi una duntaxat necessaria sit, nectitur: alii à *πλεμ πολυσύνδετον* scribingunt. Fit autem sæpenumerò in singulis verbis, non rarò etiam per plura cōmata: ut Cic. Me præ cæteris & colit, & observat, & diligit. Item: Non ita fractus sum, ut aut hominem me esse oblitus sim, aut fortunæ succumbendū putem. Solet enim non modò per copulativas, verumetiā per disjunctivas, & alias eleganter fieri, & nonnunquā duobus, nonnunquam pluribus vel membri, vel commatis. Sic Paul. Græcus: *Πόσῃν κατεργάζετο ὑμῶν πλεον, ἀλλὰ ἀπὸ λογίαν, ἀλλὰ ἀναγκασίον ἀλλὰ φόβον, ἀλλὰ*

ἀποὶ ἐμπόθου. &c. Item ἢ πρὶ ἢ ἀπὸ. Fit poetis frequenter per encliticas conjunctiones, ut: Athamasque, Thoasque, Neoptolemusque, &c. verum extra carmen non usurpandum.

13. Afyndeton.

Schema superiori contrarium, ἀσύνδετον, hoc est, Inconjunctum dicitur. Rhetores nostri articulum vocant: cum videlicet res diversa nullis conjunctionibus colligantur. Et utimur eo quoque tum in verbis, tum in clausulis componendis, ut: Excessit, erupit, evasit. Ferte citi flammæ; date relæ, impellite remos. Et Cicero: Omnia me tua delectant, sed maximè maxima, cum fides in amicitia, consilium, gravitas, constantia, tum lepos, humanitas, literæ. Paul. Corinth. Νυνὶ δὲ μένει πίστις, ἐλπίς, ἀγάπη, τὰ αὐτὰ, & multa præcedentia.

14. Homœoptoton, Homœoteleuton. 15.

Sunt & alia duo sibi cognata Schemata, quæ orationem subinde (si affectata non sint) cum gratia figurant, non eandem quidem vocem, sed vel similem casum, vel similem vocis finem repetentia, Ομοῖον ὄντων Ομοῖον τέλευτον. Quorum prius clausulas simili casu: posterius simili ferè sono terminat. Ut de priori: Sunt qui in rebus humanis potissimum spectant honestatem: sunt qui quærent utilitatem, sunt qui captant duntaxat voluptatem. De posteriori, ut: Turpiter audes facere: nequiter frudes dicere. Sic Paul. Οὐκ ὁ πλεῖς ληθίνας, ἀλλ' ὁ πλεῖς καρδιαὶ σαρκίνας, Et in primo Cor. δὶς ἢ ὅχι

μᾶλλον

μᾶλλον ἀδικήσῃ, διὰ τί ἔχ' ἡ μᾶλλον ἀποστρέφῃ; Item nīdē;
Οὐδ' ἴνα ἡ δίκησται, ἔδ' ἴνα ἐφθείρηται, ἔδ' ἴνα ἐπλεονέχηται.
In quibus (ut obiter moneam) vides puer di-
versas figuras concurrere.

16. Paronomasia. 17. Antanaclassis.

Rursus duæ figuræ sibi vicinæ sūnt, *παρωνομασία*,
& *Αντανάκλασις*: quarum prior est, cum similitudine
literarum eandem fermè vocem in contrarium fle-
ctimus, ut Terentianum illud: Inceptio est amentii-
um, non amantium. Aratorem magis quam Orato-
rem dixeris.

Posterior est unius verbi simplicis, aut per com-
positionem repetiti, contraria significatio: ut si di-
camus; Noli diligere mundum, in quo nihil est mū-
dū: aut, Eas res cura, in quibus nulla est cura. Item,
non everti hominem, sed converti. Impugnaverūt
me, verūm non expugnaverunt. Sic Paulus: *ὅς
μὴδὲν ἔχοντες καὶ πάντα κατέχοντες, & αἱετὶ ἀπερέμμενοι, καὶ ἐκ
ἐξαιρεμένοι.*

18. Porro in sequentibus & similibus vocum
allusionibus. *Γραι Περηνχίαν* seu *παρηχήσιν* esse dicunt. *πὸς
τὸν φόρον, τὸν φόρον, τὴν τὸ τέλος, τὸ τέλος: τὴν τὸν φόρον, τὸν
φόρον τὴν τὴν πμὴν, τὴν πμὴν.* Et in eadem ad Rom. Epistola,
*ἐκ ὅτιν ἡ βασιλεία τοῦ Θεοῦ βρώσις καὶ πόσις, ἀλλὰ δικαιοσύνη καὶ
ἀγάπη.*

19. Anastrophe. 20. Irmos & Schesis.

Addi potest *Αναστροφή*, qua naturalis dictionum
ordo invertitur, ut: mecum, tecum, secum, nobiscū,
vobiscum; quanquam compositè scribi & pronun-
ciari

ciari debere videntur: item quicum, quibuscum, capulo tenus, & similia, præter quæ vix alia, citra poëticam licentiam sunt usui.

Addunt & *Επειὸν* Seriem, cum oratio eodem filo seu tenore ad finem usque clausulæ protenditur, ut: Principio cælum ac terras, camposq; liquentes, Lucentemque globum Lunæ, &c. Similis est, *Σχῆμα τῆς ὁμοιότητος*, cum pluribus substantivis singula adduntur Epitheta, hoc modo: Marfa manus, Peligna cohors, festiva vitûm vis.

Secundus ordo Schematum.

Ecphonefis.	Anacœnosis.
Epiphonema.	Synchorefis.
Erotema.	Dicæologia.
Pyisma.	Apostrophe.
Hypophora.	Elleipsis.
Aporia.	Apopsiopesis.
Paradoxon.	Pleonasmus.
Parrhesia.	Epitheton, &c.

Adduntur Hysteron-proteron, Chronographia, &c.

Secundus ordo earum est figurarum, quæ orationē, non modò jucundam, & venustam, verum etiam (tametsi non augment) acrem & vehementem reddunt, quemadmodum & prius est dictum.

I. Ecphonefis.

Succurrit primùm *Εκφώνησις* vel Exclamatio, cum Erotemate nonnihil commune habens, quæ

ex aliquo affectu vel admirationis, vel gaudii, vel indignationis, vel simili exclamamus, & id quod dicimus, reddimus vehementius, ut: O tempora, ô mores! &c. Heu me miserum! O curas hominum quantum est in rebus inane! Paulus quoque Rom. *ο βαβυλος πλέτε κ' σοφίας κ' γνώσεσθαι τὰ θεῶν, &c.* & iterum, *παλαί πωρὸς ἐγὼ ἄνθρωπος, τίς με ῥύσεται ἐκ τοῦ, &c.*

2. Epiphonema.

Exclamationi affine est *Επιφώνημα*, id est, Acclamatio, qua fini propositæ, sive disputatæ materiæ acclamamus, vel accinimus: quod per tantum, adeo, usque adeo, & similes quantitatis particulas, fieri potissimum consuevit, ut Virgilius: Tantæ molis erat Romanam condere gentem: & Ovid. Tantus dolor urit amantes.

Interdum quoque accinimus rebus propositis, claudendo Epistolas, absq; quantitatis particulas; ut si pater filium ad frugalitatem adhortatus, tandem concludat: Studebis itaque, fili mi, frugalitati, quod nisi rebus in omnibus temperantiâ servaveris, simul vitæ honestatem, morum integritatem, & veram salutem profligaveris. Etiam citra affectationē licet accinere singulis partibus, ut si quis infestus ebrietatem dicat: Cui placet ebrietas, placeat & insania. Sic Paulus Galat. *Οὐκ ἐθέλω τὴν χάριν τοῦ θεοῦ, &c.* Et paulo post: *Τοσούτοι ἐπάθετε εἰκην, &c.* Potest & tertii ordinis judicari.

3. Ero-

3. Erotema. 4. Pyſma.

Sequitur non admodum à prædictis diffidens
Ερώτημα, vel interrogatio, qua figura vehementer
 aliquid interrogando vel affirmamus, vel nega-
 mus, subinde quoque diverſum affectum vel gau-
 dii, vel admirationis, vel iræ, vel indignationis,
 vel alium ſimilem exprimimus, ut: Fuistiſne eo in
 loco? quaſi dicamus, fuiſti. Quis te virulentior?
 quaſi dicamus, nullus. Virgilius: O quam te me-
 morem virgo? & alibi: Quis novus hic noſtris ſuc-
 ceſſit ſedibus hoſpes? Sic Paulus ad Corinth. *τίς
 ἔχεις ὁὐκ ἔλαβε;* & Galat. *Ὡς ἄνθρωποι γάλατα, τίς ὑμῶν
 ἐβάσταξε;* &c.

Si tamen orationem pluribus interrogantibus
 cum acrimonia exaggeramus, *πύσμα* potiùs quàm
ἐρώτημα dici volent, ut ad Cor. *Οὐκ εἰμὶ ἀπίστος;* καὶ
εἰμὶ ἐλεύθερος; & *Ἰησοῦν χριστὸν κύριον ἡμῶν ὥραται;* &c.

5. Hypophora.

Quamvis *ὑποφωρεῖ* ſive ſubjectio ſub tertio or-
 dine videatur ponenda, quòd orationem nomi-
 nil augeat, tamen alios imitatus placuit huic infe-
 rere. Fit autem Hypophora, cùm ipſi noſtræ inter-
 rogationi reſpondemus: eſt enim cognata Erotē-
 mati, ut Paulus ad Agrippam: Crediſ rex Agrip-
 πα Prophetis? Scio quòd crediſ: & ad Rom. *τί δὲ
 ἔρεμεν, σπινθηρίζομεν τῇ ἀμαρτίᾳ ἵνα ἡ χάρις πλεονέσῃ, μὴ γινώσκοιτο,* &c. Sic alibi frequenter. De Antipophora,
 quæ ex hac ſaboriri videtur, in tertio ordine di-
 cemus.

6. Aporia.

6. Aporia.

Figurat præterea orationem & graviolem reddit. *Απειρα*, vel Dubitatio cum nos dubitare seu nescire fingimus quid vel acturi, vel dicturi, vel credituri sumus, ut: Quò me vertam? Ad Philippenses: *Τὶ κερήσεται ὑμεῖς*. Et Corinth. *Τὶ ὑμῖν εἰπω; ἐπιτήδευμα;* &c.

7. Paradoxon.

Cognatum est huic *Παραδοξον*, cum dicimus nos credere non potuisse aut suspicari, quod narraturi sumus; & fieri solet per admirationis, opinionis, aut similitum affectuū verba, ut: Vix potui induci, ut crederem. Paul. Galat. *Θαυμάζω ὅτι ἔτις τοι χάρις μεταίθεσθε*, &c. Solet per verba mirandi frequenter esse usui in Epistolarum exordiis.

8. Parrhesia.

Παρρησία quoque oratoribus est usui, qua veluit nobis temerè auctoritatem arrogantes liberius loquimur, Licentia Latinis dicitur, ut (quod ex Demosthene citat Rutilius:) Sed ego liberam veritatem veritatis apud vos omittam? Non inquam, nec recitabo quod salus communis dicit. Ita Paul. Cor. *Εγὼ δὲ διὰ τῆς πίστεως (ὅτι ἀφ' ἑσθ' ἡ λέξις) παλιν εἰπὼν*, &c. Et ad Galat. *ἀστὶ δὲ χάρις ὑμῶν μέγα ἀληθινὴ*.

9. Anacœnosis.

Ἀνακœνσις est, cum ipsi vel cum adversariis, vel cum iudicibus communicamus. Communicatio siquidem interpretatur, ut: Cedo si vos eo loco

loco fuissetis, quid aliud fecissetis? Et illud, Com-
ci: Tu si hic fies, aliter sentias. Et Paul. λέγετε ἐν
τοῦ νόμου θέλοντες εἶναι, τὸν νόμον, & .

10. Synchorefis.

Accedit ad communicationem, συγχώρησις, Per-
missio, vel concessio: qua totā, aut nonnihil causę
nostrę vel iudici vel adversario iudicare permitti-
mus, ut: Hęc vobis iudices æstimanda relinquo. Sic
Lucas in Actis: Εἰ δίκαιον ὄσιν ἐν ἁπλῶν τῶ Θεῷ ἡμῶν ἀκούει
μᾶλλον ἢ σὺ Θεῷ κρίνατε.

11. Dicæologia, duplex.

Accedit quoque δικοιολογία, sive Expostulatio,
quæ jure nostro allegato, cum homine quolibet
amicè expostulamur, & ostendimus nos præter
æquum nihil admisisse, alium autem aut iniquum,
aut ingratum extitisse, ut apud Esaiam: Quid ultra
debui facere vineę meę, & non feci ei? & reliqua.
Item Jeremias: Quid invenerunt patres vestri in
me iniquitatis, quia elongaverunt a me? & reli-
qua, capite secundo. Sic Paulus Corinthiis: Τί ἔστι
ὃ ἡ πόλις ἡμεῶν τὰς λοιπὰς ἐκκλησίας ἐμὴν ὅτι αὐτὸς ἐξ ὧν ἡμεῖς
τὴν ἐκκλησίαν ὑμῶν.

Volunt præterea δικοιολογίαν (licet alii Αναλογία
appellent) tum dici, cum æquitatem seu justitiam
dam pro defensione nostra, aut necessitatem seu
quamlibet aliam occasionem pro excusatione no-
stra causamur, ut? Lapsus sum, sed adolescens, &
inter tales necessario versatus, inter quos non po-
tui non corrumpi. Sic ad Cor. Τέροντα ἀφρονέω καὶ
μετρίως

παρὸς ἡμῶς με ἡναγνώσκει &c. Valet in generis Judicialis Statu Juridicali absoluto & assumptivo: magisque locus argumentandi videtur, seu argumentandi ratio, ad tertium ordinem secundum hanc postremum usum relegando.

12. Apostrophe.

Ἀποστροφήν sive Aversionem dicunt, cum averſi à priori orationis structura, ut plurimum sub tertia persona, ad aliquem seu aliquos inopinatò per secundam personam convertimur, ut illud Nasonis:

Maclatur vacca Minervæ,

Alipedi vitulus, Taurus tibi summe Deorum.

Nonnunquam etiam ad aliud non mutata persona, per ἀποφωτιστήν & ἀποστροφικοῦ convertimur, ut:

Oleges Porciæ. Sic ad Philippenses: Σωπύχην περὶ τοῦ αὐτοῦ φερρεῖν ἐν Κυρίῳ, καὶ ἐρωτᾷ καὶ σε συζήσεις, &c.

13. Elleipsis, & 14. Aposiopesis.

Ἐλλειψις, quam etiam nonnulli ἑκλειψιν vocant, & ἀποσιώπῃς, figuræ sibi cognatæ sunt. Nam prior est, cum citra affectum verbum deest orationi absolvendæ, aut per sermonis interruptionem, ut sæpe numero in Comædiis: aut studio propter facilem ejus intellectum, ut: Italiam fato profugus, Lavinaque venit littora: & Galat. Μόνον μὰ τῷ ἐλευθερίᾳ εἰς ἀσπίδα τῇ σερκί

Posterior, quam Reticentiam interpretatur Cicero, reticet aut suspendit verbum propter affectum aliquem, nempe: gaudii, admirationis, timoris,

ris, iræ, indignationis, aut similem alium non expressum, ut similiter illud Maronis: Quos ego, sed motos præstat componere fluctus.

15. Pleonasmus.

Huic ferè contraria videtur figura *ἡ ἐκ περισσεύου*, dum Emphasis gratia orationi verbum adjicitur, quod alioqui superfluum videretur, ut: Quæ (malum) est illa voluntaria servitùs?

16. Epitheton.

Ἐπίθετον vocant, quoties præcipuè proprio aliquid adjicitur: quod ei propriè convenit, ut: At pius Aeneas per noctem plurima volvens: sic, fixus Hector. At: aurum fulvum, liquidus aër, gelidus fons, & id genus infinita Poëtarum epitheta, extra carmen citra Emphasin, rarò sunt usui. Sunt autem in Epistolis congrua magistratuum præcipuè epitheta eo modo observanda, quo supra dictum est.

Addunt *ὑπερβαίνειν*, cum id quod naturâ posterius est, prius dicimus, ut: Et torrere parant flammis, & frangere saxo. Addunt *χρονολογίαν*, qua tempus describimus: *τοπικὴν*, qua locum describimus: *τοπικὴν*, qua locum fingimus. Item: Imprecationem, qua alicui bonum vel malum imprecamur: Obtestationem, qua per rem cheram aut sacram aliquid petimus: Devotionem, qua nos vel periculo, vel morti devovemus: Comminationem, Exhortationem, Votum, & id genus alias phrasas, quas si singulatim explicare velimus,

mus, & figuris adnumerare, nullus foret scribendi finis. Caterum hujusmodi tam familiares & planæ sunt, ut nullus non facile eas obvias agnoscat. Ad alias transeamus.

Tertius ordo Schematum.

Auxesis & Meiosis.	Congeries.
Peristasis.	Incrementum.
Hypotyposis.	Climax.
Pathopœja.	Comparatio.
Ratiocinatio.	Contentio.
Synonymia.	Antimetabole.
Expolitio.	Correctio.
Hyperbole.	Parenthesis.
Periphrasis.	Transitio.
Partitio.	Apodioxis.
Divisio.	Aetiologia.
Epanodos.	Horismos.
Antipophora.	Homœosis cum suis speciebus.
Præteritio.	Gnome &
Occupatio.	Noëma.

Tertium diximus ordinem earum figurarum, quæ vel orationem augent, vel causam amplificanti. Statui autem priori loco ponere eas, per quas potissimum res amplificari solent quinque aut sex modis, deinde reliquis prosequitur, quæ non tam ampliorem reddere causam, quam orationem augere videbantur. Hoc interim advertere volumus

mus puerum studiosum, quòd ferè res eisdem modis diminui, quibus augeri potest.

1. Auxesis per singula verba, & Meiosis.

Primam amplificandi rationem per *Αὐξήσις* fieri volunt, qua verbis utimur, quæ rerum magnitudinem superare videntur. Hæc per tropos dictionum frequentius fieri consuevit, ut cum pro errato, scelus: pro convitari, debacchari ponimus: & latrocinatum dicimus, qui vulneravit.

Diminuimus contra singulis verbis per *Μείωσις* seu per *ταπείνωσις*, ut si pro scelere erratum ponamus: aut strinxisse quempiam, qui vulneravit: probè potum, qui inebriatus est.

2. Peristasis.

Secunda amplificandi ratio fit per Circumstantias, quas Græci *Περὶστάσεις* dicunt, quibus non tantum oratio locupletari, sed etiam res ipsa amplificari commodissimè potest, si convenienter applicentur. Sunt autem Circumstantiæ tum personarum, tum rerum, de quibus in genere Judiciali pauca attigimus, copiosius autem in Dialecticis libro quinto, ut: Non puduit illum ludere tessera cum scurris in popina publica, die festo, sacerdotem, pastorem, theologum, monachum, lucri gratia, dolo, perjurio, &c. Sic Hebr. *Αδυνατον γὰρ τοῦ ἀπαξ φωνοῦσθαι τὰς*, &c. Suppullulat ex circumstantiis Hypotyposis, Syllogismus, Pathopœja, & aliæ nonnullæ, ut patebit.

3. Hypotyposis.

Fit ὑποτύπωσις five subfiguratio, cū circumstantias tam diligenter persequimur, ut coram res non dici sed agi videatur: aut tanquam in tabula quadam oculis objecta sit, ut apud Ovid.

Dēque sinu matris ridentem, & parva Learchum
Brachia tendentem rapit, & bis terque per auras
More rotat fundæ, rigidōque infantia saxo
Discutit ora ferox.

Sexcenta hujusmodi invenias apud eundem & alios, maximè apud Virgilium in posterioribus Eneidos, & apud Tragicos. Paulus quoque Galatis dementiam eorum improprians, ad hanc figuram spectare videtur, cū dicit: Οἷς καὶ ὀφθαλμοῖς ἰσχυρὸς Κεῖς ὁς περὶ χεῖρας ἐν ὑμῖν ἐστὶν ἐστυμένον, &c. Sic Joh. 8. καὶ χλίνας τὴν κεφαλὴν παρέθηκε τὸ πνεῦμα.

4. Pathopœja.

Accedit ad hanc παθωπεία seu πάθος, cū ex circumstantiis tum personarum, tum rerum, affectus petuntur, quibus auditorum animos movere studemus, tum in epistolis, tum in orationibus, maximè in Epilogo seu peroratione, ut: Succurrat illa tibi parentum tuorum lachrymæ, etiam inter epulas, cū ultimum tibi valedicerent, non sine multo cognatorum gemitu & parvulorum fratrum & sororum tuarum deprecationibus, qui & corporis & animæ tuæ unā periculum formidabant. Ovid. ut suprà, Rigidōque infantia saxa Ora, &c.

Galat. *τεκνία μου, οὗς πάλιν ἀδίνω, ὡς χεῖς ὁ μορφόθῃ χεῖρας
ὁμῶν, &c.*

5. Syllogismus.

Tertia amplificandi ratio fit per Συλλογισμόν hoc est, ratiocinationem, cum vel ex antecedentibus vel concomitantibus, vel sequentibus à nobis suggestis, auditor colligit quantum sit quod amplificatum volumus: ut si exempli causa dicamus: quod ad genus humanum, per peccatum captivum à Sathana tyrannide liberandum, Deoque vindicandum, filius Dei factus homo, crucis supplicium & mortem pertulit, pro diverso respectu vel ex antecedentibus vel ex sequentibus. Nam ex eo colligimus, quàm horrenda res & detestanda peccatum sit vel priorum vel posteriorum, propter quod Dei filius, & cætera. Sic ex concomitantibus, Evangelica peccatrix invocata, superborum Phariseorum in convivium irrupit, illisque spectantibus & indignantibus dominicos pedes unxit, lachrymisque rigatos capillis suis exterferit: hunc æstimandum colligimus, quanta illius poenitentia, quantus amor, &c. Rom. *ἀπὸ τοῦ ὅτι μετάνειμα, καὶ ἀδελφεῖς ὁ δυνὴ τῇ καρδίᾳ μου εὐχόμενος: γὰρ αὐτὸς ἐστὶν ἀνάστημα ἐκ τοῦ νεκροῦ, ὡς καὶ ἡμεῖς, ὡς καὶ ἡμεῖς ἀδελφεοὶ μου, &c.* Et ad Corinth. indicavit Paulus: *ὡς καὶ ὁ καὶ τὸν πατέρα (nempe incestum hominem) τὸν Σατανᾶ εἰς ὁλοκλήρωσιν τοῦ σώματος, &c.* Meminerit puer eadem quoque ratione diminutionem per hanc figuram fieri posse, qua Amplificationem docuimus, cum eodem orationis

tionis augmento: ut Paulus ad Romanos: *Τίνα ἐν, καρπὸν εἰ ἔχῃς ἵνα, ἵνα δὲ οὐκ ἐπαισχύνῃ.*

6,7. Synonymia & Expolitio.

Quarta amplificandi ratio fit per interpretationem, aut (ut Græci dicunt) per *Συναγυμίαν*. Quintilianus Congeriem vocat, cum multas voces ferme synonymas, hoc est, communis aut similis significationis congerimus, sic ut alia aliam interpretari videatur; id quod etiam in æquivalentibus pluribus clausulis fieri potest. Porro in utroque modo studendum: ut in posterioribus tum vocibus, tum clausulis, major sit Emphasis, ut: Audimus (proh dolor) passim ab hostibus non modò viros & mulieres, verumetiam parvulos & infantes crudelissime interfici, trucidari & mactari. Item: Nisi regnum Dei vim pateretur, & arcta foret via quæ ducit ad vitam, nec tantis se laboribus attererent, nec tot se curis & vigiliis angerent, nec toties etiam se vitæ discrimini exponerent. Sic Corinth. *Εἰ δὲ ἀσθενῆα, καὶ ἐν φοβῶ, καὶ ἐν τρεμῶ πολλῶ ἐγνώμην περὶ ὑμῶν.* Hæc figura vides puer præter augmentum quod adfert orationi, etiam causam amplificari, dum novatis verbis aliquoties idem repetentes, mentibus auditorum cum decore inculcamus, quod amplius volumus apparere.

Expolitio quoque per hanc fieri solet, cum eadem sententia secundum Synonymam, hoc ferè modo variatur; Pater malus & osor liberorum, nunquam fieri potest utilis reipublicæ administrator:

neque is qui amicissima & maximè domestica corpora non amat, unquam vos pluris faciet, quam alienos: neque privatim malus, unquam publice fieri potest utilis; neque qui domi est pravus, unquam in Macedonia ad legationem probus erit & bonus. Non enim conversationem & mores, sed locum mutavit.

8. Congeries. Quinta amplificandi ratio.

Cognata Synonymia videtur *Ῥωμαιοὶ* sive Congeries, qua ejusdem naturæ res diversæ concervantur. Locum habet præcipuum, cum perstringere nitimur adversarium, hoc modo. Oculos, vultum, manus, ventrem, totum denique corpus inspicere. Scitè Paul. ad Rom. *Παραθεωρήσας πᾶσι ἀδελφία, πρηνεία πορνεία, πλεονεξία, κακία, μετ' ὧς φθόνος, δόλος,* &c. cum jucunda allusione.

9. Incrementum, & 10. Climax.

Sexta amplificandi ratio Incremento fit, Græcè nonnullis *Ἀύξη* dicitur, præcedentibus affinis, cum videlicet aut vocibus, aut clausulis significatione crescentibus, veluti per gradus quosdam perveniuntur ad summum, vel etiam ultra summum, ut: Sanciavit, occidit, extinxit. Item Cicero: Facinus est vincere civem Romanum: scelus verberare: parricidium necare: quid dicam in crucem tollere? In hujusmodi præter locupletationem manifesta est amplificatio.

Non dissimilis est *κλίμαξ* sive Gradatio, venustè locupletans figura (modò nimis affectata non sit).

fit) & amplificans, tametsi complures eam inter Schemata λέξεως numerare consueverunt. Fit autem, cum per plura commata etiam gradatim procedendo sic componitur oratio, ut præcedentis clausula finale verbum principium sequentis fiat, in hunc modum apud Ciceronem: Quæ reliqua spes est libertatis si illis & quod libet licet, & quod licet possunt, & quod possunt, audent? Sic D. Petrus in Epist. 2. Adjicite fidei vestræ virtutem, virtuti verò scientiam, scientiæ verò temperantiam, temperantiæ, &c. Jucundissimè & Paulus ad Romanos: Θλίψις ὑπομονὴν κατεργάζεται, ἡ δὲ ὑπομονὴ δοξασμὸν, ἡ δὲ δοξασμὸς ἐλπίδα, ἡ δὲ ἐλπίς ἡ καταιγυρῆς. Item. Οὐκ ἐγγίω, καὶ περὶ αἰσῶν, ὡς δὲ περὶ αἰσῶν, &c.

11. Comparatio, & 12. Contentio.

Septima ratio per Comparisonem, quam alii Συγκρίσιν, alii, ὁμοιοπαρομοίαν vocant, cum vel similia inter se vel dissimilia a minore ad majus amplificando, aut à majore ad minus diminuendo comparantur, ut: si furem qui propter inopiam privati cujuspiam hominis divitis non admodum magnam pecuniæ summam clam sustulit, laqueo necamus; qua pœna prædo notorius, expilator tyrannus publici, pestis patriæ, post rapinas, post incendia, post agrorum depopulationes, post urbium everfiones, post omnem tum suæ, tum vicinarum regionum desolationem multandus est? Item: 'Si furū, quo fortassis unus duntaxat homo læsus facile

cile restitui potest, puniendum judicamus: quam detestanda detractatio judicabitur, qua non unus, sed plurimum frequenter & à pluribus irrecuperabilis plerunque fama leditur? & id genus alia sexcenta, in quibus res minoribus collatas ampliores ostendimus. Nam ut dictum est, talis comparandi ratio Amplificationi potissimum deservit.

Sic Paulus Corinthiis: *Αὐτὸς ὁ Σατανᾶς μετασχηματίζεται εἰς ἄγγελον φωτός, ὁ μέγα ἐστίν, καὶ οἱ δὲ δούλοὶ αὐτοῦ μετασχηματίζονται, ὥστε δούλοισι δὲ διακονοῦναι τὰ λοιπὰ.* &c.

Simili ratione amplificandi multis aliis in locis utitur Apostolus. Huc nonnulli torquent parabolas rerum natura dissimilium, & fabulas poëticis: de quibus postea.

Contentio, quam Græci *Αντιθεσις* vocant, familiaris quoque est locupletandi, sic etiam amplificandi ratio, cognata priori. Nam quemadmodum in superiori extendimus amplificando orationem rerum naturâ similium comparatione, ita per hanc res naturâ dissimiles, imò contrarias comparamus & earum collatione alteram altera ampliores ostendimus. Fit autem aut singulis verbis, aut integris orationibus, ut: Servavi, non extinxi. Et eleganter Paulus ad Romanos: *Εἰ καὶ περιζήτηται μέλειται ἀποθνήσκειν, εἰ δὲ πνεύματι περὶ τοῦ σώματος θάνατον, ζήσθε.* Et scitè ad Corinthios: *τὸ ὃ περιττὸν ἐλαφὸν τῆς θλίψεως ἡμῶν, καθ' ὅσον καὶ ἀιώνιον βαρὺ δόξης κατεργάζεται ἡμῖν.* Sic tamè disertè in pluribus locis. Hæc omnibus aptè & copiose

copiose dicendi studiosis debent esse commenda-
tissima.

13. Antimetabole.

Videtur nonnihil accedere ad precedentem *Αντιμεταβολή*, quam commutationem volunt, qua in-
vertimus aliam sententiam per contrarium, ut: Esse
oportet ut vivas: non vivere, ut edas. Ad Romanos:
Μὴ κτενέτε τὸν θεὸν ὅτι ἡγνέ, ἀλλὰ νίκα ἐν τῷ ἀγαθῷ τὸ κακόν.
Sunt qui hanc Inversionem dicunt.

14. Correctio.

Correctionem vocant alii *Επανόρθωσις* alii *διόρθωσις*,
cum videlicet id, quod quasi lapsabundi dixi-
mus, aliud supponentes rectius seu magis idoneum,
corrigimus, ut: Homo ille, bestiam potius dixeris,
qui temulentia & libidine sua omnia conspurca-
vit. Cicero: Quas ille leges, si modò leges nomi-
nandæ sunt, ac non faces potius urbis & pestes rei-
publicæ. Sunt qui *μετασίαν*, sunt qui *φορετικὴν* vo-
cant.

15. Hyperbole.

Speciem tropi nonnulli faciunt *ὑπερβολήν*, quod
excessum significat; nos inter schemata ponere ma-
limus, quod voces in ea propriam significationem
non mutant. Si cui secus visum fuerit, suum sequa-
tur iudicium. Fit autem Hyperbole, cum id quod
dicimus, fidem excedit. Usus ejus est in rebus qua
modū excedunt, ut si dicamus amplificando: aequi-
la velociores: aut minuendo, testudine tardior.
Sic Paulus ad Colossenses, ubi dicit de Evangelio:
πυγρὸν

παρὲν ἡ εἰς ὑμᾶς, καθὼς καὶ ἐν παντὶ τῷ κόσμῳ.

16. Periphrasis.

Familiaris quoque scriptoribus est Περιφρασις. hoc est, circumlocutio, cum unū verbum pluribus circūloquendo explicamus, ornatus aut honestatis gratia, & utroq; modo oratio venustè augetur. Fit subinde Notatione, vel circumstantiali, loci, temporis & aliarum usu, ut: Tempus erat quo prima quies mortalibus ægris, Incipit, &c. pro prima noctis vigilia. Interdum Ετυμολογία, ut: reddere urinam, pro meiere: exonerare alvum, pro cacare: amator sapiētiae, pro philosopho. Interdum δεισιμασία, hoc est, finitione, ut si bonum & à Deo inspiratum affectum, pro virtute ponamus: Et Christum cum Paulo ad Corinth. Θεὸς Πνεύματι, καὶ Θεὸς σοφίᾳ, dicamus.

17. Partitio, seu Distributio, & 18. Divisio.

Μερισμὸς Partitionem seu Distributionem sonat; cum totum in partes secamus, ut: Totus monstrum est, oculi fœdi, os barbarum, humeri inæquales, pedes gibbosum, &c. Corinth. Ἐν ᾧ ὡς ἡ διδοται φανέρωσις τῆς πνευματικῆς πρὸς τὸ σύμφορον: ὡς μὲν γὰρ διὰ τῆς πνευματικῆς διδοται λόγος σοφίας, ἀλλὰ ὡς ἡ λόγος γνώσεως, & reliqui.

Affinis admodum est huic (nisi eandem dicere velis) divisio illa, quam διάλυσιν vocant, qua simpliciter diversa proponimus, sine aliquo toto, seu communi præmisso, ut: Vel avaritia ad furtum impulit, vel inopia: deinde causa subjungatur utriusque

triusque partis : non avaritia, à qua semper fuisse alienum declarat vitæ ratio : non inopia, quòd largè suppetant ei facultates. Paulus Cor. *Ναὺ χεῖρας, οὐκ ἐπὶ ἐλπίδι καὶ ἐν πτωχείᾳ. ὅτι ἐλπίδι καὶ ἐν πτωχείᾳ, &c.* Quibus resolvit duplicem tristitiam, alteram salutarem, alteram mortiferam. Et in Jacob. Epistola : *Οὐκ ἐστὶν αὐτῇ ἡ σοφία ἀνθρώπων καταρχή, ἀλλὰ ἐπ' αἰῶνος, &c.* quæ sequuntur adjecta causa.

19. Epanodos.

Epanodos, Regressio (quæ & quibusdam *πρόληψις* dicitur, quòd sine Prolepsī, de qua dictum est in primo ordine, fieri non queat) tum fit, cū toto præsumpto, diversitatem quandam in partibus ad verbum totius regressi significamus, ut: Vicere Romani, alios pugna navali, alios campestri: Paulus Corint. *Χεῖρ δωδία ἐσμέν τῷ Θεῷ ἐν πῖς περιουμένοις καὶ ἐν τοῖς ἀπολλυμένοις: οἱς μὲν ὁσμή θανάτου εἰς αἰῶνα. οἱς δὲ ὁσμή ζωῆς εἰς ζωὴν.*

20. Anthypophor2.

Anthypophor2 quam subjectionem vel objectionem interpretantur : tum fit cum aliquid nobis propositum vel objectum concedimus : sed aliud subijcimus, quo talem objectionem nobis tolerabilem ostendimus, ut: Fateor id quidem laboriosum esse, verum admodum utile, imò necessarium fore probabo. Sic Paul. ad Philipenses : *Συνέχομαι γὰρ ἐκ τοῦ νοῦ, πῶς ἐπιθυμῶ εἶναι εἰς τὸ ἀναλύσθαι, καὶ πῶς Χεῖρ ὡς πολλὰ μάλλον κρείσσον: τὸ δὲ ἐπιμένειν ἐν τῇ σαρκὶ ἀναγκαῖόν ἐστιν ὑμῶν.*

21. Pra-

21. Præteritio.

Παράλειψις est, cum simulamus nos velle præterire, quod tamen maxime dicimus: ut, ne dicam interim (vel) ut taceam (vel) quid attinet commemorare, etiam vulgò prodita tua futura, tua scripta, tua flagitia? Sic ad Philemonem: *Ἰνὰ μὴ ἀποσπῇ, ὅτι καὶ σεαυτὸν καὶ τοὺς σφετέρους*

22. Occupatio.

Προκαταληψις, quàm alii Præsumptionem, alii Occupationem dicunt, figura est non modo oratoribus, verùm omnibus etiam scriptoribus necessaria, quia id quod nobis objici possit, aut lectoris animum tenet suspensum, priusquàm objiciatur, occupamus: aut tacite occurrimus quæ stromi ut per Parenthesin apud Nasonem: Occupat hunc (vires insania fecerat) Ino, cum prius de scopulo accessu difficillimo locutus esset. Sic Paulus ad Romanos, cum gentes & Judæos æqualiter peccato obnoxios declarasset; *Τί δὲ λέγω ἡμεῖς Ἰουδαῖοι;* & reliqua ejusdem capituli. Per hanc quoque nonnunquam mitigamus, quæ libenter diximus, ut ad Galatas: Miror quòd tam cito transferimini ab eo qui vocavit vos per gratiam Christi, in aliud Evangelium, quod non est aliud, nisi quidam sunt turbantes vos, &c. Nemineris puer, si hanc subinde à Grammaticis *προκαταληψὶς* dici deprehendas, qui (nunquam re ipsa conveniunt) in nulla re minus, quàm in figurarum appellatione dissident.

23. Parenthesis.

Quia de ea interpositione (quam Παρίθεσις communiter dicimus, alii etiam διάλυσις. hoc est Dissolutionem nominant) jam facta est mentio, licet ea vulgarior sit, quàm ut multis tractetur, sic eam describimus: Parenthesis est figura, qua diversa ratione aliquid sententiae, quo dissolvi videtur, interponimus vel includimus. Virgilius:

Aeneas (neque enim patriam consistere mentem, passus amor) rapidū ad naves praemittit Achatem. Ad Romanos ἡ ἀγνοίη τε ἀδελφοί (γινώσκοντες γὰρ τοὺς νόμους) ὅτι νόμος κυριεύει τῶ ἀνθρώπου ἐφ' ὅσον χρεῖον ζῇ.

24. Transitio.

Μεταβάσις quoque familiaris est, & praecipuè epistolis Indicativis compositis scribendis, qua paucis monemus unde dixerimus, & unde cōtinuò dicturū simus, ut: Haec tibi Amersfordianam obsidionem, & clamorem, & cladem paucis perstrinxi, nunc tibi Durenianā & expugnationem & stragem depingam. Item: Audivisti quàm sit honestum literarum studium, nunc quàm utile pariter ac jucundum sit audies.

25. Apodioxis.

Ἀποδιόξις, quam Rejectionem interpretantur, familiaris est oratoribus, qua nimirum elidunt tanquam dilutione, indignum aliquid ab adversario objectum, ut si dicamus: De hac re quid attinet dicere, cū ad causam non multū faciat? Et Hieronymus cū perjurii argueretur ab adversario,

versario, propter datum in visione nocturna iurandum & non præstitum; somnia mea (inquit) mihi refert: & ad Romanos: καθὼς φασὶ πρὸς ἡμᾶς λυγρὴν ὅτι ποιήσωμεν ταῦτα κακὰ, ἵνα ἔλθῃ τὰ ἀγαθὰ, ὧν τὸ κρῖμα ἀνδρῶν ὄσιν.

26. *Ætiologia.* 27. *Horismos.*

Ἀπολογία (Causam dicunt) adeo vulgaris est, ut nusquam apud doctos scriptores non occurrat; cum videlicet propositioni alicui causam subijcimus: & præcipuam vim habet cum venustate sermonis, cum ἐνθύμημα rhetoricum in se complectitur, ut si dicamus: Hic citra controversiam doctus evadet, quod felici ingenio præditus perpetuo versetur in literis: διαλεκτικῶς autem sic: Hic perpetuo versatur in literis, doctus igitur evadet. Videatur Dialectica nostra de Enthymemate. Sic Paulus ad Romanos: κρίνημα τὸ σκεπὸς ἔχον εἰς θεῶν, τὸ γὰρ νόμον τοῦ Θεοῦ, ἔχον ὑποτάσσεται. Sic, Beati pauperes spiritu, quoniam ipsorum, &c.

Huc quoque referri potest Ορισμός, id est, Finitio, cum non simpliciter, sed cum definitione tanquam certissima rei causa aliquid dicimus, ut: Nō est ista fortitudo, sed temeritas, quod fortitudo cū ratione honesta contemptus sit periculi. Sic Paulus Romanis Magistratum timendum præcipiens, inquit Θεὸς γὰρ διάκονος ὄσιν, ἐκδικῶν εἰς ὀργὴν πρὸς τὸ κακὸν ὡς συνέλθῃ, & reliqua cum superioribus.

28. *Homœosis* cum speciebus.

Similitudo, quam Græci Ομοίωσις, dicunt, quaq;
rem

rem minus notam per alterius magis notæ similitudinem explicamus, & nonnihil ad amplificationem eius facit, tres habet species.

Eicon.

Prima est imago vel *Εἰκὼν*, qua vel à nominis, vel ab animantis forma similitudinem ducimus, ut : Adversarius vester diabolus tanquam leo rugiens circuit, &c. Sic : Os humerosque deo similis. Sic : *ὡς τὸ πρῶτον τῷ Ἀπεστόλῳ. Lu. ὡς πρόβατον ὁπίσθην ἔχον, καὶ ὡς αἰγὸς ἐρατὴν σὲ κείροντος αὐτὸν ἀφαιρῶντος, ὕψους ἐκείνου τὸ σῶμα αὐτοῦ.* Volunt & hîc imaginē esse ; frons, supercilia, oculi, nares, labra, barba, & totius corporis habitus, nil præter crudelitatem præ se ferunt. Alij Hypotyposin vocant.

Parabola.

Secunda est *παραβολή* hoc est, Collatio, qua res diversi generis seu naturæ inter se comparantur, ut ostendatur aliquid vel appetendum, vel fugiendum, quales multæ sunt in Evangelio & alibi, ut : Sicut aqua extinguit ignē, ita eleemosyna extinguit peccatum. Sumuntur autem ab ijs quæ fieri solent, aut fieri possunt. Sic Corinth. *Καθὰπερ τὸ σῶμα ἐν ὅτι, καὶ ὡς ἔχει πολλά &c.* Huc quoque spectant Comitæ, Tragicæ, & aliæ poëtarum fabulæ. Item Apologi, & id genus aliæ.

Paradeigma.

Tertia est *Παράδειγμα* five exemplum, quo ex historijs seu rebus gestis docemus aliquid vel imitandum vel fugiendum : ut cum ex Davidis adulterio,

erio, dum cessaret ab exercitio bellico, otium vitandum suademus. Sic Paul ad Cor. *Μη δὲ πνεύματα καὶ πρὸς αὐτῶν ἐπὶ πνεύματι καὶ ἐπὶ σοφίᾳ ἐκείνῃς χηλεύετε.* Videantur de hoc Schemate etiam ea quæ in Dialecticis nostris libro 4. de Paradeigmate præscripta sunt. Certè non est aliud Schema quod locupletiores reddat orationē, & auditoribus etiam gratiorem, quàm *παρεβολή, ἢ παρὰ δειγµα, modò* opportunè adhibeantur.

29. Gnome, & 30. Noëma.

Gnome vel *γνώμη* sententia est ad mores pertinet, & per *ἐπιτολογίαν*, ut plurimum propositioni adijcitur, ut : Obsequium amicos, veritas odium parit. Omnis qui se exultat humiliabitur : & qui se humiliat, exaltabitur. Sic ad Corinth. cum dixisset Paulus : Qui gloriatur, in Domino gloriatur, mox adiecit sententiam gnomicam : *Οὐ γὰρ ὁ ἑαυτὸν συνίστη, ἐκείνῃ ἐστι δοκιμῆς, ἀλλ' ὃν ὁ κρείττονς κρίνηται.* Ad hanc quoque accidere videtur Epiphonema, de quo in secundo ordine diximus.

Accedit quoque Noëma seu *Νόημα*, quod est intellectus aut consideratio. Est autem dictum per adagium ut plurimum obscuratum, quod consideratione investigari solet audientis ; eo siquidem rectè significamus, quod auditor per se divinet. Nam per ipsum, quod aperte non dicimus, intelligi volumus. Hac de causa à pluribus inter tropos recenseri solet. Hieron. Puella nobilis pari cogebatur, quod nulla ancilla pateretur. Item dicam

dicam: Quod scis, nescias potius, quàm prodendo in te crabrones excites.

Sunt & alia quæ citari solent, ut, *Μετὰ τὰς αἰσῶν, παρὰ δὲ ἀσπλῆ, παρὰ μολογία Οὐκιστοπία*, &c. quas, qui curiosus est, ex alijs peter.

Hæc vobis studiosi adolescentes, quantum per ægritudinem & inter gladios licuit, exaravi, & proximis rhetoricorum præceptorum rudimentis ad scribendas Epistolas sufficere arbitratus sum. Porro de Pronunciatione, quæ est in vocis figura pro diverso affectu, & in corporis motu, item de Memoria, quæ partim naturalis, partim artificialis est, prorsus nihil scribere tentabo, tum quòd ad rem Epistolicam non conducant, tum quòd ad absolutum Rhetorices artificium duntaxat pertinere videantur. Qui hujusmodi voler, ex Cicerone & Quintiliano requiret.

FINIS ARTIS
Epistolica.

APPENDIX DE VENUSTA
*partium orationis compositione sive
structura.*

CUM plurimos videam adolescentulorum, qui tanto se doctius tum Epistolam, tum aliam rem quamlibet scribere putent, quanto partes orationis, hoc est, voces ipsas Gramma-

cas in contextu confusius transponant, aliosque non nisi cum Grammaticorum præceptis humi repere (ne serpere dicam) non parùm doleam; operæ precium facturus mihi videor, si his lucubrationculis nostris, de venusta Nominum, Verborum & aliarum orationis partium structura, paucula præcepta adiiciam; ut & inertes hi ad mediocrem quandam orationis elegantiam styllum attollere, & illi confusaneam vocum disjectionem in planiorem, adeoque plausibiliorem ordinem redigere discant. Inter quæ tamen id potissimum observent, ut eandem sententiam varijs modis exprimere possint. Ut verbi gratia, quod simpliciter dicitur: Amo te multum, sic elegantius variare noverint: Mirificè te amo, summoperè te diligo, unicè te colo, amore summo te prosequor, te miro complector amore; & simili varietate, quam singulari artificio Erasmi Copiæ libro priori suppeditabunt. Cum igitur Grammaticus & Rhetor contrario ferè situ & ordine partium orationis structura utuntur, venustæ dictionis studiosi observent hæc quinque præcepta sequentia.

*Primum præceptum de supposito,
verbo, & obliquo.*

Absoluta ratio plerunque ex supposito, verbo, & obliquo (quod appositum verbi nonnulli dicunt) constituitur. In quibus ut plurimum orator venustè hunc ordinem servare consuevit,

ut videlicet obliquus in principio, suppositum in medio, & verbum in fine ponatur. Nam Grammaticus hoc ordine dicit : Cæsar occupavit civitatem munitissimam hostium, Orator fermè hoc ordine disponit : Munitissimam hostium civitatem occupavit. Si tamen obliquus sit nominis negativi, eleganter in calce ponitur, ut : Cæsare fortunatior rem legimus neminem.

*Secundum præceptum, de Adjectivo
& Substantivo.*

Inter adjectivum & substantivum genitivus à substantivo rectus venustè locatur, & inter adjectivum & substantivum genitivi casus, dictio regens eleganter inseritur, ut : Terrorem hostibus magna Cæsaris severitas incussit. Item alius casus, Magnum hostibus terrorem incussit. Sic quoque altero modo : Cæsareæ clementia majestatis pacem & tranquillitatem provinciis dedit. Grammaticus diceret : Magna severitas Cæsaris incussit terrorem hostibus, aut clementia Cæsareæ majestatis dedit pacem, &c. In alijs dictionem regentem dictio recta præcedet, ut : Cæsaris fortitudo victoria potitur.

Tertium præceptum.

Præterea, inter adjectivum, quod venustè præcedit, & substantivum quod sequi debet, nunc verbum Orator, nunc adverbium, nunc conjunctionem, nunc præpositionem solam, aut cum suo casu

ponere solet, ut : Magnum profectò laborem Caesar assumpsit, quem ferme ab ijs ad nos venisse Gadibus aiunt, ut hostes suæ quidem majestati rebelles, nostris autem supra modum rebus infestos armis subigerit. Quam ob causam perpetuum illi amorem & gratiam debemus immortalem.

Quartum Præceptum, de Adverbijs & Præpositionibus.

ADverbia, Præpositionesq; cum suo casu, ubi vis locorum aptius pro aurium judicio congruere videbuntur, ordinari possunt, venustius tamen ante verbum seu participium quod determinant, ut : Debitam pro contemptu suis hostibus diuque dilatam severitatem Caesar tandem exhibuit, sed clementissime mitigavit.

Quintum præceptum, de Tum geminato.

UNI substantivo duo Epitheta, & uni Epitheto duo substantiva pulchrè subjunguntur per Tum, vel Et geminatum, hoc pacto : Caesar tum fortis, tum prudens, immensis & laboribus & impendijs, Christianam rempublicam tum strenue defendit, tum prudenter gubernavit. In quo exemplo vides etiam æqualis momenti clausulas per Tum, vel Et, copulari. Porrò, si clausulæ dispares sint, hoc est, si quod per unam significatur majus sive majoris momenti sit, & quod per alteram minoris, minor præcedere debet cum particula

cula Cùm, & major sequi cum particula Tum, hoc modo : Cùm omnes citra controversiam terrarum principes nobis honorandi sint : Cæsarem tamen invictissimum Carolum Quintum suscipere, prædicare, & præcipuo quodam cultu venerari debemus, cùm propterea iam in rebus Imperij dispensandis prudentiam, tum propter singularem ejus in Deum pietatem & religionem.

Hæc ita tibi tradita sunt præcepta puer, ut in tyrocinij tui principio tantisper eis assuescas, donec ex doctissimorum observatione potiora apprehendas. Nec putes etiam tibi semper eadem mordicè tenenda, sed interim etiam ijs neglectis, secundùm ea quæ apud optimos authores legeris cum judicio proprias aures consules.

* *

FINIS.

Christo Jesu gloria sempiterna.

EPITOME PRÆ-
CEPTIONVM DE PA-
RANDA COPIA VERBO-
rum & rerum, per questiones
breviter & loculenter tra-
dita in uium studiosorum.



Quid est Copia?

EST facultas quædam, unam ean-
demque rem, cùm aliis atque
alijs verbis efferendi, tum verò
argumentorum & figurarum va-
rietate augendi & locupletandi.

Quotuplex est Copia?

Duplex, Verborum & Rerum.

Quid est Copia Verborum?

Facultas, qua una eademq; sententia varijs modis
efferri potest.

Quid est Copia Rerum?

Est facultas, qua brevis quædam sententia dilata-
tur, & uberius atque fufius explicatur.

Quibus in rebus confistit verborum Copia?

In Synonymia, Heterosi, Metaphora, reliquisque
hoc genus variandi rationibus.

Quibus in rebus confistit Rerum Copia?

In congerendis, dilatandis, amplificandis argu-
mentis, similibus, contrarijs, atque alijs hoc genus
modis,

Quid

*Quid interest inter Verborum &
Rerum copiam?*

Per Copiam Verborum oratio sola variatur, eadem wanente sententia, nec augetur corpus orationis vel argumentum; Per copiam Rerum variatur & augetur argumentum vel materia orationis.

Ad quid conducit Copiæ exercitatio?

Primò ad vitandam ejusdem verbi aut sermonis iterationem. Secundò ad distinguendam varietate quadam orationem. Tertiò ad subitam ex tempore dicendi scribendiq; facultatem. Quartò ad enarrandos authores, ad vertendos ex alieno sermone, ad scribendum denique carmen.

De verborum Copia.

*Quot sunt rationes variandi orationem per
Verborum copiam?*

Octodecim præcipue.

Quæ est prima ratio?

Synonymia, quæ in his verbis sita est, quæ diversa cum sint, eandem omninò rem significant, ut ensis, gladius: domus, ædes: literæ, epistola.

Quæ est secunda ratio?

Enallage sive Heterosis, quæ duobus potissimùm constat modis. Aliàs enim pars ipsa mutatur, aliàs qualitas.

Quot modis mutatur?

Quinque.

Quibus?

Primò, verborum nomine permutatur, ut, Non dubito,

dubito, non est mihi dubium.

Secundò, verbum participio, ut Redama eum qui te amat. Amantem Redama.

Tertiò, gerundium gerundivo, ut : Ibo ad audiendum concionem : Ibo ad audiendam concionem.

Quartò, verbum supino, ut : Venit ereptum, pro venit ut eripiat.

Quintò, Adverbium nomine, ut : Frequenter est in aula, frequens in aula est.

Quo modis mutatur qualitas ?

Duodecim.

Quibus ?

Primò, ponitur numerus pro numero, ut : Romanus pralio victor, pro Romani victores.

Secundò, permutatur persona, ut : Qui scire posses ? pro, quí scire posset quispiam, apud Terentium.

Tertiò, variatur genus, vel nominis, ut : pileum & pileus : vel verbi, ut : lachrymat, pro lachrymatur.

Quartò, mutatur casus, ut : Ejus rei venit in mentem, pro ea res. Dono te libro, dono tibi librum.

Quintò, variatur species nominis, velut cùm utimur vel abstracto pro adjectivo, ut : magnitudo meritum, pro merita magna, vel diminutivo loco simplicis, ut : loquaculus pro loquax, vel aut comparativo aut superlativo loco positivi, ut : tristior pro tristis, facundissimus, pro vehementer facundus : vel possessivo loco primitivi, ut iuxta sententiam Homericam : pro iuxta sententiam Homeri.

Sextò, mutatur species verbi, velut cùm frequenta-

quentativum loco primitivi ponitur, ut : Dictito pro dico.

Septimò figura mutatur, & simplex pro composito ponitur, aut contrà, ut : ponere pro deponere : conscribere pro scribere.

Octavò mutatur tempus, ut : prædiceres, pro prædixisses : vicimus pro vincemus.

Nonò mutatur modus, ut : ne crede, pro ne credas : invenerit, accederit, pro inveniet, accidet.

Decimò, declinatio, ut : hilarus & hilaris.

Undecimò, conjugatio, ut : lavare & lavere.

Duodecimò, variatur dictio Epenthesi, ut : Martis pro Martis : Proparalepsi, ut : Dicier pro dici : Aphæresi, ut : Ruit omnia latè, pro eruit : Syncope, ut : dixti, pro dixisti : Apocope, ut : quid captant consili ? pro consilij.

Quæ est tertia ratio ?

Antonomasia, quæ constat nominis permutatio-
ut : Pelides pro Achille, Dardanida pro Trojanis.
Pœnus pro Annibale, apud Livium, Senex pro per-
sona heri, apud Terentium.

Huc pertinet si quis appellativo proprii vice utatur, ut cum Apostolum dicimus pro Paulo, Servatorem pro Christo. Item proprio, appellativi loco, ut : Verrem pro fure, Thrasionem pro glorioso, Catonem pro sapiente.

Quæ est quarta ratio ?

Periphrasis, quæ pluribus fit verbis, ut : Elo-
quentiæ Romanæ princeps, pro Cicerone : Trojani
belli

belli scriptor, pro Homero.

Quot modis fit Periphrasis?

Tribus.

Quibus?

Etymologia, Notatione, & Finitione.

Quomodo Etymologia?

Cum nominis rationem explicamus, ut Homo sapientiae studiosus, pro philosopho. Qui literas docet, pro Grammatico.

Quomodo Notatione?

Cum notis quibusdam accidentium rem quampiam describimus, ut si quis iram intelligens, animi aut bilis effervescentiam dicat.

Quomodo Finitione?

Cum quid res sit, ostendimus, ut: Ars bene dicendi, pro Rhetorica: Animal rationis particeps, pro homine.

Quae est quinta ratio?

Metaphora.

Quid est Metaphora?

Est cum vox à nativa, propriaque significatione ad non propriam transfertur.

Unde sursumantur Metaphorae?

Primò, à sensibus corporis ad animum. A viso, ut: videre, pro intelligere. Ab auditu, ut: audire, pro obtemperare. Ab olfactu, ut: odorari, pro indagare. A gustu, ut: devorare, pro rem acerbam, velut citra sensum, perferre. Secundò, a bruto ad hominem, ut: oblatrare, pro obrectare: aut contra

trà ab homine ad brutū, ut si quis canem assentatorem, leonem ambitiosum, vulpem perfidum dicat. Tertiò, ab animali ad non animal, ut : Vertex môtis, Iratum mare : aut contrà à non animali ad animal, ut : viridis ætas, ambo florentes ædibus, apud Virgilium. Quartò ab animali ad animal, ut si quis cornū sui inequitantem dicat. Quintò, ab animato ad inanimatum, ut si quis orationem fluere dicat.

Metaphora in simplici nomine interdum sita est, ut si quis hominem ventri addictum, pecudem appellet. Interdum in Epitheto, ut : Florida ætas. Interdum in verbo simplici, ut : Avolat ætas, labuntur anni. Interdum additur quiddam, quod Metaphoram explicet, ut : Omnes incenduntur ad studia, gloria.

Que est sexta ratio ?

Allegoria.

Quid est Allegoria ?

Est cùm tota ratio aliud verbis, aliud sensu præ se fert, quæ Metaphora perpetua dici potest, ut : Flamma fumo est proxima. Hic aliud verbis, aliud sensu ostenditur, videlicet, in tempore cavendum esse periculum, & vitandam mali occasionem,

Que est septima ratio ?

Catachresis.

Quid est Catachresis ?

Est cùm propter necessitatem abutimur vocabulo in significato non proprio & suo, ut cùm piscinam dicimus, in quâ lavamus, nec tamen pisces insunt :

insunt : Latine Abusio. Addunt quidam hoc loco Onomatopœjam, quæ fictio dici potest, ut : Tarantara, pro voce tubæ. Ad quam formam pertinet Paragoge, id est, deductio ac derivatio novorum verborum ex analogia sumpta, ut : Syllaturire, pro eo quod est Sylla mores imitari velle. Interdum ejusdem dictionis varia est Paragoge, ut voluptuosus, & voluptuarius, Edax & edo. Homunculus, homulus, homuncio. Pauxillum & paucula. Quorum observatio copiam orationis non mediocriter adjuvabit. Addunt quoque Metalepsin, quæ gradatim itur ad id quod ostendimus, ut : Post aliquot mea regna videns mirabor aristas. Nam per aristas intelligit messes, per messes, æstates, per æstates intelligit annos. Latine transumptio vel transmutatio.

Quid est octava ratio ?

Metonymia, hoc est, Transnominatio, cum vicino vocabulo pro vicino utimur.

Quot modis fit Metonymia ?

Quinque.

Quibus ?

Primò, cum inventorem pro re subjecta ponimus, ut : Cererem pro cibo, Liberum pro vino, pro libidine Venerem. Secundo, cum id quod continet pro eo quod continetur, ut : Epotum poculum apud Ciceronem, pro Cluent. Aut contra, id quod continetur, pro eo quod continet, ut Virgil. Jam proximus ardet Ucalegon, pro domus Ucale-

Ucalegonis. Tertiò, cum ex efficiente effectum significamus, ut melior remis, pro velocitate, quæ fit remis, Aut contrà, ut : Frigus pigrum, audax juven-
ta. Quartò, cum ducem ponimus pro his, qui sub-
sunt, ut ab Annibale caesa sunt apud Cannas sexa-
ginta millia, id est, ab ejus exercitu. Quintò, cum
authorem pro opere ponimus, ut cum dicimus : Pli-
nium semper in manibus habendum.

Quæ est nona ratio ?

Synecdoche, qua pars pro toto, vel totum pro
parte sumitur, Latine intellectionem verterunt.

Quot modis fit Synecdoche ?

Sex.

Quibus ?

Primò, quoties ex uno plures intelligimus, ut :
Poenus fugatus, pro Poeni.

Secundò, cum ex parte totum, ut : Tectum pro
domo, aut contra, ut : Fontemque, ignemque fere-
bat, pro aquam è fonte haustam.

Tertiò, cum è specie genus, ut : Iracundior A-
dria,, pro quovis mari, apud Horatium.

Quartò, cum ex materia rem confectam, ut : fer-
rum pro gladio, abies aut pinus pro navi.

Quintò, cum è præcedentibus sequentis, ut : sub-
didit equo calcaria, pro, cucurrit.

Sextò, cum quoquo modo aliud ex alio intelli-
gitur, ut : Vixerunt, pro mortui sunt. Fuimus Troes,
pro jam actum est de nobis.

Quæ est decima ratio ?

Isodynamia, id est, æquipollentia.

Unde

Unde constat Isodynamia?

Vocibus contrarijs, & negationis vel additione vel detractiōe, ut: Vir egregiè doctus, vir minimè indoctus. Omnia fecit, nihil non fecit. Placer, non displicet. Accipio conditionem, non repudio conditionem.

Sunt autem pugnancia triplicia, Contraria, ut: Amor, odium, Privativa, ut: Cæcus, videns. Contradictoria, ut: Nolo, volo: doctus, non doctus: Probat, non probat.

Quæ est undecima ratio?

Comparativa, in quibus fit Isodynamia citra negationem, translatis tantum partibus, ut: Minoris facit famam, quàm pecuniam. Pluris facit pecuniam, quàm famam. Antepōnit famam pecuniæ. Posthabet pecuniam famæ.

Quæ est duodecima ratio?

Relativa, ut: Uxor illius esse non vult, non vult illum maritum. Hoc me docuisti, hoc ex te didici.

Quæ est decimaterzi ratio?

Auxesis, quæ hic est amplificatio verbi solum, hoc est, cum amplificandæ rei graria verbum atrocius subijcimus, loco proprij, ut cum latronem dicimus qui sit improbus, mutum qui nihil respondeat.

Quæ est decimaquarta ratio?

Hyperbole.

Quid est Hyperbole?

Est quædam rei supra fidem amplificatio, ut: Ocior Euro, Fulminis ocior alis, Vix ossibus hærent.

Quæ

Quæ est decimaquinta ratio?

Metosis, quæ est extenuatio incredibilis, ut cum attingisse dicimus eum, qui pulsavit: Laxisse, quæ vulneravit.

Quæ est decimasexta ratio?

Compositio, quæ sitis & ordo verborum confectus mutatur.

Quibus in rebus Gra est?

Asyndeto, ut: veni, vidi, vici. Polysyndeto, ut Ter. Stertit noctesque & dies. Zyzeugmeno, quoties ad unum verbum plures sententiæ respondent. Id fit trifariam. Aut cum verbum ipsum antecedit, ut: Desflorescit forma vel morbo, vel ætate. Aut cum sequitur, Vel morbo vel ætate forma deflorescit. Aut cum ponitur verbum in medio, ut: ætate forma deflorescit, vel morbo.

Huc pertinent, cum ex oratione simplici duplicem facimus, aut contrâ, ut: Omnia tua mihi debes: quicquid habes, id omne mihi debes.

Quæ est decima septima ratio?

Syntaxis, cum è constructione quædam sermonis varietas existit, ut: multa pecunia, multum pecuniæ. Tota nocte potavit, potavit totam noctem.

Quæ est decimavinta ratio?

Mutatio figuræ, quæ alio atque alio affectu ac veluti habitu profertur oratio. Per interrogationem, ut: Non est miserum mori: usque adeò ne mori miserum est? Ironiam, ut: Non hoc curat populus, Id populus curat scilicet. Admirationem, ut: Multum homini homo præstat, Dij immortales, homini

M

homo

homo quid præstat ? Dubitationem, ut: Contemnit & Deos & homines, Haud scio, magisne Deos contemnat, an homines. Adjurationem, ut: Non aliter scribo, quàm sentio, Ne sim salvus, si aliter scribo ac sentio. Abominationem, ut: Ista nunquam cogitavi. Dij meliora, quàm ut ista cogitârim. Exclamationem, ut: Bruti literæ amanter scriptæ: ô Bruti amanter scriptas literas. Occupationem, ut: Virgines cōplures viriavit, ut interim de Vestali polluta fileam. Subjectionem, ut, Cum & genere sis, ære nulla, nullis literis, nulla forma, ingenio nullo, quid est, eur te adeo jactes? Per subjectionem hoc modo: Quid habes cur tam sis insolens? Natalium splendorem? atqui genere es obscurissimo, Opes? at vel Iro ipso es pauperior. Sic idem de cæteris. Est enim subjectio, eum nobis ipsis respondemus.

Primi Supini variatio.

Quot modis primum Supinum variatur?

Sex.

Quibus?

Primò per gerundium, ut: Venit ereptum virginem, Venit ad eripiendum virginem. Secundò per gerundivum, ut: Venit ad eripiendam virginem. Tertiò, per gerundium in di, ut: Venit causa eripendi virginem, quod & ipsum per gerundivum fieri potest, ut: Venit causa eripiendæ virginis. Quartò, per verbum, ut: Venit ut eripiat virginem.

nem. Quintò, per participium, ut : Venit erepturus virginem. Sexto, per Infinitivum, sed Græca consuetudine, ut : Venit eripere virginem.

Variatio Imperativi.

Quot modis variatur Imperativus ?

Duobus.

Quibus ?

Primùm per subjunctivum, ut : Saluta, fac, ut salutes. Secundò, per futurum Indicativi, ut : Vale. valebis.

Variatio Futuri.

Quomodo variatur Futurum ?

Per verbum substantivum, ut : Pœnitebit te olim, futurum est ut te pœniteat. Spero te gravissimum factò, spero futurum ut factò gaudeas.

Quos modis effertur hac oratio (Ahile te studie) & similes ?

Tribus.

Quibus ?

Primò per præpositionem, ut : Inter studendum. Secundò, per duos ablativos absolutè positos. ut : Studentibus nobis.

Tertiò, per verbum subjunctivi modi, ut : Dum studeremus.

Quot modis effertur generalis propositio ?

Quatuor.

Quibus ?

Primò proprijs ac peculiaribus signis, ut : Om-
nibus

nibus est moriendum.

Secundo, per Isodynamiam, ut : Nemini non est moriendum.

Tertiò, per interrogationem, ut : Cui non est moriendum ? Quis est, cui non sit moriendum ?

Quartò, per signum infinitum, ut : Haud est ullus, cui non sit aliquando moriendum.

Superlativi variatio.

Quomodo variatur superlativum ?

1. Per comparativum, affirmativè & negativè, ut : Vir omnium humanissimus, Affirmativè : Vir ceteris omnibus humanior, sed inusitatus, Negativè, ut : Nemo hoc viro humanior.
2. Per Syntaxin : Nemo quàm hic vir humanior.
3. Per Periphrasin, Vir, quo non humanior alter, Vel per neutrum genus, Nihil hoc viro humanius.
4. Per interrogationem, Quis hoc viro humanior ? Vel per neutrum genus, Quid hoc viro humanius ?
5. Per signum infinitum, ut : Haud est ullus hoc viro humanior. Vel per neutrum genus, Haud est quicquam hoc viro humanius.
6. Per Syntaxin casus superlativi. Vir omnium humanissimus, Vir inter omnes humanissimus, Vir ex omnibus humanissimus.
7. Per periphrasin, Vir maximè omnium humanus.
8. Per Heterosin speciei, ut : Summa est viri humanitas.
9. Per verbum superare, vincere, antecellere, præstare, & similia, ut : Hic vir omnes humanitate superat, Facile omnes vincit, Longè præstat, Hunc virum superat humanitate

nitate nemo. 10. Per verbum passivum, ut : Hic vir
 humanitate non facile superatur à quoquam 11.
 Per interrogationem, ut : Quem non hic vir huma-
 nitate vincat? 12. Per contrarium, ut : Hic vir huma-
 nitate nulli cedit. 13. Per heterosin figuræ, De hu-
 manitate quis non huic viro concedit? 14. Per com-
 parativa. Hic vir omnibus humanitate superior.
 15. Per contrarium, Hoc viro nemo non humani-
 tate inferior? Hic vir nulli humanitate secundus.
 16. Per Isodynamiam, ut : Vir minimè omnium in-
 humanus. 17. Per exclamationem, O singularem
 viri hujus humanitatem ! 18. Per admirationem,
 Dij boni, quanta est viri hujus humanitas ! 19. Per
 adjurationem, Ne vivam, si quid unquam vidi hoc
 viro humanius. 20. Per particulas Tam & Quam,
 ut : Nemo tam humanus, quàm hic vir. Per perin-
 dè & atque, ut : Quis perinde humanus, atque hic
 vir? Per æquè atque, ut : Haud est quisquam om-
 nium æquè humanus, atque hic vir. Per adeò, ut :
 Vir adeò humanus, ut nemo sit cum eo conferen-
 dus, Per ita, ut : Nemo ita humanus, ut hic vir,
 21. Per Heterosin speciei, ut : Ea viri hujus est hu-
 manitas, ut ei nemo sit æquandus. Vel, Singulari
 in omnes humanitatem, &c. Per Isodynamiam, ut :
 Vir humanitate prædictus haud vulgari. Per Hy-
 perbolen, ut : Vir non humanus, sed ipsa penè
 humanitas. 22. Per Periphrasin. Vir maximè hu-
 manus, Vir minimè inhumanus. 23. Per Auxe-
 sin, ut : Vir incredibili humanitate, Vir exemplum

humanitatis, quomodo Terentianus Simo, exemplum continentia dicit, & Cicero innocentia exemplum, de Rutilo loquens.

Connectendi particula.

Quæ sunt connectendi particulae?

Primum, deinde, præterea, adhuc, quid quod, denique, quinetiam, posthac, postremo, adde his, huc pertinet.

De Exemplum.

Cicero. Quæro igitur, vester Deus primum ubi habiter? Deinde quæ causa eum loco moveat, si modo movetur aliquando? Præterea, cum hoc proprium sit animantium, ut aliquid appetant, quod sit naturæ accommodatum, Deus quid appetat? Ad quam denique rem motu mentis ac rationis utatur? Postremo, quomodo beatus sit, quomodo æternus? libro 1. de natura Deorum.

Transitionum Formula.

Unde sumuntur Transitionum Formulae?

1. Ab Æquali, ut: Erant hæc jucundissima, neque minus voluptatis attulerunt illa.
2. Ab inæquali, ut: Audistis gravissima, sed audietis graviora.
3. A simili. ut: Hæc perfidia designavit, cujus generis sunt & illa, quæ Roma nuper perpetrassæ dicuntur.
4. A contrario. Sed hæc privatim, nunc quæ publicè. Sed hæc juvenis peccavit, nunc senis virtutes audietis.

5. A diversis. De moribus habes, nunc de doctrina reliquum est, ut dicamus.

6. Quasi per occupationem ut: Jam ad reliqua properabimus, si prius illud adjecerimus.

7. Per reprehensionem, ut: Quorsum nos transversos abripuit dolor? Ad rem redeamus.

8. A consequentibus, sive relativis, ut: Habes quid in illum contulerim beneficiorum, nunc quam gratiam retulerit, audi.

Quid est transiionis usus?

Ut & quid dictum sit, admoneat, & ad reliqua cōparet auditorem, atq; ita lucem adferat dicendis.

*Decem generalia commutanda & varianda
orationis præcepta.*

*Quot sunt generalia commutanda & varianda orationis
præcepta?*

Decem.

Quæ sunt?

1. Primum omnium res ipsa Latinis aptisq; verbis efferenda est, ut: Hic est optimè de te meritis.

2. Deinde mutatorijs verbis utendum, si qua quæ idem efficiant, reperiantur.

Idque fit per	{	Synonymiam,	{	Etymologia,
		Heterosin,		Notatione,
		Antonomasiam,		Finitione.
		Periphrasin, quæ constat		

Per Synonymiam, ut: Plurima exant hujus in te
M 4 bene-

beneficia, Per Heterosin partis, verbo nomine permutato, ut ; Maxima sunt hujus erga te merita. Personæ & partis simul, ut : Quinto Fabius plurimum debet, Quinto Fabius bona plurima accepta refert. Figura, ut : Hic est optimè de te promeritus. Per Periphrasin activè, ut : Hic te summus beneficiis affecit, Hic maxima in te officia contulit. Passivè, ut : Tu summis es ab hoc beneficijs affectus, Ab hoc multa & præclara in te beneficia collata sunt.

3. Mox ubi propria deficient, trāsſlatis utendum est.

(Metaphoram,
Id fit per { Allegoriam,
 Catachresin.

Per Metaphoram activè, ut incredibile est, quantis hic te beneficijs obligaverit, obstrinxerit, devinxerit. Passivè, Magnis hujus beneficijs atq; meritis obligatus es, obstrictus, devinctus. In quibus etiā cōpositio est, ex oratione simplici, facta duplex.

4. Quod si translatitia quoque desint, si activa oratio fuerit, vertenda in passivam, ut : Hic plurimis te beneficijs affecit : plurimis ab hoc affectus es beneficijs.

5. Postea verba in nomina inde deducta, aut in participia commutabimus, ut : Multa extant hujus in te merita.

6. Substantiva adjectivis ab iisdem deductis, adjectiva verò, si quæ hinc veniunt, abstractis permutabimus, ut : Immensa est hujus erga te beneficentia & benignitas, Est & hic heterosis speciei.

7. Ubi

7. Ubi modò adverbia in nomina, modo nomina in alias atque alias partes orationis commutaverimus, tum, aut per contrarium dicemus, aut orationem aientem in negantem commutabimus, aut contrà, per Isodynamiam, ut : Tu singularia ab hoc beneficia habes. Non vulgaria hujus extant in te beneficia.

8. Si quid simpliciter, & pronunciativè dictum est.

Per Ironiam	{	Interrogationem	}	efferimus.
		Dubitationem		
		Admirationem		
		Abominationem		
		Adjurationem		
		Exclamationem		

Per Interrogationem, ut : Quid est, quod tu huic non pro suis immortalibus erga te meritis debeas ? Admirationem, ut : Dij boni, quantum hic in te beneficiorum contulit, quanta hujus in te merita sunt ? Hic etiam per syntaxin oratio variatur. Exclamatione, ut : O singularem & propè incredibilè hujus in te beneficentiam. O egregia & pœnè divina hujus erga te merita. Hic orationi alius quasi vestitus atque habitus datus est, per figuræ mutationem.

9. Post hæc paulo liberius totam orationem vertere licebit, ut vel unam dictionem pluribus verbis circumeas per Periphrasin, vel è simplici oratione duplicem facias per compositionem, quam vocant, ut : Tu huic pro eo ac meritis de te est, gratiam referre nunquam potes. Hic adeò de te benemeruit,

meruit, ut egtegijs ejus in te officijs respondere nullo modo possis.

10. Post alia omnia, similitudinibus interim atque exemplis uti licebit. Variatur quoque hæc sententia per Isodynamiam hoc modo : Hujus tu summis beneficijs usus es. Non mediocria sunt hujus erga te merita. Et per hyperbolen & Auxesin, ut : Divina atque immortalia sunt hujus erga te merita. Hic egregiè in te beneficus, & benignus fuit. Et per relativa, ut : Hic maximum tibi beneficium dedit. Tu ab hoc beneficium maximum accepisti. Hic tibi summa beneficia tribuit. Huic tu ingentia beneficia debes. Hujus plurimum merito ipsius debes. Hic te maximis beneficijs ornavit. Hæc de verborum copia.

*De Copia rerum, seu ratione locupletanda
sententiæ.*

Quot sunt rationes copię rerum seu locupletande sententiæ?
Duodecim.

Quæ est prima?

Est cùm aut species, vel partes enumeramus, aut speciem cum genere conferimus.

Quot sunt hujus rationis species seu formæ?

Tres.

Quæ?

Divisio, Partitio, Speciei cum genere collatio.

Quid est Divisio?

Est, cùm quod summatim ac generatim dici poterat,

poterat, id latius explicatur, atque in species diducitur, ut : Rem universam luxu perdidit. Hoc sic dilatabitur, Quicquid vel matris, vel patris nomine, hereditate obvenerat, quicquid aliorum affinium morte advenerat, quicquid ex uxoris dote, quæ quidem neutiquam erat vulgaris, accesserat, quicquid ex legatis accreverat (accreverat autem permultum) quicquid peculij castrensis conflaverat, pecuniam omnem, vasa, vestes, fundos, agros, unum cum ipsis & villis & pecoribus : breviter, rem omnem, seu mobilem, seu soli, denique familiam etiam ipsam, quotidianis commestationibus, sumptuosis obsonationibus, nocturnis perporationibus, popinis, cupedijs, unguentis, alea, lusibus, paucis diebus ita absumpsit, abligurivit, obsorbuit, ut ne teruncium quidem sibi reliquum fecerit. Hic dicit illa verba, Rem universam, & luxu perdidit, suis partibus explicantur.

Quid est partitio ?

Est quoties totum, quod non formis, sed partibus constat, in easdem diducitur, ut : Totus commaduit, A summo capillo ad ipsum usque calcaneum pluvia commaduit. Caput, humeri, pectus, venter, tibia, totum denique corpus pluvia distillabat.

In his duabus formis, simul & initio summa rerum proponenda est, & eadem alia sermonis specie repetenda, & ita redeundum ad genus, quasi singulis enumerandis jam sumus defatigati, etiamsi nihil erat præteritum. Præterea cavendum, ne partium ordinem

ordinem confundamus tumultuaria verborū congerie, sed vel ordine scito, vel apta distributione, vel eleganti descriptione legentis aut audientis tedium excludamus.

Quid est speciei cum genere collatio?

Est quoties de specie loquentes, genus adiungimus, id quod ferè fit amplificandi gratia, ut: Quom omnis eruditio plurimum adfert & ornamenti, & adjuvanti mortalibus, tum præcipuè philosophia. Item: Omni quidem ætati sceda est libido, verum senectuti multò scedissima. Item: Cum omnibus in rebus plurimum habet momenti, tum præcipuè in bellis prudentia. Simplex enim erat, prudentiam in bellis plurimum habere momenti.

Quæ est secunda locupletande sententiæ ratio?

Modus, vel enumeratio antecedentium, hoc est, quoties non contenti semel exitum rei proponere, ex quo reliqua quæ præcesserunt, per se queant intelligi, singulatim ea quoque commemoramus, per quæ ad exitum perventum est, ut Catilinæ nefarios conatus M. Tullius Cicero consul sua sagacitate statim odoratus, singulari vigilantia pervestigavit, summa prudentia deprehendit, miro in Rempub. studio prodidit, incredibili eloquentia convicit, gravissima authoritate repressit, armis extinxit, magna felicitate sustulit.

Quæ est tertia ratio?

Causæ, vel enumeratio causarum, quoties rem non nudam exponimus, sed altiùs etiam causam repe-

repetimus, à quibus initijs sit profecta. Ut si quis in bello quopiam suscipiendo addit quæ fuerint simultatis causæ, quis instigator, quæ suscipiendi belli occasio, quæ vincendi spes, quæ utriusque fiducia.

Exempla passim obvia sunt in Poëtis & historicis, præsertim in Livio.

Quæ est quarta ratio ?

Comitantia & sequentia rem, vel enumeratio effectuum & consequentium, hoc est, quoties non simpliciter proponimus negotium, sed enumeramus etiam illa, quæ negotium comitantur, vel consequuntur, ut: Antonius causa belli civilis fuit, trium exercituum populi Romani interfectorum, clarissimorum civium interitus, afflictæ senatus auctoritatis, omnium denique malorum, quæ videmus. Ex secunda Philippica Ciceronis.

Quæ est quinta ratio ?

Hypotyposis, vel descriptio rerum, personarum, locorum, temporum, qua utimur, quoties vel amplificandi, vel ornandi, vel delectandi gratia rem non simpliciter exponimus, sed ceu coloribus expressam in tabulis spectandam proponimus, ut nos depinxisse, non narrasse, lector spectasse, non legisse videatur.

Quomodo id præstari poterit ?

Si prius ipsi totam rei naturam, omnesque circumstantias, ac veluti faciem animo illustremus. Deinde ita verbis ac figuris idoneis effingamus, ut quam maximè fiat evidens, perspicuaque lectori.

Quo-

Quomodo locupletabimus orationes rei descriptione?

Quum id quod fit, aut factum est, non summatim aut tenuiter exponemus, sed omnibus fucaturæ coloribus ab oculis ponimus.

Quibus rebus constant descriptiones rerum seu Hypotyposes?

Circumstantiarum explicatione, collationibus, similibus, dissimilibus, imaginibus, metaphoris, allegorijs, & si quæ præterea sunt figuræ, quæ rem illustrent, item epithetis.

Exemplum.

Expugnata est civitas, apparebant effusæ per domos ac templa flammæ & ruentium tectorum fragor & ex diversis clamoribus unus quidam sonus, aliorum fuga incerta, alij in extremo complexu suorum coherentes, & infantium feminarumque ploratus, malè usque in illum diem servati fato senes, tum illa prophanorum sacrorumque direptio, efferentium prædas, repetentiumq; discursus, & acti ante suum quisque prædonē catenati, & conata retinere infantem suum mater, & sicubi majus lucrum est, pagna inter victores.

Unde petuntur descriptiones personarum seu Prosopœiæ?

Ab omnibus circumstantijs, præcipuè verò ab his, Natione seu patria, ut: Pœnus fœdistragus, Mollis Athenienfis.

Ab ætate, ut: Juvenis prodigus.

Fortuna

Fortuna, ut : Fastuosus dives.

Studijs, ut : Gloriosus miles.

Item à communibus affectibus, ut : Quo sit animo pater in liberos, maritus in uxorem, &c.

Quomodo locupletatur oratio locorum descriptione?

Quoties tota loci facies veluti spectanda depingitur, ut : Urbis, montis, regionis, fluminis, templi, domus. Frequenter à locorum descriptionibus narrationum sumitur exordium.

Quot modis utimur descriptione temporis, seu Chronographijs?

Quatuor.

1. In narrationum Exordijs.

2. Gratia delectandi, veluti cùm Poetæ diem, noctem, auroram, aut crepusculum exprimunt.

3. Causa amplificandi, ut noctis descriptio apud Virgilium lib. 4. ad amplificandum dolorem Dido-
nis pertinet.

4. Causa probandi ut descriptiones interdum veris, hyemis, autumnus, æstatis, &c.

Mixtæ sunt quoties temporum qualitates exponimus, p̄ta, pacis bellici : simul cum ostendimus, quæ virtutes, aut quæ vitia tum maximè maluerint.

Quæ est sexta locupletandi ratio?

Egressio, Græcè *ὑπερβασις*.

Quid est Egressio sive ὑπερβασις?

Est, definitore Quintiliano, alicujus rei, sed ad utilitatem causæ pertinentis, extra ordinem excurrens

excurrent tractatio.

Quot modis adhibetur?

Quinque.

Quibus?

Aut laudandi gratia, aut vituperandi, aut ornandi, aut delectandi, aut præparandi.

Unde sumuntur Egressiones?

Ab expositione rerum gestarum, à descriptione locorum, regionum, personarum. Item a tractatione fabularum, apologorum. Præterea à locis communibus, quoties amplificandæ rei gratia, vel in vitia, ut luxuriam, libidinem, avaritiam, & id genus alia dicimus: vel quoties virtutes, ut frugalitatem, continentiam, studia literarum, pietatem, cæciturnitatem laudibus efferimus.

Quæ est septima locupletandi ratio?

Epitheta.

Quid sunt Epitheta?

Nomina adjectiva, & quæcunque alia, quibus proprietas quædam attribuitur, quocunque pacto non personis tantum, verumetiam rebus, ut: Præceps inventa, Esca malorum voluptas, Vitæ magistra historia.

Ubi adhibentur Epitheta?

In poëmatis, in quibus & naturalibus uti licet, ut: Candida Nix, Liquidi fontes.

In prosa oratione non oportet adhibere, nisi emphasin quandam habeant, & ad rem propositam pertineant, ut: Non impetrabis causam tam iniquam ab Aristide iustissimo. Tuo consilio nobis

bis subveni vir prudentissime.

Quæ est octava ratio?

Circumstantiæ, quas Græci Peristases vocant.

Quoruplures sunt circumstantiæ?

Duplices, Rerum & personarum.

Quæ sunt circumstantiæ Rerum?

Causa, locus, occasio, instrumentum, tempus, modus, atque id genus aliæ.

Quæ sunt circumstantiæ Personarum?

Natio, patria, sexus, ætas, educatio, disciplina, habitus corporis, fortuna, conditio, animi natura, studium, antea acta commotio, consilium, nomen.

Ad quid conuenit aptus & temporarius circumstantiarum usus?

Ad amplificandum atque extenuandum, ad evidentiam, ad confirmationem & probabilitatem. Facit enim, ut rota oratio densis ac crebris argumentis undique differta sit, & communita.

Quæ est nona distatandi ratio?

Amplificatio.

Quæ sunt amplificationis formæ?

Præcipuè quatuor.

Quæ est prima?

Est quæ constat incremento, hoc est, quoties gradibus aliquot pervenitur, non modò ad summum, sed interim quodammodo supra summum: ut, Facinus est civem Romanum vincere, scelus verberare, propè parricidium necare; quid dicam, in crucem tollere?

Ad hoc genus pertinet, cū congestis ordine quodam circumstantijs, in contextu & cursu semper prio-

N

re

re majus insequitur ; ut Cicero 2. Philip. de vomitu Antonij : O rem non visu modo scœdam, sed etiam auditu : si inter cœnam in tuis immanibus illis poculis hoc accidisset, quis non turpe diceret ? In cœtu vero populi Romani, negotium publicum gerens, magister equitum, cui ructare turpe esset, is frustris esculentis, vinum redolentibus, gremium suum & totum tribunal implevit.

Quæ est secunda forma ?

Comparatio, quæ fit vel fictione, ut : Servi me heclè mei, si me isto pacto metuerent, ut te metuant omnes tui, domum meam relinquendam putarem. Vel exempli collatione, quoties proposito velut simili exemplo efficimus, ut id quod exaggeramus, aut proximum illi, aut par, aut majus etiam videatur, ut : Quantò est Oppianicus in eadem injuriâ majore supplicio dignus ? Si quidem illa (Milesia) cum suo corpori vim attulisset, seipsam cruciavit : hic autem idem illud effecit per alieni corporis cruciatum. Cicero in oratione pro Cluentio.

Loquitur hîc de Milesiâ quadam muliere, quæ pro abortu pecuniam accepit à secundis hæredibus. Ita Oppianicus etiam uxorem Marij precio induerat, ut prolem suam, quam in utero gestabat, veneno perderet.

Id hoc autem genere non solum tota totis, sed etiam partes partibus comparantur, ut Cicero : An verò vir ampliss. Scipio Tiberium Gracchum mediocriter labefactantem remp. privatus interfecit :

Catilinam

Catilinam orbem terrarum eade atque incendio vastare cupientem, nos Consules perferemus?

Quæ est tertia forma?

Ratiocinatio, qua amplificando, aliud ex alio colligitur, hoc modo: Tu istis faucibus, istis lateribus, ista gladiatoria totius corporis firmitate, tantum vini in Hippia nuptijs exhauseras, ut tibi necesse esset in populi Romani conspectu vomere. Colligitur enim quantum vini biberit Antonius, quod illa totius corporis gladiatoria firmitas nequiverit ferre, & concoquere.

Hoc pertinet, quoties, res atrocissimas elevamus consulto, quò graviora videantur, quæ secutura sunt: ut Cicero septima actione in Verrem: Levia sunt hæc in hoc reo. Metum virgarum Navarchus nobilissimæ civitatis precio tedemit. Humanum est, &c. Hic atrocissimum quiddam expectetur necesse est, cui hæc, quæ sunt atrocia, comparata, humana atque usitata videantur.

Quæ est quarta forma?

Cum amplificamus congerie verborum ac sententiarum idem significatum, ut Cicero pro Ligario. Quæ tua mens? oculi? ardor animi? quid cupiebas? Hic velut acervo crevit oratio. Idem fit interim omnibus altius atq; altius insurgentib. ut in hoc exemplo: Aderat janitor carceris, carnifex prætoris, mors, terrorq; sociorum, & civium Romanorum, lictor Sextius. Amplificamus etiã quasi correctione quadã, ut Cicero in Verrem: Non, n. furem,

sed raptorem: non adulterum, sed expurgatorem pudicitiae; non sacrilegum, sed hostem sacrorum, religionumq; non sicariam, sed crudelissimum carnificem civium, sciorumque in iudicium vestrum adduximus. Amplificamus præterea cum speciem augemus, generi collatam, ut: Cum omnes disciplinas liberales plurimum homini conciliant vel ornamenti, vel adjumenti: tum in primis eloquentia. Totidem sunt & minuendi modi, quot amplificandi.

Quæ est decima dilata ratio?

Propositionum multiplicatio, hoc est, ut quam maximum propositionum numerum reperiamus,

Quot sunt spectanda in Propositionibus?

Tria.

Quæ?

Primò, ut eas reperiamus propositiones, quæ quicquid ad causam pertineat, absolutè complectantur. Deinde, ut rectè dividantur. Postremo, ut ordine quam maximè ad causam idoneo disponantur. Siquidem eo pacto fiet, ut neque copia rerum confusa sit oratio, dum semper habet auditor certum aliquid, & in quod tendat animum, & quod meminisse possit, & quod expectet; tum is qui dicit, nusquam hæreat, dum in promptu est, quo sese recipiat in viam.

Exemplum?

Si quis suadeat M. Tullio, ne conditionem ab Antonio oblatam accipiat, nempe, ut vivat extinctis Philippicis, his fermè propositionibus uti poterit: Non esse cuiquam egregio viro tanti emendam vitam, ut immortalem vitam amittat.

Haic

Huic generali subserviat particularis, è circumstantijs sumpta, præsertim Ciceroni, qui tot laboribus clarissimum, semperq; victurum nomen sibi peperit: ac mortem esse contemnendam tot voluminibus editis fusissimè demonstravit: maximè cum jam seni non multum ævi superesse videatur. Rursum altera sumetur à circumstantijs: Nihil infœlicius esse, quàm debere vitam Antonic. Tertia conjecturalis erit, callidè hoc agere Antonium, ut exultis prius Philippicis, in quibus intelligat & suam infamiam sempiternam, & Ciceronis immortalem gloriam esse sitam, deinde erepta vita, totum quoque extinguat Ciceronem.

Unde petuntur propositiones?

Partim ex his quæ sunt vulgaria, partim ex his quæ sunt propria causæ: vulgares propositiones ex ipsa rei natura reperiri poterunt: propriæ ex circumstantijs rei diligenter expensis.

Genus suasorium proprios habet locos, unde propositiones petere liceat, rectum, laudabile, utile, tutum, facile, necessarium, jucundum. Demonstrativum item suos, nempe bonorum ordines, & quæ his comprehenduntur.

Quæ est undecima locupletandi ratio?

Est quæ sumitur ex accumulatione copiosa probationum & argumentorum, quas Græci *πλεεις* appellant. Nam ad ejusdem propositionis confirmationem variæ rationes adhibentur, & rationes alijs argumentis confirmantur.

Quotuplices sunt probationes ?

Duplices, partim enim sunt ἐν τεχνῶν, id est, artificiales : partim ἔκ τεχνῶν, id est, ab arte semotæ.

*Unde dicuntur probationes ab arte semotæ,
ἢ ἐκ τεχνῶν.*

A præjudicijs, à rumoribus, à tormentis, à tabulis, à jurejurando, à testibus.

Unde petuntur probationes artificiales ?

Primum à signis, quorum alia sunt necessaria, quæ Τεκμήρια vocantur, alia, non necessaria, quæ σημεῖα dicuntur.

Secundò ab argumentis, quorum aliud est credibile, aliud velut propensius, aliud non repugnans : & ducuntur plerumq; à circumstantijs, quæ duplices sunt, personæ ac rei, de quibus paulò antè dictum est. Item à locis, qui sunt omnium causarum generibus communes, à finitione Etymologiæ, & ab his quæ ad naturam finitionis pertinent, genere, specie, differentia, & reliquis locis rerum, de quibus traditur in Dialecticis.

Tertiò sumuntur probationes ab exemplis, quæ plurimum etiam valent ad copiam, & adhibentur aut ut similia, aut dissimilia, aut contraria. Rursum, aut ut majora, aut ut minora, aut ut paria.

De copiosa tractatione exemplorum.

Quotupliciter tractantur exempla ?

Dupliciter.

Quomodo?

Aut contractius, cum exemplum ceu notum, verbo significatur, ut Cicero pro Milone: Neque enim possit ille Hala Servilius, aut P. Nafica, aut L. Opimius, aut me Consule Senatus non nefarius haberi, si sceleratos interfici nefas esset. Aut fufius, cum augentur & crescunt tractatione.

Quot rationibus augentur & crescunt exempla tractatione?

Tribus.

Quæ est prima ratio?

Commendatio, quæ plerunque sumitur, vel à rei dignitate, vel ab authoris laude, vel gentis, unde ducitur exemplum; veluti, si quis Lacedæmonicum factum, aut dictum adhibeat, præfari oportet, eam gentem sapientia, & rei militaris ac civilis disciplina cæteris longè antecelluisse, & exemplis pulcherrimis semper abundasse. Et si quis è Plutarcho citabit exemplum, præfari licebit, eum authorem unum omnium esse gravissimum. Item si quis M. Attilij Reguli ad hostem redeuntis exemplum velit adducere, poterit ad hunc proloqui modum; Inter tam multa Romanæ virtutis insignia decora, nullum unquam facinus pulchrius extitisse, aut laudatius, quàm M. Attilij.

Quæ est secundo?

Si fufius aut latius explicentur, cum exaggerationibus, atque amplificationibus; quod genus fuerit, si quis persuadere studeat, ut prudentiam comparandam multū conducere peregrinationes, multarū

rerum inspectionem, in Solonis laude aliquandiu commoratus, & quam civitatem reliquerit, & quam ob causam, & ea quæ maria transmiserit, & quas nationes, quæ capitis pericula adierit, & quibuscum sit congressus, & quid mirandum conspexerit, & quantum temporis abfuerit, & quanto illustrior ac sapientior in patriam redierit, fusiùs enarrat. Atq; utraq; ratio dilatandi contrahendiq; locum habet in fabulosis quoq; exemplis, si res ac decor patietur.

In his quæ omninò fide carent, præfari conveniet, non sine causa esse conficta, neq; tot seculis temerè celebrata. Deinde quid sibi ijs voluerint sapientes interpretabimur. Huc etiam pertinent Apologi: quales sunt qui Æsopi nomine celebrantur, & ille Menij Agrippæ de corporis humani membri adversus ventrem conspirantibus, apud Livium. Referuntur huc etiam fictæ narrationes rerum gestarum, cuiusmodi sunt Luciani veræ narrationes, & de specu apud Platonem, in quo vincti quidam umbris, perinde ut ipsis rebus delectantur.

Quæ est tertia ratio dilatandi exempla?

Collatio, & comparatio, sive contentio.

Quid est collatio?

Est cum accommoda similitudo, quod adductum est exemplum, ostendit aut simile esse, aut dissimile, aut contrarium. Simile, ut: Non aliter Camillus rem Romanâ à Gallis oppressam, & in extremam perniciem adductam, quàm sua virtute, depulsis barbaris restituit: Ita Laurentius Valla Latinas literas,

ras, inscitia ferè barbarorum depravatas, obrutas, extinctas, in pristinum nitorem, velut ab inferis revocavit. Dissimile: Brutus occidit liberos proditorem molientes: Manlius virtutē filij morte mulcavit. Contrariū, ut: Marcellus ornamenta Syracensarum hostibus restituit: Verres eadem sociis abstulit.

Quid est comparatio seu contentio?

Est quæ demonstrat id, quod adductum sit, aut par esse, aut minus, aut majus. Par, ut apud Cicero- nem: Etenim mihi ipsi accidit, ut cum duobus patritijs, altero improbissimo, altero modestissimo atq; optimo viro peterē: superavi tamen dignitate Catilinam, gratia Galbum. Minus, ut: Si propter matrimonia violata urbes eversa sunt, quid fieri adultero par est? Majus, ut pro Milone: Negant in- tueri lucem esse fas ei, qui a se hominē occisum esse fatetur. In qua urbe tandem hoc homines stultissimi disputant? Nempe, in ea, quæ primum judicium vi- dit de capite M. Horatij fortissimi viri, qui nondum libera civitate, tamen populi comitijs liberatus est, cum sua manu sororem interfectam fateretur.

Unde sumitur hæc exemplorum collatio?

Ex omnibus rerum at personarum circumstantijs. Adjuvatur autem & orationis artificio, cum verbis ac figuris ad id commodis, alia consultò elevantur, alia colluntur.

Quæ sunt exempli affinita?

Parabola, *εἰκὼν*, sive imago, contentio, demonstra- tive judicia & sententiæ.

Quid

Quid est Parabola ?

Est similitudo sumpta ab his, quæ fiunt, aut quæ natura, casuve rebus adjuncta sunt, at Navis proventorum ratione velum tollens, aut contrahens, in hoc aut illud latus transferens, parabola est, quæ docet, sapientem temporis cedere oportere, ac rebus præsentibus sese accomodare. Quæ aliquando verbo notatur, ut : Intelligis tibi vertenda vela? Aliquando latius explicatur, & apertius accomodatur, ut apud Ciceronem pro Murena : Quod si è portu solventibus, qui jam in portum ex alto invehuntur, prædicare summo studio solent tempestatum rationem, & prædonum, & locorum ; quod natura fert, ut his faveamus, qui eadem pericula, quibus nos perfuncti sumus, ingrediantur : quo metandem animo esse oportet, propè jam ex magna jactatione terram videntem, in hunc, cui video maximas tempestates esse subeundas ?

Estq; eadem parabola, quæ exempli, dilatandi ratio, videlicet, per collationem, itemque dissimilium cujus hoc sit exemplum : Neque enim ut navis utilior nova quàm vetus, sic & amicitia.

Quid est εἰκὼν imago ?

Est ficta similitudo, quæ cum descriptione quadam oculus subijcitur, imaginem rei collatæ quasi vivam exprimit, ut : Os, humerosque Deo similis. Facit autem εἰκὼν magis ad evidentiam, aut gravitatem, aut jucunditatem orationis, quàm ad probationem.

Quid

Quid est contentio demonstrativa?

Est quoties in genere demonstrativo personā cū persona conferimus, laudandi, vituperandive gratia, ut si quis Maximilianum laudaturus, eum compareret cum M. Antonio Imperatore. Est rerum comparatio, quod genus est, si quis Poeticam laudaturus, hujus commoda cum Philosophiæ commodis compareret, atque expendat.

Quæ sunt judicia?

Sunt sententiæ scriptorum illustrium, gentium, virorum sapientum, aut clarorum civium, quæ Græci *κρίσεις* appellant. Idem valent sapientum Apophthegmata, cujusmodi sunt illa sapientum dicta quæ referuntur à Plutarcho. Huc pertinent & proverbia, item oracula & responsa numinum.

Quia est sententia?

Est (ut inquit Cicero ad Herenniū) oratio sumpta de vita, quæ aut quid sit, aut quod oporteat in vita, breviter ostendit.

Licet autem sententias in omnibus orationis partibus, & in affectibus movendis admiscere, non solum in probatione; quæ si in loco adhibeantur, haud mediocrem orationis copiam adjungent, neque id sine gravitate & gratia. Debet tamen earum esse modus, ut ibi adhibeantur, ubi locus postulat, aut certè patitur.

Quot sunt sententiarum formæ?

Præcipuæ duæ, Epiphonema & Noëma.

Quid est Epiphonema?

Est rei narratæ vel probatæ acclamatio: Narrata,

rata, ut apud Virgilium : Tanta molis erat Romanam condere gentem. Probata, ut apud Cicero-
nem pro Ligario : Quorum igitur impunitas, Caesar, tuae clementiae laus est, eorum te ipsorum ad crudelitatem acuet oratio ?

Quid est Noema ?

Est sententiae genus, quod non dicitur, sed intelligitur, quale est illud : Eras dignus, ut haberes integram manum. Nam intelligitur, ut rursus in ludo depugnares.

Est autem illud dictum in quendam agentem cum sorore talionis, quod sibi dormienti pollicem resciderat, cum illa fratrem sapiens à ludo gladiatorio redemisset. Sunt & aliarum sententiarum formae, quas, si vis, ex alijs authoribus desume.

Quid cognationem habet cum sententia ?

Expositio.

Quid est expositio ?

Est quoties eodem in loco diutius commoramur, & eandem sententiam alijs atque alijs modis variamus simul & locupletamus.

Quibus id fit modis ?

1. Commutatione verborum, cum eadem res alijs atque alijs figuris sapientius effertur.
2. Commutatione tractationis, vel, cum quod jam sub persona nostra diximus, idem alium, sed paulo aliter dicentem facimus. Vel cum quod sedatius est disputatum, id acrius atque inflammatus effertur.

Quot

Quot partibus constat copiosa expositio?

Septem.

Quibus?

Propositione, Ratione, Duplici sententia (cui ratio item duplex subijci potest) Contrario, Simili, Exemplo, Conclusionem.

Exemplum expositionis?

Sapiens nullum pro republica vitabit periculum, Propositio dea-
bus rati-
onibus
confir-
mata.
Prior ra-
tio.
Ideò quòd saepe fit, ut qui pro Republica perire no-
uerit, necessariò tandem cum republica pereat. Et
quoniam sunt omnia commoda à patria accepta,
nullum incommodum pro patria grave putandum
est. Ergo qui fugiunt id periculum, quod pro repub- Altera
ratio.
Prior
senten-
tia.
lica subeundum est, stultè faciunt. Nam neq; effu-
gere id possunt, & ingrati in civitatem reperiuntur.
At qui patriæ pericula suo periculo propellunt, hi
sapientes putandi sunt, dum & eum quem habent
honorem, reipublicæ reddunt, & pro multis peri-
re malunt, quàm cum multis. Etenim vehementer Ratio-
nes.
Altera
senten-
tia.
Ratio-
n 2.
Contra-
rium.
est iniquum, vitam à natura acceptam, per patriam
cùm conservaveris, natura cùm cogat, non redde-
re patriæ, cùm roget eam dare. Et cùm possis sum-
ma cum virtute & honore pro patria interire,
malle per dedecus & ignaviam vivere: pro amicis
& parentibus, & cæteris necessarijs adire pericu-
lum cùm velis, pro republica, in qua hoc & illud
sanctissimum patriæ nomen continetur, nolle in
discrimen venire. Itaq; uti contemnendus, qui na-
vigando navim, quàm se mavult incolumem: Ita
vicu-

vituperandus, qui in Reipublicæ discrimine suæ salutis plus quàm communi consulit. Navi fracta, multi incolumes fuerunt, ex naufragio patriæ nemo potest enarare. *Quod* mihi videtur Decius intellexisse, qui se devovisse dicitur, & pro legionibus se in hostes immisisse medios, unde vitam amisit, non perdidit. Re enim vilissima, maximam redemit, vitam dedit, accepit patriam; amisit animam, potitum est gloria, quæ summa laude prodita, vetustate quotidie magis enitescit. *Quod* si pro Republica debere accedere ad periculum & ratione demonstratum est, & exemplis comprobatur, hi sapientes sunt existimandi, qui nullum pro salute patriæ periculum vitant.

Utile erit diligenter exerceri hoc modo adolescentes, non solum in tractandis & exponendis sententijs, sed quolibet etiam argumento, quod potest commodè explicari, tractariq; copiosè. Interdum congerere licebit plures sententias, rationes, similia, & exempla, cum copiosius tractare volumus.

Quæ est duodecima dilatandi ratio?

Multiplicatio partium orationis Rhetoricæ, quæ sunt exordium, narratio, propositio cum partitione, probatio continens confirmationem & confutationem, & peroratio. E quibus exordium & narratio interdum omitti possunt brevitatis studio: interdum copiarum affectatione prolixius omnes tractari, adjectis pluribus schematis, & admixtis quoque affectibus.

Quomodo dilatur exordium ?

1. Renovando docilitatem commodis transitionibus : quod genus fuerit : Audistis largitione, corruptela, sanguine, stupro, ac scœdissimis artibus paratum honorem : nunc ostendam illud quod turpiter est adeptus, turpius administraſſe.
2. Renovando attentionem varijs modis, qui pro rei naturâ fingi poſſunt: Tales fuerunt: Magna sunt hæc, sed levia præ his, quæ nunc dicturus ſum. Et : Nunc ad ipſum rei caput accedo : proinde quaſo, ut hæc animis quàm maximè attentis audiat.

Quomodo dilatur Narratio ?

1. Repetitione, quæ fit quoties res paucis ac ſimpliciter expoſita, denuò ſuſius & ornatius enarratur.
2. Digreſſione, quæ & brevis eſſe debet, & ſic cum narratione coherere, ut aut quaſi ſinis narrationis aut quaſi initium probationis videri eadem poſſit.

Quomodo dilatur propoſitio ?

Id duobus fit modis. Primum ſi pro ſimplici, duplici aut multiplici utimur, etiamſi una ſit ſatis, ut : Si feciſſet, præmio magis quàm ſupplicio dignus erat. Aut res hæc non eſt honeſta, nec expedit, nec ſine ſummo periculo fieri poteſt. Quod ſi maximè ſit honeſta, maximè expediat, maximè ſit tuta : tamen fieri non poteſt, ut conſequamur. Deinde ſi non nudam omnino, ſed & argumentis obiter interjectis & affectib. accenſam, proferemus. Qualis eſt illa Ciceronis pro Milone : Hæc ſicut expoſui, ita geſta ſunt iudices, inſidiator ſuperatus, ut
victa

vieta vis, vel potius oppressa audacia est. Deinde affectus miscet : Nihil dico, quid Respub, consequuta sit, nihil quid nos, nihil quid boni ; nihil sanè id profit Miloni, qui hoc fato natus est, ut ne se quidem servare potuerit, quin una rempublicam vosque servaret.

Quomodo crescunt probationes ?

Labefactione, seu præparatione, asseveratione, & excursionibus per amplificationem.

Quomodo crescunt labefactione seu præparatione ?

Id fit bifariam.

Quomodo ?

1. Propositionibus, quæ hîc sunt veluti singularum partium orationis collectiones, seu conclusiones, quas Oratoribus mos est initio argumentationum proponere, & easdem in fine vehementius per affectus aut per epilogum repetere.

2. Cum ita proponimus, ut ipsa orationis figura fidem abrogemus, aut conciliemus : Cujusmodi est illud Ciceronis pro Milone : Sed antequam ad eam rationem veniam, quæ est propria nostræ questionis, videntur ea esse refutanda, quæ in Senatu sæpè ab inimicis & improbis jactata sunt, & concione, etiam paulò antè ab accusatore.

Quomodo asseveratione ?

Cum ea, quæ argumenta quidem non sunt, sed pondus argumenti habent, probationibus admittentur, ut : Quis tam cæcus, qui hoc non videat ? Quis tam impudens, qui neget ?

Locu-

Locupletantur & singulæ collectiones epilogis particularibus, qui summam rationem paucis comprehensam auditori denuò sub oculos revocant, ut majore cū fide conclusio succedat: ut Cicero in oratione pro Pompeio: Quare videte, num dubitandum vobis sit, omni studio ad id bellum incumbere, in quo gloria nominis vestri, salus sociorum, vectigalia maxima, fortunæ plurimorum civium, cum Republica defenduntur.

Quomodo excursumus.

Cum per amplificationem singulis probationibus suos affectus adjicimus, ad quod propriè destinata est conclusio, quam si copiosam esse volumus, geminam efficiemus, ut simul per epilogum præcipua argumenta recenseantur, & affectum omne genus per omnes locos tractetur.

FINIS.

LECTORI.

EST utilissima pars studiorum puerilium, exercitium, & usus præceptorum, quæ traduntur adolescentiæ, varius, assiduus & diligens, nam absque exercitatione non satis intelliguntur præceptiones artium, nec diu inhaerere possunt mentibus. Adjiciemus igitur hoc loco etiam species argumentationum rhetoricarum breviter collectas, quod earum cognitio non minus necessaria, & utile exercitium videtur esse, quàm dislectionum adolescentibus. Nam sæpè occurrunt earum exempla in bonis authoribus, & diligenter pertractata sunt ab iis scriptoribus tum Græcis, tum Latinis, qui de Rhetoricæ præcepta tradiderunt. Nihil, inquit ille, parum est in studiis. Idèò & hunc brevem quasi tractatulum studiosus adolescentis non contemnet, sed ut profuturum suis studiis amabit. Si quis hæc videri, Rhetoricis præceptis addere possit, vel proponet ediscenda in eo Dialecticis loco, ubi de formis argumentationum agitur. Nos in calce libelli idèò adjunximus, ut speciosa & peculiari opera & tempore explicati adolescentiæ commodius possent.

O

DE

DE NOVEM SPECIEBUS ARGUMENTATIONUM Rhetoricarum.

*Quot sunt species argumentationum
Rhetorices ?*

Novem.

Quae ?

- | | |
|----------------------------|-----------------------|
| 1. Ratiocinatio. | 5. Enumeratio. |
| 2. Inductio. | 6. Simplex conclusio. |
| 3. Collectio. | 7. Subjectio. |
| 4. Complexio, seu Dilemma. | 8. Oppositio. |
| | 9. Inversio. |

1. *Ratiocinatio.*

Quid est Ratiocinatio ?

Est syllogismus Rhetoricus; in quo rationibus una vel pluribus additis majori & minori propositioni, infertur conclusio.

Quot constat partibus ?

Quinque.

Quibus ?

Propositione, propositionis ratione, assumptione, assumptionis ratione, & conclusione.

Da exemplum.

Fe. Cuicumq; quasito opus est, is verè dives dici non potest. Est enim divitiarum fructus copia, quam declarat satietas rerum & abundantia, hoc est, si nihil tibi deesse putes, nihil appetas, nihil optes amplius. Re. Marco Crasso quasito opus est, quia propter

propter aviditatem pecuniæ, nullum quæsitum turpe putat, quotidie fraudat, poscit, poscitur, aufert, eripit, spoliat socios, ærarium expilat, & testamenta supponit, quæ omnia non abundantis, sed egentis sunt signa. O. Ergo M. Crassus verè dives dici non potest.

Interdum pluribus constat ratiocinatio, quàm quinque; cum unaquæque probatio suam habet confirmationem & rationem, atque hæc rursus aliam. Interdum omittitur probatio, vel propositionis, vel assumptionis, fitque argumentatio trimembris.

2. Inductio.

Quid est inductio?

Est argumentatio, quæ rebus non dubiis concessis, propter similitudinem, rem quæ dubia erat comprobatur.

D: Exemplum.

Dic mihi, senex ingratisime, si nihil in te officii collocassem, num tu me injurium vocares? Non, inquires. Neque enim injuria videri potest, si nihil de eo bene merearis, cui nihil debes. Nunc igitur eum ultro plurimum in te officii contulerim, non æquum est, te mihi succensere, quod benefacere desierim, qui succensere non poteras, etiamsi nunquam benefacere cœpissem.

3. Collectio.

Quid est Collectio?

Est argumentatio, quæ rationibus & expolitionibus absolvitur.

Quinque.

Quibus?

Propositione, ratione, rationis confirmatione, expolitione, & conclusione.

Propositio est, quod ad probandum sumitur. Ratio, quæ probat quod propositum est. Confirmatio est rationis probatio. Expolitio est, quæ locupletanda & honestanda rei gratia adhibetur. Hæc ferè sumitur à similibus, exemplis, amplificationibus, proverbiiis, & id genus alijs. Conclusio est, quæ superioribus breviter repetitis propositionem iterat.

Da exemplum.

Propositio.

Ratio
Propositionis
Confirmatio
rationis
constans
collatione.

Expolitio
exemplis

Sapientis est, famæ suæ longè diligentius quam opibus suis, non minus verò diligenter quam vitæ consulere. Minus siquidem damni & incommodi accipit, qui pecuniam, aut etiam vitam amittit, quam qui famam. Fama amissa, in integrum restituitur nunquam. Et vita quidem corporis, cum certos à natura terminos acceperit, in longum tempus extendi nequit. Fama verò hominis, quæ est altera & potior vita nostra, etiam post cineres & rogam superest. Vitam igitur quisquis eripit, rem adimit, quæ, nullo etiam auferente, diu frui non poteramus: ac famam qui eripit, re immortalis & pulcherrima nos spoliatur. Quod veteres rectè intellexisse mihi videntur, qui non pecuniam modò, verum etiam vitam ipsam effundere non dubitarunt, quo nomen suum quàm maximè prorogarent.

rent. Multos fuisse eo animo legimus, ut postquam se fama spoliatos viderent, ne causam quidem esse putarent, cur diutius in vita manerent. Adeo gravius famæ, quam vitæ dispendium judicabant. Quod si igitur homines iis rebus maximè timere videmus, quæ cum sunt preciosissimæ, facillimè tamen perduntur, ac difficilè restituntur: sapiens existimandus non est qui famæ, quæ neque restitui potest semel amissa, & qua nihil habet homo preciosius, non multò diligentius consulendum putet, quàm pecuniæ, aut etiam vitæ.

Potest etiam tribus duntaxat, aut quatuor partibus confici collectio, si vel confirmatio, vel expolitio, vel utraque omittitur.

*Quomodo differt Collectio à
Ratiocinatione?*

In Collectione id ipsum quod proponitur, in conclusione repetitur: in Ratiocinatione, concluditur id quod est è propositione, & assumptione confectum.

*4. Complexio sive Dilemma.
Quid est Complexio sive Dilemma?*

Est argumentatio, in qua utrumvis concesseris, reprehenditur, ut: Gabinium admonendum non censeo. Nam si bonus est, admonitione non habet opus, si improbus, eam contemnet.

Aliud.

De futuris angere metu non debemus. Etenim si bona sunt, frustra metuimus: si adversa, infelicitatem duplicamus.

Vitiosæ complexiones sunt, in quibus aut utraq; pars, aut altera converti, & in adversarium retorqueri potest, ut: Accusandus omnino non est. Nam si veretur, quid eum accusas, qui probus est? si non veretur, quid eum accusas, qui id parvi æstimet? Hic invertitur utraq; pars. Prior, ut: Imò si veretur, maximè est accusandus, ut corrigatur. Posterior, ut: Si non veretur, hoc ipso est accusandus, quia improbus est. Non est hic puer tradendus privato præceptori. Nam si est literarum studiosus, non habet opus privata institutione: Sin otio est deditus, nihil proderit disciplina ignavo. Hic invertitur prior pars: Imò si studiosus est, plus proficiet, si privatum præceptorem habuerit.

5. Enumeratio.

Quid est Enumeratio?

Est in qua pluribus rebus sufficienter expositis, & cæteris infirmatis, una reliqua necessario confirmatur.

Quibus constat partibus?

Expositione, Confirmatione, Conclusionem.

Da exemplum.

Expositio.
110.

Infirmatio.
111.

Conclusio.

Si illum ab hoc dicis occisum, cum sine causa nunquã suscipiatur maleficiũ, necesse est aut metu, aut odio, aut spe alicujus commodi, aut amici alicujus gratia ab hoc esse occisum. Sed neque odium, neque metum, neque spem intercessisse, neque ad amicum aliquem mortem ejus pertinere probare poteris. Relinquitur ergo ab hoc non esse

esse illum occisum.

Interdum constat tantum infirmatione & conclusione, ut: Neque metuit, neque odio habuit, neque aliud commodi spectavit, neque amicitia alicujus motus est: Igitur non occidit. Fabius argumentum à remotione appellat. Dialectici vocant argumentationem à sufficienti divisione, ut: Neque censu, neque vindicta, neque testamento liber factus est. Ergo liber non est. Confutatur autem enumeratio, si aut unum aliquod membrum, quod ab adversario præteritum erat, profertur, aut si unum quippiam ex his, quæ prolata sunt, falsum esse ostenditur.

6. *Conclusio simplex.*

Quid est conclusio simplex?

Est argumentatio, in qua ex eo quod antecedit, aliquid consequi necesse est, ut: Spirat, ergo non est mortuus. Literas novit, ergo didicit. Si hunc hominem constat in provincia fuisse occisum, ab hoc qui tum Romæ fuit, occidi non potuit.

Refutatur hæc argumentatio duobus modis: Primo, si id quod sequitur, non necessario cum antecedente coherere ostenditur, ut: Si mater est, diligit filium. Refellitur, quia Medæa filium occidit. Hoc vocant Dialectici negare consequentiam. Deinde si id quod antecedit, negatur esse verum, ut: Philosophia socordiam affert: Ergo philosophia est vitanda. Refellitur, quia antecedens est falsum. Est igitur negandum, ut fit in Enthymemate.

7. *Subiectio.**Quid est subiectio.*

Est argumentatio, in qua quærimus, quid pro adversario, aut contra nos dici possit; deinde per singulas interrogationes, propter, subijcimus rationes, quibus id quod dictum est, refutatur.

Quot partibus constat Subiectio?

Tribus: Interrogatione, Subiectione, & Conclusionem.

Da Exemplum.

Interrogationes
& subiectiones.

Conclusio.

Quæro, unde iste ex tenui tam pecuniosus factus sit? Patrimonium amplum relictum est? at patris bona venerunt: hæreditas aliqua obvenit? at a suis ex hæredatus est: ex mercatura quam instituit, quæstû maximam consecutus est? at ex ea re, quæ habere videbatur, omnino amisit. Quare si his rationibus non locupletatus est, aut illi aurum domi nascitur, aut unde non licuit pecunias accepit. Refutatur Subiectio, si aut aliquid prætermisum esse ostenditur, aut infirmatur aliquid ex enumeratis, sicut fit in Enumeratione, in quam Subiectio commutari potest.

8. *Oppositio.**Quid est Oppositio?*

Est in qua ex opposito propositionis ad ipsam propositionem revertimur.

Quot partibus constat?

Tribus.

Qui

Quibus?

Propositione, Oppositione, & Reversione.

Da exemplum.

Si eo tempore, quo hunc hominem in provincia ^{Prop.} occisum dicitis, ego Romæ fui: relinquitur à me non occisum. Nam si tunc in provincia fuisset, à ^{Oppos. Revers.} me occisum suspicari poteratis. Nunc autem cum eo tempore in provincia non fuerim, nihil est, quod hominem à me occisum suspicemini.

9. *Inversio.**Quid est Inversio?*

Est argumentatio, in qua ex adversariorum ratione, non id quod ipsi volunt, sed quod utile nobis est, sequi demonstrabimus.

Quibus partibus constat?

Propositione, Ratione, & Inversione.

Da exemplum.

Non sunt legendi poëta; demulcent enim legentis animum, & alliciunt: imò ob id ipsum sunt legendi, quia demulcent animum. ^{Prop. Rat. Invers.}

F I N I S.



METHODUS CONSCRI-
BENDI EPISTOLAS, AUTHORE
CHRISTOPHORO HEGEN-
DORPHINO.

CHRISTOPHORUS HEGEN-
dorphinus Laurentio Czoch dis-
cipulo suo, S.D.

N iterum prodit opusculum istud de con-
scribendis Epistolis, & renatum, & au-
ctum. Tibi verò, mi Laurenti, nuncupa-
tur, ut, qui à me unice amaris, mei quoque
erga te amoris ἀνταμυσiv habeas. Tu verò in literas
Gracas & Latinas, ut soles, graviter incumbes.
Nec te deterreat, quòd hoc seculo, tam literæ, quàm
literati contemptui sint. Redibit, crede mihi, redibit
suis honor & literis, & literatis: nam omnium re-
rum vicissitudo est, πῶς δὲ ἐν ὁσίοις χρόνοις τὰ τιμὰ
πλεονάζειν, καὶ αἰσθῆναι, ut inquit Sophocles.

VALE

Quia

Quid est Epistola.

Epistola est sermo absentis ad absentem.

Cur inventa?

Ut faceremus certiores absentes, si quid esset
quod eos scire, aut nostra, aut ipsorum interesset :
author Cicero libro Epistolarum secundo.

Genera Epistolarum.

Epistolæ aut sunt demonstrativæ, aut suavisoriæ,
aut judiciales.

Demonstrativum genus Epistolæ.

Constat & laude & vituperio, personarum, fa-
ctorum, rerum.

Persona laudatur à	}	Natalibus.	}	Juventa.
		Pueritia.		Senectæ.
		Adolescentia.		Morte.

Laudari & potest persona ab animi bonis, id est,
virtutibus; à corporis bonis, à valetudine, dignita-
te, viribus, velocitate: deniq; ab extraneis, honore,
affinitate, genere, amicitia, pecunia, patria.

*Sis laudaturus Annibalem,
scribere potes.*

Annibal natus est patre Amilcare, viro fortis-
simo, & cum jam esset annorum novem, fama est
eum pueriliter blandientem patri, ut duceretur in
Hispaniam; quum perfecto Africo bello, exerci-
tum eò trajecturus sacrificaret, altaribus sacris ad-
modum tactis, jurejurando adactum se, quamprimum
posset, hostem fore populo Romano. Missus
Annibal in Hispaniā, primo statim adventu, euntē

ex-

exercitum ad se convenit. Amilcarem viventem redditum sibi milites credebant. Ingenium ejus ad res diversissimas, parendum & imperandum habile erat. Saguntum Romanis fœderatum intra sex menses evertit. Alpibus patefactis, in Italiam trajecit. P. Scipionem apud Tifinum, Sempronium apud Trebiam, Flaminium apud Trasiminum superavit, &c. Denique, cum nemo per omnia sit felix, à Scipione superatus, ad Antiochum regem Syriæ confugit: quo victo, ad Prusiam Bythinæ regem concessit: unde Romam repetiturus, hausto, quod sub annuli gemma habebat, veneno, absumptus est.

Exempla locorum aliorum.

Cicero libro Epistolarum quarto, epistola quæ incipit: Accipio excusationem, &c. Servus tuus, vel potius noster, summa me observantia colit, cujus ego cum omni probitate, summaque virtute, tum studijs, doctrinaque delector, &c.

*Cicero libro Epistolarum nono, Epistola,
Etsi contentus.*

Nihil enim, mihi crede, virtute formosius: nihil pulchrius, nihil amabilius. Semper amavi, ut scis, Marcum Brutum, propter ejus summum ingenium, suavissimos mores, singularem probitatem atque constantiam, &c.

Plin. junior Mauritio suo, s.

Petis, ut fratris tui filix prospiciam maritum, quod merito mihi potissimum injungis. Scis enim

nim quantoperè summum illum virum suspexerim dilexerimq;, quibus ille adolescentiam meam exhortationibus foverit, quibus etiam laudibus, ut laudandus viderer, effecerit : nihil est quod à te mandari mihi aut majus, aut gratius ; nihil quod honestius a me suscipi possit, quàm ut eligam juvenem, ex quo nasci nepotes Auruleno Rustico deceat : qui quidem diu quærendus fuisset, nisi paratus & quasi provisus esset Municius Acilianus, qui me, ut juvenis juvenem (est enim junior pauculis annis) familiarissimè diligit, revereatur ut senem : nam ita à me informari & institui cupit, ut ego à vobis solebam. Patria est ei Brixia, ex illa nostra Italia, quæ multum adhuc verecundiæ, frugalitatis atque rusticitatis retinet ac servat. Pater Municius Macrinus equestris ordinis princeps, quia nihil altius voluit. Adventus à divo Vespasiano inter prætorios, honestam quietem huic nostræ ambitioni dicam, an dignitati, constantissimè prætulit. Habet aviam matrem, Serranam Proculam è municipio Patavio : nosti loci mores. Serrana tamen Patavinis quoque severitatis exemplum est. Contigit & avunculus ei P. Acilius, gravitate, prudentia, fide propè singulari. In summa, nihil erit in tota domo, quod non tibi tanquam in tua placeat. Aciliano verò ipsi plurimum vigoris, industriæ, quique in maxima verecundia quæsturam, tribunatum, praturam honestissimè percurrit, ac jam pro

pro se tibi necessitatem ambiendi remisit. Est illi facies liberalis, multo sanguine, multo rubore suffusa. Est ingenua totius corporis pulchritudo, & quidam Senatorius decor, quæ ego nequaquam arbitror negligenda: debet enim hoc castitati puellarum quasi præmium dari. Nescio an adjiciam, esse patri ejus amplas facultates, &c. Idem loci sunt vituperii. Nam & à natalibus obscuris, pueritia tarda, adolescentia stertente, maliciosa, juvenia ignava, senectia inopi, morte ignominiosa, vituperatur persona.

Exempla suppeditabit frequens lectio epistolarum & Ciceronis & Plinii.

*Genus Demonstrativum epistola
ipsius facti.*

In hoc facta laudamus & vituperamus.

Loci confirmationis sunt.

Honestum, utile, facile, pium, justum, &c.

Exemplum.

Multa sunt Romanorum præclara facinora, sed hoc facile clarissimum est, quod P. Decius pro salute exercitus Romani, se Diis manibus ultro devoverit: nam quid honestius & sibi privatim, & publicè omnibus facere potuisset? Privatim, quod non parvi animi sit mortem oppetere, vitam qua nihil charius homines habent, tam lubens ponere. Neque verò id temerè fecit, sed admonitus somnio, seu potius divino afflatu, se devovit.

Publicè

Publicè verò, quod non potest non honestum esse, quod vir bonus pro salute patriæ moritur. Agè verò: quot commoditates hoc suo facto attulerit, vide: Duces optimos quosq; servavit: exercitum victorem domum remisit; Romanis æternam gloriã peperit: se deniq; à mortalitate vindicavit: pater patriæ jure suo dici potest. Quid verò commemorem, quàm difficile hoc factu fuerit? Nemo non hominum amat vitam: hæc si ponenda est, dolemus quantumvis simus fortes: Vir tamen ille cùm videret sua vita Reipublicæ salutem periclitaturam, maluit Rempublicam, quàm se incolumem.

Aliud.

Quòd ducentos ducatos ad ludum literarium erigendū dedisti, vehementer laudandum censeo. Quid enim honestius, quam de literis benè mereri? Quid magis pium, quam bonorū juvenum studia in urbe alere? Porro si Demosthenes essem, commoda facti tui, quid dicam exornare, vix enumerare possem! Principio, vide tua privata commodas: laudaberis donec ullæ civitatis reliquæ superfuerint, tum (cùm nemo non morti obnoxius sit) hoc tuo beneficio te à morte asseres, ut qui semper in hominum pectoribus, in monumentis eruditorum victurus sis. Non enim ingrata sunt literæ, immortalis præconio ornant suos instauratores. Porro ecquid putas multos insigniter eruditos juvenes veniunt ex equo, quod aiunt, Trojano, è ludo isto profuturos? Et cùm Plato beatas Respublicas dixerit,

rit, quas aut philosophi gubernarent, aut in quibus gubernatores philosopharentur : beatissima erit Respublica tua, quæ à tot eruditis viris gubernabitur, idque beneficio tuo, &c.

Generis demonstrativi Epistola.

Cujus loci sunt, honestum, utile, facile, difficile; honestas rerum antiquitate, miraculo rei, invento-ribus tractatur. Utilitas spargitur in multa, cum circumstantiis docemus, quibus, quando, ubi, cur res sit utilis.

Exemplum.

Theologia meritò omnibus literarum studiis præponitur, ut quæ antiquissima est, ut quam invenit ^o *Deus*, cujus nec principium nec finis est : quam ut mundo palàm faceret, Christum de cœlo demisit. Hic eam per prædicationem & suam & Apostolorum in totum orbem terrarum enunciavit. Cômōda Theologiæ: conscientiæ tranquillitas, justificatio nostri, vita æterna, unicum propugnaculum adversus peccatum, mortem, diabolum. Facilitas: Si enim temetipsum abneges, si de te desperes, adest spiritus ille Domini, & sine negotio te in penuaria sua perducit.

Huc refer. descriptiones.

Regionum, quæ laudantur à	} Ducibus, Regibus, Urbium frequentia. Celebritate, Copia annonæ, Tuto transitu.

Exem-

Exemplum, ut apud Plinium libro 3. cap. 5. Ubi Italiam sic laudibus tollit : Jam verò tota ea vitalis ac perennis salubritatis cœli temperies est, tam fertiles campi, tam aprici colles, tam innoxij saltus, tam opaca nemora, tam munifica sylvarum genera, tot montium adflatus, tanta frugum & vitium olearumq; fertilitas, tam nobilia pecudis vellera, tam opima tauris colla, tot lacus, tot amnium fontiumque ubertas, totam eam perfundens, tot maria, portus, gremiumq; terrarum commercio patens undique, & tanquam ad juvandos mortales ipsa avida in maria procurrens, &c.

Repub. Senatu, populi frequentia, bel-
 Urbium, { lificitate, civium urbanitate, concordia,
 quæ lau- { domorum magnificentia, rerum varia-
 dantur à { rum copia non ita magno parabili, ab
 { aère, à vicinia, villa.

Virgilius primo Æneid.

Urbs antiqua fuit, Tyrij tenuêre coloni,
 Carthago, Italiam contrà, Tyberinaque longè
 Hostia, dives opum, studijque asperrima belli.

Plinius libro tertio, capite quinto, Romam sic laudat : Urbs Roma vel sola, quo tandem narrari debet opere, &c.

Edificiorum, quæ laudantur ab	{	Atrio.	{	Situ.
		Magnitudine.		Prospectu.
		Figura.		Vestibulo.
		Cubiculis.		Penetralibus.
	{	Conclavibus.	{	Triclinijs.

P

Exemplum

Exemplum habes apud Plinium libro Epistolarum secundo, Epistola ad Gallum.

Homerus libro Iliad ζ. domum Priami sic describit :

Ἀλλ' ὅτε δὴ Πριάμοις δόκον περικάλει ἱκανή,
 Ξηστὴ αἰθέροισι τετυγμένον, αὐτὰρ ἐπ' αὐτῷ
 Πεντήκοντ' ἐνετάν θάλαμοι ξέστοιο λίθου,
 Πλησίον ἀλλήλων δεδμημένοι, εἰσαδὴ παῖδες
 Κοιμῶντο Πριάμοϊα παρθμύνης ἀλόχοισι :
 Κρεσσώνδ' ἐτέρωθεν ἐναντίοι ἐνδοθεν αὐλῆς
 Δώδεκ' ἔσαν τέγχοι θάλαμοι ξέστοιο λίθου.

Hoc est.

Sed cū jam ad Priami domum valdè pulchrum venisset, politis parietibus fabricatam, & in ipsa quinquaginta inerant thalami de polito lapide propè inter se constructi, ubi filii dormiebant Priami, propter desponsatas uxores: filiarum verò ex altera parte è regione inter aulam duodecim erant sublimes lecti de polito lapide, &c.

Fluminum, quæ
 laudantur

Ab amplitudine, cursu, colore,
 ortu, nimirum unde nascuntur :
 locis quæ præterfluunt, quæ in-
 fluunt.

Agris, nemoribus, quæ irrigant,
 piscium genere.

Exemplum invenies apud Plin. lib. 5. cap. 9. ubi Nilum describit. Virg. lib. 2. Æneid.

Leni fluit agmine Tybris.

Ecce à cursu Tybrim laudat,

Plinius lib. 5. cap. 28.

Amnis Indus in Cybratarum jugis ortus, recipit
sexaginta perennes fluvios, torrentes verò amplius
centum, &c.

Agrorum, } Quid ferant, quantum, quo ritu
qui laudan- } colantur, cujusmodi cultores ha-
tur ab his } beant.
} Quod arborum genus, quod vinum
} proferant.

Huc refer laudes amœnitatem ruris.

Horatius lib. Epistolarum 1. Epistola ad Faustum.

Novistine locum potiore in rure beato.

Et ubi plus tepeant hyemes? &c.

Montium, qui } Radicibus,
laudantur à } Si quid habeant novum.
} Quid prodigiosum.
} Quid memorabile.

Plinius lib. 3. cap. 8. Aetna mons nocturnis mi-
nus incendijs.

Virgil, lib. 3. Aeneidos.

Ipse sed horrificis juxta sonat Aetna ruinis.

Interdumq; atram prorumpit ad æthera nubem,

Turbine fumantem piceo, & cadente favilla,

Attollitq; globos flammaram, & sydera lambit:

Interdum scopulos, evulsaq; viscera montis

Exigit, cructans, &c.

*Generis Deliberativi Epistola.*In hoc suademus aliquid, aut dissuademus.

Cujus loci sunt.

Honestum, utile, possibile, necesse, facile, jucundum, pium, justum, æquum, gloriosum. Porro honesti ratio in virtutibus sita est. Proinde si honesti fontes scire vis: necesse est, ut virtutum singularum rationes teneas, quas ex I. Offic. libro perdisces. Cæterum de utilitate suprâ diximus. Necesse est, ut inquit. Cic. sine quo salvi esse non possumus.

Aliqui hos locos re-ensent.

Laudem, gloriam, fidem, justiciam, quæstum, emolumentum, fructus.

Hi verò loci cum superioribus re ipsa conveniunt.

Exemplum.

*Suadet amicus amico, ut juri civili
navet operam.*

Audio te vir optime, tecum inire rationem cuiusnam studiorum generi te tradas. Tu verò, si amici consilium admittis, suadeo ut animum tuum ad juris civilis scientiam adjungas. Quid enim honestius hoc studio aut dici aut fingi potest? Hoc poteris succurrere oppresso, judicare pupillo, defendere viduam. Quid porro necessarium magis? Tolle e medio Jus civile, & omnes urbes subverteris, omnes rerum publicarum formas confuderis. Non opinor ignoras quid dicat Cicero in oratione pro Cluentio: Quod hoc vinculum sit civitatis, hoc fundamentum libertatis. Ut enim corpora nostra sine mente, ita civitas sine legibus, suis partibus & ner-

vis,

vis, & sanguine, & membris uti non potest. Audi
 verò quid dicat idem Orator pro Cecinna: Nihil
 in civitate, inquit, tam diligenter retinendum,
 quàm jus civile, quo sublato, nihil cuiquam explo-
 ratum esse potest, quid suum, quid alienum sit. In
 hoc enim incumbit jus civile, ut optima civitas
 constituatur: Alcinno authore. En habet juris ci-
 vilis necessitatem. Jam verò quantū adferat ijs qui
 ei præsunt, hororis, gratiæ, dignitatis, quis igno-
 rat? &, ut alios omittam, quantum splendoris ars
 hæc Mutio Scævola attulit, ut cujus domus verum
 oraculum civitatis Romanæ dicta est? Sabinus
 quidam angustæ rei familiaris, propter juris civi-
 lis studium à Tiberio Cæsare in equestrem ordi-
 nem jam grandis natu, & fermè quinquaginta an-
 norum, exceptus est. Caius Cassius Longinus sub
 eodem Tiberio in maximo honore habitus est,
 sub Claudio præfectus Syriæ creatus. Quod si
 quæstum quoque ambis, nulla est ars quæstuosior:
 id quod versiculus ille, licet in syllaba una vulgo
 vitiosus, satis arguit: Dat Galenus opes, dat sanctio
 Justiniana, Quid quod re ipsa vides nullum quan-
 tumvis mediocriter juris peritum, rei familiaris
 inopia laborare? Nec verò est quòd te difficultas
 deterreat: studium istud admodum facile est, si quis
 illud disciplinis alijs instructus adeat. Tu verò cum
 linguarum callentissimus, facundia facundior,
 memoria vivacissima præditus, quid obsecro dif-
 ficultatis persensurus es? Accedit huc quod totum

istud Jus in certos illos nec innumeros liberos relatum est ; quod si perdidiceris (perdisces verò si ingenium intenderis) tantum non alter Scævola futurus es. Hic quoq; certum aliquem scriptorem elige : nec fac, ut pleriq; faciunt, qui jam illius, jam istius authoris interprementa sequentes, & ipsi incerti sunt quos sequantur, & auditores multò incertiores abeunt. Denique est mira quædam incognoscendo Jure civili suavitas & delectatio. Nam (ut Ciceronis verbis utar) si quem aliena studia delectant, plurimæ & in omni Jure civili, & in Pontificum libris, & in XII. tabulis antiquitatis effigies, quibus & Romanorum prisca vetustas cognoscitur, & actionum genera quædam, majorum consuetudinem vitamq; declarant. Age igitur, cum Juris civilis studio nullum sit honestius, nullum magis necessarium, nullum utilius, facilius, denique jucundius, Corabo (quod aiunt) stultior eris, si non ad hoc studium animum tuum appuleris. Vale.

Contrarij loci sunt in dissuadendo, scilicet.

Inhonestum, inutile, difficile, non necessarium, impium, periculosum, impossibile.

Exemplum ?

Dissuadet amicus amico ne mercaturæ studeat.

Licet amicorū mellitissime, ipsemet consilio valens, tamen cū te plurimū amē, non possum non, quia ego de tuo instituto sentiam, apud te expromere

Ru

Rumor est te mercaturæ vacare velle : quod ne facias suadeo. Principio non potest per opes tuas fieri, ut copiosam mercaturam instruas. Mercatura autem, ut inquit Cicero, si tenuis est, sordida putanda est. Sordidi enim putantur, qui mercantur à mercatorib. quod statim vendant. Quid quæso proficiunt, nisi admodum mentiantur ? nec verò quicquam turpius est vanitate : hæc ille. Porro pone ob oculos pericula, quæ tibi ingruent, ubi jam huc, jam illuc, vel pedes, vel eques proficisceris : si quid pecuniarum in zona tecum gestaveris, mille insidiæ tibi tendentur : si merces aliquas cõmeris jam, vel in mari intercident, vel via pedestri à latronibus intercipientur. Taceo imbres, tonitrua, grandines, quæ tibi jam huc, jam illuc proficiscenti imminenunt. Omitto laborem emendi, vehendi domum, has inquam, maiorum Iliadas reputa, & mirum ni cane pejus & angue mercaturam oderis. At quæstus forsitan tibi aridet. Verum heus tu, quàm quæso sordidus est ? quàm impius ? Siquidem tu res minoris emis ut pluri fratri tuo vendas. En quàm plus quæstus. Quid verò, si aliquando cum merce una aut altera, tantum jacturæ acceperis, quantum in multis non refarcire potes ? Quid verò ubi non semper pecunia præsentem emere poteris, & majoris emas, quàm revendere unquam queas ? Quid si aliquando unam rem plures alij emerint, & tua tibi domi maneat, ubi tunc manebit quæstus ? Denique quæ necessitas, si Dijs placet, Diomedæa te ad mercaturam

turam adigit? annon literas tenes? quæ unæ te, quocunq; terrarum veneris, alere poterunt? quævis enim terra alit artem. Et cur non potius te ad certum aliquod studiorum genus transfers: vel medicinam, vel si mavis, etiam juris prudentiam? hæc sanè via citius ad honores, quorum scio te esse famelicum, ad opes quas ambis, proveheris. Proinde si me amicum vis, aliò iustituti tui vela verte.

Exemplum dissuasoria orationis habes apud Ciceronem vij. Philip.

Ad hoc genus Epistolæ, refer Epistolam	Conciliatricem. Exhortatoriam. Dehortatoriam. Petitoriam. Commendatoriam. Consolatoriam.

Conciliatrix Epistola est, qua conciliamus vel nosmetipsos alijs, vel alios alijs.

Loci sunt iidem qui suasoria Epistolæ: dicimus honestum esse, ut iram, simultatem, odium depellant; siquidem fortium virorum esse, seipsos vincere. Dicimus impiū esse, Christianū cum Christiano dissidere, cum utrumq; Christus suo sanguine conjunxerit: ipse enim est pax nostra. Ostendimus multa incommoda, quæ ex illis odijs mutuis & simultatibus gliscant; facile verò eos posse reconciliari docemus, si modò utrinq; quicquid ultrò citroq; molestiarum sit, animo expuerint: nos & alios bonos

bonos viros quod æquum sit utrinque, pronunciaturos.

Exhortatoriæ quoq; & dehortatoriæ, loci sunt, qui suasioriæ & dissuasioriæ.

Erasmus hos locos enumerat :

Laudem { Rei, ut ; Si res pia, honesta, jucunda,
 { gloriosa sit, &c.
 { Personæ.

Spem bonorum, Odium inimicorum,
Metum malorum, Commiserationem,
Amorem eorum, quorum Æmulationem, (rum.
gratia res aliqua subitur. Expectationē inimico-
Exemplum apud Erasmum offendes.

Cicero lib. Epistolar. 2. Epistola quæ incipit, Epistolarum, &c. Est enim tibi gravis adversaria constituta & parata incredibilis quædam expectatio, quam tu una re facillimè vinctes si hoc statueris, quarum laudum gloriam adamaris, &c.

C. Plin. Octavio suo, S. D.

NOminem te patientem, vel potius durum ac pene crudelem, qui tam insignes libros tam diu teneas ? quousq; & tibi & nobis invidebis ? tibi maximam laudem, nobis voluptatem ? Sine per ora hominum ferantur, iisdemq; quibus lingua Romana spatijs pervagentur : magna etiam longeq; expectatio est, quam frustrari adhuc, & sufferre non debes. Enotuere quidam tui versus, & invito te claustra refregertant : hos nisi retrahas in corpus, quandoq; (ut errones) aliquem, cujus dicantur,

cantur, invenient. Habe ante oculos mortalitatem, à qua asserere te hoc uno monumento potes. Nam cætera fragilia & caduca, non minus quàm ipsi homines occidunt, desinuntque. Dices, ut soles, amici mei viderint.

Opto equidem amicòs tibi tam fideles, tam eruditos, tam laboriosos, ut tantum curæ, intentionisq; suscipere & possint & velint : sed despice ne sit parum providum sperare ex alijs, quod tibi ipse non præstes. Et de editione quidem interim, ut voles, recita saltem, quò magis libeat emittere, utq; tandem percipias gaudium, quod ego olim pro te non temerè præsumo. Imaginor enim, qui concursus, quæ admiratio te, qui clamor, quod etiam silentium maneat : quo ego, cùm dico, vel recito, non minus quàm clamore delector, sit modò silentium acre & intentum, & cupidum ulteriora audiendi : hoc fructu tanto, tam parato, desine studia tua infinita ista cunctatione fraudare ; quæ cùm modum excedit, verendum est, ne inertix & desidix, vel etiam timiditatis nomen accipiat.

Exemplum Epistola dehortatoria.

Bella verò res est, quòd tu, ut audio, dies noctesque ebrietati dedituses : annon vides quàm turpis res sit, quàm homine indigna ? Etenim homo una ratione cæteris animantibus anteit. Hæc verò vini juxta cervisixque ingurgitatione adeò obruitur, ut ex homine potius quidam Acarnanius

nus reddatur. Annon verò te ab ebrietate deterrent tot malorum agmina, quæ Plinius lib. 14. recenset? Hinc, inquit, pallor, & genæ pendulæ, oculorum ulcera, tremulæ manus effundentes plena vasa, & furiales somni, & inquietas nocturna: hæc ille. Et quid obsecro inimici tui, qui tuam vitam adeò observant, dicturi sunt? Imò quid amicissimi tui dicent? En hic nos ab ebrietate avocare deberet, & nemo est qui eam impensius amet, & colat. Quid huic credemus, qui semper ebrius est! Ebrij verò non rarò cum Parmenone Terentiano nihil tacere possunt, quantumvis arcanum, quantumvis bona fide illis creditum. Tu, si sapias, vide sobrius magis posthac, quam ebrius conspiciaris. Vale.

Petitoria

Petimus honesta, utilia, facilia & factu, & præstituta possibilia, necessaria.

Exemplum.

*Petit amicus sibi decem aureos
mutuò dari.*

Quod ego tibi ultrò deferrem, si facultatū mearum esset, id non dubito, quin & tu mihi lubens delaturus sis, mi Petre. Opus est mihi decem aureis, quos oro ut mihi des mutuò. Non dici potest, quam illis egeā, etenim domi ne obulus quidem amplius mihi est, & ut scis mihi multi sunt liberi, multi operarij, quib. victus suppeditandus est: non quærunt unde habeas, sed oportet habere. Neq; verò tibi
ho

homini tantum non cum Cræso conferendo, difficile factu erit, decem aureos hominis, & egentis & amici usibus exponere. Tu sanè non decem sed ducentos, citra tuarum rerum dispendium mihi utendos dare posses : sed parum abs te peto, ut minore negotio impetrem. Quot verò mihi commoditates parva ista pecunia allaturus sis, vide : meam existimationē, ne omnino deleatur, conservabis ; liberi, operæ, uxor, ne fame pereant, cavebis : me in tuo, quot aiunt, re esse facies. Ubi vicissim, si non pecunia, at industria, consilio, literis, si quas modò calleo, tibi tuisque consulere potero ; dispeream, si non me tuum esse dixeris. Vale.

Servius, id quod & Erasmus observavit, enarrans orationem illam Junonis. 1. *Ænead.* *Æole,* &c. dicit, id quod petimus, possibile, & justum esse debere, tum modum præstandi præscribendum, postremò, remunerationem addendam.

Exemplum.

Optime vir, est quod à te petam. Sycophāta quē nosti, mihi multis modis molestus est : quare à te peto quò illum cōpescas, ut molestiarū finē faciat. Ecquid verò justius quàm amicum amico adversus Sycophātæ oblationes patrocinari ? Ut verò patrocineris, nihil facilius ; novi enim auctoritatem tuam : admone saltem hominem istum, quem nosti, ut linguæ imperet, ut maledicendi finem faciat : admonebis verò ipsum, cū te, ut solet, salutandi gratia accesserit : ego vicissim sedulò, quæ voles faciā.

Aliud,

Aliud exemplum, quo docetur in Epistola petitoria sæpè demonstrativæ locis nos uti.

C. Plinius, Maximo suo, S. D.

QUOD ipse amicis tuis obtuliffem, si mihi eadem materia suppeteret, id nunc jure videor à te meis petiturus. Arrianus Maturius Altinatum est princeps : cùm dico princeps, non de facultatibus loquor, quæ illi largè supersunt, sed de castitate, justitia, gravitate, prudentia. Hujus ego consilio in negotijs, judicio in studijs utor : nam plurimùm fide, plurimùm varietate, plurimùm intelligentia præstat : amat me (nihil possum dicere ardentius) ut tu : caret ambitu, ideò se in equestri gradu tenuit, cùm facilè posset ascendere altissimum : mihi tamen orandus, excolendusq; est. Itaq; magni existimo, dignitati ejus aliquid astruere inopinantis, nescientis, imò etiam fortasse nolentis : astruere autem quod sit splendidum, nec molestum, cujus generis, quæ prima occasio tibi, in eum conferas rogo. Habebis me, habebis ipsum gratissimum debitorem ; quamvis enim ista non appetat, tam grate tamen accipit, quam si concupiscat.

Commendatoria.

Qua vel aliquam personam, vel alicujus ingenium commendamus.

Exempla plurima offendes in libro Epistolarum Ciceronis 10.

Consolatoria Epistola.

Qua aliquem consolamur.

Exemplum

*Exemplum.**Servius Sulpitius, M. Tullio
Ciceroni. S.*

POSTeaquàm mihi renunciatum est de obitu
Tulliae filiae tuae, sanè quàm pro ea ac debui,
graviter molestèq; tuli, communemq; eam calami-
tatem existimavi: qui si istic adfuisset, neque tibi
defuisset, coramq; meum dolorem tibi declaras-
sem. Etsi genus hoc consolationis minimum atque
acerbum est, propterea, quia per quos ea fieri de-
bet propinquos ac familiares, ipsi pari molestia
afficiuntur, neque sine lachrymis multis id conari
queunt, ut magis ipsi videantur aliorum consola-
tione indigere, quàm alijs posse suam officium
præstare: tamen quæ in præsentia in mentem ve-
nerunt, decrevi brevi ad te perscribere, non quòd
ea te fugere existimem, sed quòd forsitan dolore
impeditus minùs ea perspicias. Quid est quòd tan-
to perè te commoveat tuus dolor intestinus? co-
gita quemadmodum adhuc Fortuna nobiscum e-
gerit, ea nobis erepta esse, quæ hominib. non mi-
nùs quàm liberi chara esse debent, patriam, hone-
statem, dignitatem, honores omnes; hoc uno incom-
modo addito, quid ad dolorem adjungi potuit?
aut qui non in illis rebus exercitatus animus cal-
lere jam debet, atq; omnia minoris æstimare? An il-
lius vicè (credo) doles? quoties in eam cogitationē
necessè est & tu veneris, & nos sæpè incidimus his-
ce tēporibus non pessimè cum ijs esse actum, quibus
fine

sine dolore licitum est mortem cum vita commutare? Quid autem fuit, quod illam hoc tempore ad vivendum magnoperè invitare posset? quæ res? quæ spes? quod animi solatium? ut cum aliquo adolescente primario conjuncta, ætatem ageret? Licitum est tibi, credo, pro tua dignitate ex hac juventute generū deligere, cujus fidei liberos tuos de tutò committere putares. An ut ea liberos ex sese pareret, quos cūm florenteis videret, lætaretur, qui rem à parente traditā per se tenere possent, honores ordinatim in Republica petituri essent? in amicorum negotijs libertate sua uterentur? Quid horum fuit quod non prius, quàm datum, ademptum sit? At verò malum est liberos amittere: malum, nisi hoc pejus sit, hæc sufferre & perpeti. Quæ res mihi non mediocrem consolationē attulit, volo tibi commemorare, si fortè eadem res tibi dolorem minuere posset. Ex Asia rediens, cūm ab Aegina Megaram versus navigarem, cœpi regiones circum circa prospicere: post me erat Aegina, ante Megara, dextra Pyraus, sinistra Corinthus: quæ oppida quodam tempore florentissima fuerunt, nunc prostrata, & diruta ante oculos jacent. Cœpi egomet mecum sic cogitare, hem nos humunculi indignamur, si quis nostrūm interiit aut occisus est, quorum vita brevior esse debet, cūm uno loco tot oppidorum cadavera projecta jacent. Visne tu te Servi cohibere, & meminisse hominem esse natum? Crede mihi, cogitatione ea non mediocriter sum cōfirmatus. Hoc
idem

idem si tibi videtur, fac ante oculos tibi proponas; modò uno tempore tot viri clarissimi interierunt, de imperio præterea tâta diminutio facta est, omnes provinciæ conquassatæ sunt: in unius mulierculæ animula si jactura facta sit, tantoperè commoveris? quæ si hoc tempore non suum diem obijisset, paucis post annis tamen ei moriendum fuit, quoniâ homo nata fuerat. Etiam ab hisce rebus animum ad cogitationem tuam avoca, atq; ea potius remiscere, quæ digna tua persona sunt: illam quam diu ei opus fuerat, vixisse, una cum reipublica fuisse, te patrem suum Prætorem, Consulem, Augurem vidisse, adolescētulis primarijs nuptam fuisse, omnibus bonis propè perfunctam esse, cum reipublica occideret, vita excessisse. Quid est, quod tu aut illa cum Fortuna hoc nomine queri possis? Deniq; noli te oblivisci Ciceronem esse, & eum qui alijs consueveris præcipere, & dare consilium: neque imitare malos medicos, qui in alienis morbis profitentur se tenere medicinæ scientiam, ipsi se curare non possunt: sed potius, quæ alijs tute præcipere soles, ea tute tibi subijce atq; apud animum propone. Nullus dolor est, quem non longinquitas temporis minuat, atque molliat: hoc te expectare tempus, tibi turpe est, ac non ei rei sapientiâ tu apte occurrere. Quod si quis etiam inferis sensus est, qui illius in te amor fuit, pietasq; in omnes suos, hoc certè illa re facere non vult. Da hoc illi mortuæ, da ceteris amicis ac familiaribus, qui tuo dolore moerent: da patriæ,

patriæ, ut si qua in re opus sit, opera & consilio uti possit. Deniq; quoniã in eam fortunã devenimus, ut etiam huic rei nobis serviendũ sit, noli committere, ut quisquã te putet non tam filiã, quã reip. tempora, & aliorum victoriam lugere. Plura me ad te hac de re scribere pudet, ne videar prudentiæ tuæ diffidere. Quare si hoc unum proposuero, finem faciam scribendi. Vidimus aliquoties secundã pulcherrimè te ferre fortunã, magnamq; ex ea re laudem adipisci: fac aliquando intelligamus, adversam quoq; te æquè ferre posse, neque id majus, quã debeat, tibi onus videri, ne ex omnibus virtutibus hæc una tibi videatur deesse. Quod ad me attinet, cum te tranquilliorẽ animo esse cognoro, de iis rebus, quæ hic geruntur, quemadmodumque se provincia habeat, certiorẽ faciam.

De genere Epistolæ Juridicialis.

Hæc constat intentione, id est, accusatione, cum scilicet alicui crimen objicitur: & defensione, cum quis crimen objectum defendit & deprecatur. Hic multum refert, callere rationes amplificandi crimen, quod alicui objicitur: refert, confutandi rationem habere cognitam.

Amplificatur res à circumstantiis.	{	Verbis, sententiis, figuris.	
		Loco.	
		Tempore.	Vide Fabium lib. 8.
		Persona.	Cicer. in Partis
		Modo.	
	{	Frequentia.	

Q

Ratio

Ratio confutandi.

Aut totum est negandum, quod objectum est, & fictum & falsum esse docendum: aut redarguenda ea, quæ pro verisimilibus dicta sunt. Primo dubia esse posita pro certis, item impossibilia esse, repugnantia esse, absurda dictu esse, invidiâ magis, quàm iudicio effusa, &c.

Exempla.

Accusatur amicus stupri.

Anne verò Jupiter tibi mentem abstulit omnem? Ecqua te intemperies agit, quod Chremetis nostri filia vitium offers? An verò illud leve crimen est? an verò tolerandum, quod in domo optimè de te merita, ipso die natalis Christi, puellam istam famæ antehac semper integræ stupras? Nec satis est, quod tu in puella tui dissimilis es, nisi etiam fororibus aliis videntibus, & supra modum queritantibus, tuam expleas libidinem? Quid de te futurum sit, nescio, nisi quod audio exemplum in te futurum maximum. Bene vale.

Exemplum confutandi.

Confutat quidam suspicionem vulnerati a se vicini.

Joannes fuit hodie apud me, indicans vicinum Phanium grave vulnus accepisse, de nullo verò suspicionem ortam, nisi de me. Ego verò ausum dejerare per deos omnes, me esse extra noxam. Nam quod isti dicunt, me heri gladio accinctum, & des vicini præteriisse, non arguit me propterea eum vulne-

vulnerasse; cum multi alii præterierint, non minus armati quam ego, cur non in eos quoque recidit suspicio? Accedit huc, quod ego heri circiter horam undecimam à meridie, domum Phanii præterii, & posthac ne semel quidem in publicum progressus sum: quânam igitur fieri potest, ut ego illum vulnerârim? cum constet eum vesperi hora nona vulneratum. Age verò, quânam congruit, vulneratum illum à me, quem semper parentis in loco habuerim? Testabitur ipse, si mihi non adhibetur fides. Non me fugit quânam isti sunt, qui me hoc nomine traducunt; sunt certè mei inimicissimi, qui nihil prius malunt, quam me extinctum. Ex his igitur colliges, quàm falsissimè traducar, &c.

Ad hoc epistolæ genus refer.	Querelam, Expostulationē, Expurgationē, Exprobrationē, Invectivam,	} quæ ut nominibus vari- } ant, ita tractandi ratio- } ne ab argumentis Epi- } stolæ judicialis non } multum discrepant.
---------------------------------------	--	--

Exemplum in auctoribus observa.

De Exordiis Epistolarum.

Exordia ducuntur à rebus ipsis, de quibus scribimus.

Exempla.

Miram sanè rem, & tibi, ut opinor, auditu jucundissimam, nō potui non ad te perscribere, cum sciâ te rerū novarum percupidū esse: en rem ut novam

ita miram. Mira auditu nuper ad te perscripsi, sed audi *dauidas' tesa.*

Exordia ducuntur à persona nostra.

Exempla.

Meum erga te animum multis sæpè nominibus tibi cognitum esse non dubito : scis, opinor, quàm patrem tuum multis sæpè rebus ornârim ; non te latet, quàm toti familiæ tuæ semper prodesse studuerim, &c.

Aliud.

Si unquam alias de te benè meritus sum, me antè benè meritum esse negare non potes, fac te quoque, &c.

Aliud.

Horreo, ut me Christus amet, dicere, quàm infeliciter cesserit mihi mea profectio. O quam non ibi calamitatem vidi ! O quam non inopiam expertus sum !

Aliud.

Quamvis alii multi hîc sunt, quos mihi adfuturos spero, tu tamen imprimis ades omnium meorum necessitatum prora & puppis, quod aiunt.

Exordia ducuntur ab iis ad quos scribimus, item ab illis, de quibus scribimus. Ex his exordii generibus in epist. commendatoria authores uti solent.

C. Plinius lib. Epistolarum secundo.

C. Plin. Prisco suo.

ET tu occasiones obligandi me avidissimè amplecteris, & ego nemini libentius debeo. Dna-
bus

bus ergò de causis à te potissimum petere constitui, quod impetratū maximè cupio. Regis exercitum amplissimū, hinc tibi beneficiorū larga materia: longū præterea tempus, quo amicos tuos exornare potuisti, convertere ad nostros, nec hos multos: malles tu quidem multos, sed meæ verecundiæ sufficit unus, aut alter, ac potius unus. Is erit Vconjus Rom. pater ei in equestri gradu clarus, clarior vitricus, imò pater alius: nam hujus quoque nomini pietate successit. Mater è primis citerioris Hispaniæ. Scis quod judicium provinciæ illius, quanta sit gravitas. Flamen proximè fuit: hunc ego cum simul studeremus, arctè familiariterq; dilexi: ille meus in urbe, ille in secessu, cõtubernalis: cum hoc seria, cum hoc jocos miscui: quid enim illo aut fidelius amico? aut sodale jucundius? mira in sermone, mira etiam in ore ipso vultuq; suavitas; ad hæc, ingenium excelsum, subtile, dulce, facile, eruditum in causis agendis. Epistolas quidem scribit, ut Musas ipsas Latinè loqui credas: amatur à me plurimum, nec tamen vincitur. Equidem juvenis juveni, quantum potui per ætatem, avidissimè contuli, & nuper ab optimo Principe trium liberorum jus impetravi; quod quanquam parcè & cum delectu daret mihi, tamen tanquam liceret, indulgit; hæc beneficia mea tueri nullo modo melius, quàm ut augeam, possum: præsertim cùm ipse ille tam gratè interpretetur, ut dum priora accepit, posteriora mereatur. Habes, qualis, quàm probatus

charusq; sit nobis : quem rogo, pro ingenio, pro fortuna tua exornes: in primis ama hominem, nam licet tribuas ei quantum amplissimum potes, nihil tamen amplius potes amicitia tua : cujus esse eum usque ad intimam familiaritatem capacem, quò magis scires, breviter tibi studia, mores, omnem denique vitam ejus expressi. Extenderem preces, nisi & tu rogari diu nolles, & ego tota hac Epistola fecissem : rogat enim, & quidem efficacissime, qui reddit causas rogandi. Vale.

Exempla plurima sunt libro decimo tertio Epistolarum Ciceronis.

Exordia ducuntur ab officio, sic Cicero libro primo Epistolarum : Ego omni officio, &c.

Ab adversariorum persona, si eos in odium, invidiam, contemptionem adducimus. Hoc exordii genere in Epistola judiciali uti licebit.

A tempore : ut Ecquid unquam de te benè merendi tempus oblatum est commodius? Semper occasionem te mihi arctiore amicitiae fœdere astringendi quæsi, en jam reperi.

A moribus: ut, Mos est, ut in his diebus natalitiis amicus cum amico xeniis certet, &c. Mos est apud Lipsenses, ut in diebus Bacchanalibus, alius alium ad prandium aut cœnam invitet, &c.

Exordia sumuntur à sententiis, ut, Rectè dixit Comicus : Quot capita, tot sensus.

A votis : O quam vellem mihi dari uberrimam de te benè merendi ansam ! siquid votis proficeretur

retur, optarem ut jam Cræsus alter esses, ut qui tantos sumptus quotidie ferre cogeris.

A comparatione: Si unquam alias, hoc certè tempore Deus Opt. Max. comprecandus est, ut tandem orbis fuisset illis dissidiis defungatur, alioqui vereor ne prorsus collabatur.

Salutandi formulæ.

Paulus sic salutat: Gratia vobis & pax à Deo Patre, & Domino Jesu Christo.

Cicero.

Sic salutat: N. T. C. Publio Lentulo S. D.
Plinius Junior addit, Suo. Alias formulas ex Erasmo pete.

De superscriptione Epithetorum.

*Principum Epitheta ferè sunt
huiusmodi.*

Cæsar Auguste, Rex invictissime.

Fortissime Imperator.

Dux illustrissime.

Clementissime Princeps.

Vir generosissime, præpotens.

Ornatissime, clarissime, splendidissime.

Opt. Maxim. quod à Jove sumptum quidam in Christum transferunt, in quem veriùs competit, quàm in Jovem.

Magistratum Epitheta hæc sunt.

Consul vigilantissime.

Senator splendidissime.

Censor gravissime.

Aedilis magnificentissime.

Judex incorruptissime.

Prætor integerrime.

	{	Theologos, graves, sinceros, ab-
		solutos, sacros ac divinos.
	{	Rhetores, disertissimos, suavi-
		loquentes, facundissimos.
	{	Poëtas, sacros, divinos, claros,
		nobiles, inclytos.
Ex his, qui li-	{	Jurisperitos, juris utriusq; con-
teras profitentur		sultissimos, prudentiss. legum,
appellare poteris	{	juris utriusq; juxtà doctos.
		Dialecticos, acutos, argutos, in-
		victos.
	{	Medicos, peritissimos, fidos,
		eximios.
	{	Mixtè doctos, undequaque do-
		ctissimos.

*Cognatorum & affinium Epitheta
ferè sunt hæc.*

Pater optime.

Mater indulgentissima.

Frater charissime.

Patruæ observandæ.

Uxor suavissima.

Nepos mellitissime.

Jucundis- sime.	{	Gener.
		Affinis.
		Sodalis.
		Commilito.

Ex

Ex reliquorum genere, qui nulla certa nota sunt insignes, divites, & autoritate præstantes viros appellabimus, optimates viros, summates, primarios, nobiles, graves, gravissimos: ornatos virtute, aut eruditione præcellentes, observandos, honorandos, colendos, absolutos, eximios, egregios, prudentes, suspiciendos, spectatos, perspicaces, circumspectos.

Matronas nobiles, { Primarias, optimas,
integerrimas, probas,
pudicas.

Puellas { Bellas, amabiles,
optimè moratas appellabimus.
lepidas { pudicas, mellitas,
jucundas.

Item adolescentes ingeniosos, { Probos, modestos,
optimæ spei vocare licet,
eximiæ indolis.
generosæ indolis.

Milites { Fortissimos,
Exercitatissimos,

Opifices { Industrios,
peritos, exquisitos,
accuratos.

F I N I S.

INDEX PERUTILIS RERUM, qua in utroque libro continentur.

A Deò	177	Rhetor. argum. species.	306
Adoleſcentium epith.	243	Artifices.	43
Adjeſivi locatio.	179	Credibile.	197
Adverbium in æponitur ſubſtanti- vo & adjec.	161, 162	Aſſueſcendum principiis.	163
Edificia.	25	Aſſeſſinos.	185
Equale & iuxquale.	171	Aſſendeton.	194
Æquum.	187	Atque.	171
Ædificiorum deſcriptio cum ex- emplis.	221	Attentos quomodo reddimus.	91
Agroꝝ laus.	25, 239	Atterui.	197
Amor.	43	Auxilia.	69
Ænigma.	127	Auxilia.	143, 173
Aitiologia.	196	B	
Allegoria.	125, 169	Benevolentia quomodo captatur.	9
Ambiguum.	63	Bonum.	61
Amo te multum, quomodo varia- tur.	159	C	
Amplificationis formæ.	193, 119	Caſus permutatio.	167
Anacænosiſ.	139	Catachreſis.	167, 122, 180
Anadiploſis.	132	Cauſarum genera tria.	7
Anancaion.	139	Quantum addi poſſit.	7
Anaphoræ ſpecies, & quid.	134	Character.	77
Anaſtrophe.	135	Charientioſiſ.	135
Annibal.	215	Chronographia.	122
Amilcar.	215	Cognatorum & affinium ſalutatio- nes.	5
Antanaclaſis.	215	Collatio quid.	198
Antimerabile.	211	Collectio quid.	205
Antinomia.	63	Commendatio.	195
Antithetiſ.	249	Comminatio.	141
Antiphratiſ.	115	Conmutatio verborum, & trans- tionis.	200
Antonomaſia.	122, 153, 195	Comparatio.	62, 77, 196,
Antipophora.	153		197
Apodiox.	155	Comparatiua.	173
Apologi Æſopi & Menii Agrippæ.	199	Complexio.	209
Aporia.	239	Compoſitio.	173
Apophæſis.	141	Conceſſio.	61
Apophrophe.	141	Concluſio ſimplex.	213
Argumentorum ordo.	215	Confutatio quid.	11
		Ejus loci.	17
		Et ratio cum Exemp.	238
		Congr-	

INDEX.

Congeries.	148	Litio variatúr figuris grammaticis.	169
Congeries verborum æ senectutiarum.	191	Difficultas unde colligitur.	182
Conjunctio posita inter adject. & substant.	161	Difficile 73. cuius exempl. 37.	38
Conjugatio intransitor.	167	Dilemma & eius inversio.	209
Connecendi particula.	178	Dispositio quid.	123
Consuetudo.	61	Divisio.	132, 177
A consequentibus.	179	A diversis.	179
Contentio.	149	Dociles quomodo reddimur.	10
Contentio demonstrativa, quid.	199	B	
Per contrarium.	181	Ebrietas.	230, 231
De copia paranda præcepta, quid & quotuplex.	184	Ecclesiasticorum.	5
Copiz exercitatio, ad quid utilis.	165	Egressio quid & quor modis fit, unde sumatur.	187
Copiz rationis.	166, 167, 168, 169	Eirmos.	135
170		Eironia.	136
Copiosa tractationis exempla 194.	195, 196.	Eicon sive imago.	137, 137
Correctio.	57	Ephorisis	136
D		Elleipsis, Ecleipsis.	144
Factorum Davidis lausi	19, 14	Elocutio. 113, quid.	115
Dicitur se devovit.	203	Emphasis.	123
Declinationis mutatio.	167	Enallage.	155
Defensoris loci.	39	& 161	
Definitio.	62, 167	Enumeratio quid, partes, exempl.	210
Deliberativi generis finis.	7	Entecnoi.	195
Loci deliberativi.	37	Epanaphora.	131
Demonstrativum.	185, 215	Epanalepsis.	133
Factorum.	16, 218, 219	Epanados.	135
Rerum.	23	Epitheton.	142
Personarum.	12	Epitheta.	5, 47, 61
Ilus generis canones.	12	Epiphonema.	137, 195
Irem ejus finis.	7	Epiphora.	141
Denique.	177	Epist. definitio, partes, & diversa genera.	1, 63, 77
Deprecatio.	61	215	
Descriptionis rerum locupletitio, cum e, us exemplo.	189, 239, 240	Cur inventa.	161d.
Devotio.	142	Eorum exordia cum exemplo.	239
Dialysis.	173	Epist. Accusatoris partes, & paradigma.	64, 145, 77, 84.
Picæologia.	148	et. Item eiusdem generis ad micum.	83
Dicendi 3. genera.	1		

INDEX.

Item ex Christoph. Hegen	151	dem. & similia.	
Purgatoriz partes.	73	Epist. intermissio.	47, &
Exempl.	71, 75		49
Expostulatoriz partes, cum exem- plo.	7, 53	Epitheta cognatorum & affinium.	244
Excusator & status assumptivi.	84,	Eruditorum epitheta quæ sunt, & ubi adhibentur.	61
Epist. Commendat. partes.	33, 36,	Epiphonema.	137, 129,
exempl.	38, 112, 23		199
Consolatoria, ejus paradeigma.	52,	Erasmi copiar liber.	159
	53	Erotema.	197
Partes inverti possunt.	57	Et copula.	161
Demonstrativa personarum.	26	Eruditio virtutis mater.	23
Partes.	25, 17	Ad eam exhortatio.	39, 40
Exempl. Ibidem.	27, 141	Etymologia.	168, 179
Epist. defensoriz.	90	Exaggeratio.	194, 195
Partes. 67. Exemp.	68, 69,	Exclamatio.	193
	71	Exemplis affinis.	197
In statu absoluto.	90	Eorum collatio & unde sumatur,	
Exemp.	91	Ibidem.	
Diadidicæ paradeigma.	98, 99,	Expolitio.	147
	104	Quot partibus conficit cum eius exemplo.	201
Horroria quibus partibus con- stat.	48	Exordii partes.	9
Eius exemplum.	41, 43, 227	In eo notanda & cavenda.	Ibi-
Dehortatoria.	230, 231	dem.	
Monitoria.	49	Omitti potest.	201
Epist. mixtum genus.	11	Et eius dilatio.	235
Epist. generis deliberativi partes.		F	
33, 169. cum exemplo.		Facile.	21
	224	Facultas quomodo investigatur	
Suasoriz partes.	39		35
Exemp.	40, 43, & 224,	Fides.	197
	225	Figura quid	118
Dissuasoriz.	44	Figuræ syntaxeos.	119
Exemp.	40, 126, 227	Figuræ mutatio.	177, 178
Epist. laudis personarum exemp.		Fama.	208
	14	Flumina.	26
Peritoriz partes.	46	Eadem descriptio cum exempl.	
Exemp.	26, 37, 231		212
Indicativa duo genera.	105	Futuri variatio.	175
Paradeigma composita.	106	Furti accusatio, & defensio.	68,
simplicia.	110		70
Eiusdem aliud, 111, & aliud.	Ibi-	Fortitudo.	103
		Gemma	

INDEX.

G		K	
Genus iudiciale.	38	Klimax.	145
Eius finis,	7	L	
Quis status tres.	Ibidem.	Laus à natalibus, a pueritia.	n
Generis dialectici partes.	58	adoleſcentia, &c. 13. cum exem.	
99		14, 15, vide	
Generis vel verbi heterofiſ.	165	Verbum laus.	16
Genus ſnaſorium.	193	Laudis perſonarum exemplum.	14
Gerund. pro ſupine.	161	A quibus factum laudatur.	17, 18
Gerundium pro gerundio.	166	Laudabile quemodo, & quæ ad	
Gnome.	158	Laudabile referuntur virtutes,	
Grammaticus.	161	17	
H		Exemplum rerum quæ laudari aut	
Hendiadis.	133	vituperari ſolent.	23.
Heterofiſ.	195, 179, 125	215	
Honeſtum.	13, 22	De aliis rebus laudandis.	117.
Sub honeſto quid comprehenditur.		218, 219, 220	
7, 22		Laus à copia rerum.	19
Honeſt. exemp.	23	Lex.	61
Hyperbole quid.	17, 27	Licentia figura.	139
Hypotypofiſ.	145, 45	Leiptore.	123
Hypallage.	128	Locorum deſcriptio.	191
Hyperbole.	127	M	
Hypozeuxiſ.	130	Magiſtratum epitheta.	3, 4
Hypophora.	128	110	
Hyſteron proteron.	142	Matronarum.	3, 193
I		Metonymia.	224, 170
Imago quid.	137	A mechaniciſ debortatio.	39
Imperativi variatio.	175	Meioſiſ.	124, 173
Incrementum.	148, 189	De mercatura.	224, 215
Inductio, quid exem.	207	Metaplaſmi ſpecies.	193
Inſinuatione quando utimur.	10	Metaphora.	123, 154
Vnde diſta. 9. & quemodo.	10	Metabafiſ.	155
Interrogatio.	183	Metaphora quid, & unde ſumatur	
Invective.	177	168	
Inverſio quid, partes, exem.	216	Metalepſiſ.	170
Iudicia quid.	199	Meriſmoſ.	152
Iudicatum.	55	Miſeriſmoſ.	127
Ius civile.	211, 222	Militum epitheta.	245
Iuſtum.	11, 22	Militum.	7
Iuſtitia.	104	Modi heterofiſ.	158
Ironia.	181	Movendi modi.	191
Iſodynamia, 171. & unde conſlet.		Monteſ. 28. eorum laus.	223
102		Mortis conſolatio.	49, &c. 232.
Ita.	105	214	

INDEX.

Musis nihil suavius.	41	Paradeigma composita.	34
N		Simplicis.	110
Narratio.	11	Eiusdem aliud.	111 & aliam
Narrationes Græcæ, ut Luciani, & de specn apud Platonem.	119	ibidem. Item aliud ibidem, & familia.	
Narrationis dilatio.	212	Paranomasia.	135
Narratio omitti potest.	201	Paradoxon.	139
Natura.	61, 200	Paraleipsis.	154
Necessarium.	17, 22	Parabola.	149, 157, 161
Necessarii exemp.	23	Paragoge.	170
Noctua.	188, 100	Parechia.	135
Nomina in alias partes orationis commutantur.	201	Parrhesia.	175
Notatio quomodo fit.	168, 179	Parenthesis.	155
O		Pathopoeia.	145
Obliqui locatio.	160	Parecbasis, quid.	187
Obtestatio.	142	Partitio.	152, 183
Occupatio.	154, 179	Personæ commendatio.	13
Per occupationem.	179	Loci personarum exem.	36, 186
Odium.	44	Personæ enallage.	103
Omoioptoton & Omoioeteuton.	132	Perorationis forma.	160
Omoiosis.	156	Perorationem.	19
Onomatopoeia.	122	Peristasis.	144
Opificum epitheta.	245	Perinde ac peræquæ.	107
Opificium.	8	Periphrasis.	152, 167, 169
Oppositio quid, eius partes, exemp.	22	Peroratio.	232
Orationis Rhetoricæ partes.	8	Pium.	122, 6
Orationis partes non semper omnes in omnibus.	11	Ploce.	114
Orationis partium venusta compositio.	159	Pleonasmus.	142
Primum præceptum.	33, 160, 9, 11, 13	Polyfyndeton.	133, 173
Orationis variandæ decem præcepta.	179	Posma.	107
Oratio activa in passivam.	180	Præteritio.	174
Orationis Rhetoricæ partium multiplicatio.	202	De Præpositionibus.	162
Orismos.	162	Principum epitheta.	5, 143
P		Professorum epitheta.	7, 143
Pactum.	61	Prosopopoeia.	128
Paradeigma.	77, 78	Prolepsis.	130
157		Procatleipsis.	153
		Propositio generalis quot modis effertur.	178
		Ex narratione infertur	105
		Eiusque loco ponitur.	11
		In propositionibus quot spectanda cum exemplo.	192
		Aliquando minuenda.	11
		Item unde petantur.	133
		Pro-	

INDEX.

Probationes quotuplices, & unde ducantur.	194, 204	Speciei nominis vel verbi variatio.	166
Propositionis dilatatio.	223	Speciei cum genere collatio.	184
Prudentia.	103	Status quid.	36. & ex quibus quæstionibus nascitur.
Puellarum epitheta.	7, 344	Ibid.	
Purgatio.	63	Status conjecturalis.	38, 39. & ius partes.
Quæstiones unde nascantur.	61	Ibid.	
Qualitas quot modis mutetur.	166	Status Iuridicialis.	60
Quam & tam.	197	Legitimus.	63
R		Substantiva adiecta, commutantur.	164
Ratio.	46, 184, 7, 8, 185, 11, 187, 13, 126, 15, 129, 17, 130, 19, 192, 31, 193, 23, 128	Subiectio.	174, 175
Ratiocinatio.	63, 191. quid, parter, exemp.	Supercriptio.	3
Regiones. 25. earumq; descriptio	106	Earum formulæ.	4, 8, 9
109		De supposito verbo & obliquo	159
Rhetor.	139	Supini primi variatio, sex modis.	174
Relativa.	173	Superlativi variatio.	176
A relativa.	175	Superare.	176
Remotio.	61	Syllepsis.	230
Pro republica nullum fugiendum periculum.	201	Symptote.	131
Inter verborum & rerum copiam discrimen.	166	Syllogismus.	146
Rerum copia, quot modis fit.	211, 113, 113, 114	Synonymia.	167, 172
Reticentia, quot modis fit.	143	Synathroismus.	148
S		Synchoresis.	140
Salutationes illustrium & aliorum quædam formulæ.	341	Synecdoche quot modis fit.	124, 169
Sarcasmus.	128	Syntaxis.	172
Schema differt à tropo,	120	συλλογισμῶν	78
Schematum ordo.	129, 136, 143	T	
Scriptum.	63	Tam, quam.	176
Sententia quid.	201	Tautologia.	191
Earum formulæ, & quid cum ea cog nationem habet.	200	Temperantia.	162, 163
Signa.	39	Temporis supputatio.	3
Signum infinitum.	176	Temporis enallage.	165
A signis probationes.	174	Temporis descriptio.	187
Similitudinibus uti licebit.	183	Topographia.	242
A simili.	178	Topothesia.	142
Situs loci exem.	20, 30, 31, 32	Transitio. 135. ear. for.	178
		Translatio.	61, 63
		Tecmeria.	194
		A textina dehortatio.	44
		Tropi species.	120
		In quo differunt à schenmate.	180

INDEX.

Tropi dictionis.	139, 143	Voluntas rei quomodo investiga-	65
Tropi orationis.	145	tur.	
Tum ge. rarum.	161	Virtutis Christianæ definitio, laus,	9, 100
V			
Vale dictionis, formula.	3	Cum virtute interire.	208
Post vale, que notanda.	3	Vita corporis.	208
Que cavenda.	ibid	Votum.	141
Verbum inter adjectivum & sub-		Verbum laus in exemplo.	39,
stantivum,	159		40
De verbi locatione.	161	Vtile.	18, 22
Verborum copia, quid, & in quib.		Utilitas quæ complectatur,	18,
consistit.	168		21
Verb copia quot modis varietur.		Velis & necessarius per exemplum	
	165		23
Verbi cum nomine mutatio.	165	W	
Verbum cum supino.	165	While we studie.	175
Verbum in nomina.	170	Z	
Vincere.	175	Zeugma.	130

FINIS.



182

65

laus

208

208

141

29

8, 12

18

olum

171

130